

АБУ АЛИ
ИБН СИНО

УРЖУЗА
ёки
1326 БАЙТ
ТИББИЙ ЎГИТ

Тошкент
Абу Али ибн Сино номидаги
тиббиёт нашриёти
1999

ЎЗБЕКИСТОН ФАНЛАР АКАДЕМИЯСИ
АБУ РАЙХОН БЕРУНИЙ НОМИДАГИ
ШАРҚШУНОСЛИК ИНСТИТУТИ

АЗИЗ КИТОБХОН!

Нашриётимиз Сиз — муҳтарам китобхонларнинг та-
лаб-истакларингизни инобатга олиб, “Буюк табиблар мас-
лаҳати” номли туркум китобчаларини чоп этишга кириш-
ди. Мазкур туркумнинг илк тўплами улуғ ҳаким Абу Али
ибн Сино ижодига мансуб нодир асар — “Уржуза”дан
бошланади.

Муҳаррир — *Бахтиёр Рустамов*

Абу Али ибн Сино.

А 20 Уржуза ёки 1326 байт тиббий ўтиг. — Т.:
Абу Али ибн Сино номидаги тиббиёт
нашр., 1999. — 159 б. — (“Буюк табиблар
маслаҳати” туркумидан).

ББК 53.5+5 г

4108020000

ISBN 5-638-02110-8

© “Фан” нашриёти, 1987 й.
© Абу Али ибн Сино номидаги тиббиёт нашриёти, безак,
тузатилган нашр, 1999 й.
© Ибн Сино халқаро жамғармаси, 1999 й.

НАШРИЁТДАН

Сўнгги йилларда буюк ҳаким ва энциклопедист олим Абу Али ибн Синонинг илмий меросига қизиқишиш қайтадан ошди. 1980 йил сентябррида, аллома таваллудининг 1000 йиллигига бағишлиб чоп этилган адабиётлар (қаранг: юбилей тўплами. У. Каримов. О медицинском наследии Ибн Сины. Т., 1980) нодир китоблар жумласига кириб қолди. 1979—1983 йилларда ЎзФА “Тиб қонунлари”нинг иккинчи, тузатилган ўзбекча ва русча нашрини босмадан чиқарди. 1992—1993 йилларда “Мерос” нашриёти Абу Али ибн Синонинг “Сайланма”сини (3 жилд) китобхонларга туҳфа қилди. Мазкур китоблар тез орада тарқалиб кетди. Шу ўринда юқоридаги нашрлар учун масъул бўлган таникли шарқшунос олимлар У. Каримов, Ҳ. Ҳикматуллаевлар — Оллоҳ раҳмат қиласин — заҳматли меҳнатини ва номини чуқур ҳурмат билан ёдга олиб ўтишни жоиз топдик.

Буюк ватандошимиз ҳаёти ва ижодига қизиқиши инобатта олиб 1999 йил бошида Президентимиз И. А. Каримов фармонига биноан, Ибн Сино номидаги Ҳалқаро жамғарма тузилди. Жамғарма келгусида Абу Али ибн Сино меросини ўрганиш, тарғиб қилиш ва соғлиқни сақ-

лаш соҳасида бошланган ислоҳотларнинг ҳомийси бўлади деган умиддамиз. Улуг аллома номидаги нашриётимиз ташаббус кўрсатиб “Буюк табиблар маслаҳати” туркумига оид китобларни чоп этишга қарор қилди. Ниятларимиз улкан ва қизиқарли. Абу Али ибн Синонинг “Уржуз” асари бу борадаги дастлабки кутлуг қадам саналади.

Азиз китобхон! Кўлингизга етиб борган “Уржуз” ёки 1326 байт тиббий ўгит” китобчаси Сизнинг ҳамроҳингиз ва ҳамдардингизга айланнишига шак-шубҳа йўқ.

* * *

“Уржуз” Абу Али ибн Сино қаламига мансуб шеърий асарларнинг баркамоли ва энг улуғидир. Бундай асар яратиш учун муаллиф кўп ишлагани ва ўз фояларининг халқа тезда етиб боришини истаганлиги ҳақида шундай дейди: “Мен бу “Уржуз”га камолот тўнини ва хусн сарупосини кийгаздим, уни ўрганиш осонроқ, машаққати камроқ бўлсин деб, тўқилишини осон, вазнини енгил қилдим”. Кимки унга идроқ кўзи билан қараса, бу ҳажми кичик асар туфайли катта илмга эриша олиши мумкин”.

Абу Али ибн Синонинг “Уржуз”си нафақат асл нусхада, балки бошқа тилларга таржима қилиш ва унга шарҳ ёзиш йўли билан ўрганиб келинди. Бу “Уржуз”га Мусо ал-Бағдодий (вафоти 1472 й.), Аҳмад ас-Сақдий (вафоти 1427 й.), Аҳмад ал-Муқанно (вафоти 1418 й.), Абу-

л-Аббос, ан-Наботий (вафоти 1237 й.), Ибн Рушд ал-Куртубий (вафоти 1198 й) кабилар шарҳ ёзганлар. Мазкур шарҳлар орасида энг мўътабари Ибн Рушднинг “Куллиёт” шарҳи бўлиб, унинг баъзи нусхалари бизгача етиб келган. Ибн Рушд ўзининг “Уржуза”га ёзган шарҳи муқаддимасида Абу Али Ибн Сино “Уржуза”си табобат илмига мадхал, яъни муқаддимадир дейди. Бу асар, — дейди Ибн Рушд, — табобат илмининг барча умумий қоидаларини ўз ичига олган ҳамда табобат ҳақида ёзилган кўп мадхаллардан анча яхшироқдир. Бу асарни ёдлаш осон, ўзи кишига завқ берадиган ва диққатга сазовор китобдир.

Ибн Рушднинг устози, андалуслик машҳур табиб, шундай дейди: “Гарчи “Қонун” “Уржуза”дан ҳажм жиҳатидан катта ва мавзуи жиҳатидан жуда кенг бўлса-да, “Уржуза” ундан юқори туради, чунки у ихчамлиги билан ҳам тиб қоидаларининг муҳимларини ўз ичига олган ва тиб ҳақида ёзилган ҳамма асарларнинг ўрнига ўтадиган асардир”. Абу Марвоннинг мазкур сўзлари бежиз эмас, ҳақиқатан, “Уржуза” медицина нинг асосларини ўрганиш ва унинг назарий масалаларини тез ўзлаштиришга ёрдам беради.

Абу Али ибн Сино бу асарида биринчи галда одамларни даволашни назарда тутмай, балки унда бўладиган касалликлар ҳамда уларни даволаш йўлларини айрим мисоллар билангина баён этган. Холоса қилиб айтганда, “Уржуза” медицина илмига бир муқаддима, уни ўрганувчилар учун дарслик сифатида ёзилган.

“Уржуза” бир варақ насрый муқаддима ва 1326 байтдан иборат асосий қисмда баён этилган. Муқаддимада муаллиф рисолани ёзиш сабабларини тушунтиради. Асосий қисм ўз навбатида икки бандга бўлинган. Биринчиси назарий қисм бўлиб, унда тибнинг тавсифи ва тақсимланиши, унсурлар, мизожлар, хилтлар, аъзолар, руҳлар, қувватлар, феъл (тасир)лар ҳақида гапирилган. Ҳаво, овқатлар, ичимликлар, уйқу ва уйғоқлик, ҳаракат ва ҳаракатсизлик, бўшаниш ва бўшанмаслик, нафсоний кайфиятлар каби назарий масалалар айтилган. Сўнг айрим-айрим аъзолар касалликларининг белгилари ҳақида гапирилади. Томир уриши ва ундан касаллик белгилари топиш, тупук, жигар, сийдик, ахлат, тери кабилардан касалликка далил топиш, қон, сафро, савдо ва балғам ғалаба қилишининг белгилари баён қилинган. Буҳрон (кризис) ва ўлимдан огоҳлантирувчи белгилар айтилган.

“Уржуза”нинг иккинчи қисми амалий қисм бўлиб, у соғлиқни сақлаш ва унинг тадбирларига бағишланган. Бунда хусусан уйқу тадбири, ҳаракат қилиш тадбири, сафарда бўладиганлар тадбири баён этилади. Она қорнидаги чақалоқ ва дард тутиш вақтидаги тадбир, гўдакнинг ўзига хос бошқа тадбирлари, ҳақида оммабоп, тушунарли, содда тилда сўз юритилади.

ТИБ ҲАҚИДА ШЕЪРИЙ АСАР ("УРЖУЗА")

**Шоикром Шоисломов таржимаси
Нашрга тайёрловчи: Бахтиёр Омон**

АБУ АЛИ ИБН СИНОНИНГ ЎЗ УРЖУЗАСИГА ЁЗГАН НАСРИЙ МУҚАДДИМАСИ

Аш-шайх ар раис табиб Абу Али ал-Хусайн ибн Абдуллоҳ¹ ибн Сино айтди: Ҳакимлар ва қадимги вақтда ўтган фозилларда подшоҳлар, амирлар, халифа ва вазирлар, қозикалон ва ғақиҳларга наср ва назмда турли фан ва илмлар [бўйича] асар ёзиб тақдим этиш йўли билан хизмат кўрсатиш одат бўлиб келган. Хусусан табиб шоирлар кўпинча ражаз² баҳрида назмлар ёз-

¹ Т. дан кўшилди. Кейинги ўринларда тушуниб олиш зарур бўлган шартли қисқартмаларни маълум қиласиз: Т. — “Уржуза”нинг Тошкент қўлёзма нусхаси. Бу қўлёзма ЎзРФА ШИда инв № 3008/IVда сакланади. П. — “Уржуза”нинг Париж нусхаси. С.—П. — “Уржуза”нинг Санкт-Петербург қўлёзма нусхаси. Мазкур қўлёзма С. Петербургдаги Давлат университетида М.О — 391/1 да сакланади. Ибн Рушд — “Уржуза”га Ибн Рушд ал-Куртубий (1119—1199) ёзган шарқининг Қоҳира нусхаси. Араб тилида ёзилган бу шарқ “Куллиёт” номи билан ҳам аталган (Нашрга тайёрлов чидан).

² Уржуза арузнинг ражаз баҳрида ёзилган шеър ва адабий жанр, унинг тўла байти олти туроқли бўлиб, мустағъилун олти марта тақорланади. Баъзилар уржуза — ражаз баҳрида ёзилган қасида дейишиди. Ражаз баҳрида ёзилган шеърларда ҳар бир мисра охири бир-бири билан қофиядош бўлгандагина уржуза бўлади. Агар фақат байтнинг охиригина қофияланган бўлса, буни уржуза дейилмайди.

ганлар ва кунношалар¹ тузганлар. Бундан мақсадлари ражазга [шеър айтишга] ким моҳир — ким ожиз эканлигини аниқлаш бўлган. Бунинг натижасида подшоҳлар табобат қонунлари ва ҳикмат [фалсафа]нинг йўл-йўриқлари билан танишганлар.

Мен форс мамлакатида табобат ҳунарининг мажлисларда талқин этилишдан, касалхона ва мадрасаларда муҳокама қилинишдан четда қолганини кўрдим. Табобат ва унинг тармоқлари тўғрисида билими бўлмаган, қонунларидан тушунчаси йўқ ва ўзида у ҳақда тасаввури ҳам бўлмаган кишилар хусусан озгина ўрганиб олиш билан уни ўзиники қилиб олганлар, натижада бу фанда яхши чиниқмаган кишилар тўрга чиқиб олиб шайхлик² даъво қила бошлаган.

Шунинг учун мен қадимги ҳакимлар³ услуби ва одатига эргашиб жаноб Саййидимиз⁴ баланд мартабали вазир, фақиҳ⁵ ва улуг қозига [тангри

¹ “Куннош” ёки “кунноша”. Сурёний тилидан кирган бу сўзнинг асл маъноси, айрим қоидалар ажralиб чиқадиган қонунлар тўплами бўлиб, бу ерда тиббий тўплам китобини билдиради.

² Шайх (кўплиги шуюх) сўзи “олим”, “устоз”, “бошлиқ” деган маъноларни англатади.

³ Бу ерда юонон ҳакимлари кўзда тутилади.

⁴ Эҳтиром маъносини билдирувчи ва пайғамбар авлодидан бўлган кишилар Қўшима отининг биринчи ёки иккинчи қисмини ташкил этувчи “саййид” сўзи орқали Ибн Сино ўз “Уржуза”сини тақдим қилган шахсни билдирса ҳам унинг исмими тўла ва аниқ ёзмаган.

⁵ Фақиҳ — диний ҳукмларни яхши билувчи олим. Шу билан бирга, бу сўз улуг ва давлат арбоби маъносида ҳам қўлланилади.

у кишининг умрини узун, иззат-у, мартабасини давомли этсин, ҳасадчи ва душманларини йикитсин ва хор қилсин] табобат илмининг ҳаммасини ва унинг ажойиб [йўсингдаги] тақсимими ни ўз ичига олган шу уржузани [ёзиб тақдим этиш] билан [бир] хизмат қилдим. Мен бу уржузага камолот тўнини ва ҳусн сарупосини кийгиздим, уни ўрганиш осонроқ ва машаққати камроқ бўлсин деб тўқилишини осон ва вазни ни енгил қилдим. У [вазир] уржузага фаҳми [ид-роки] билан қараса ва уни илм хазиналарига киритса, бу кичик ҳажмли [асар] туфайли катта илмга эришишга ёрдам олади ва ким уста, ким телбалигини, ким бошланғич маълумотда-ю, ким [илмий қувватда] етук эканлигини, ким ҳақиқатчи-ю, ким ёлғончилигини ажратиб олади.

Ўзига яқинлаштиришга ёрдам бериш тўғрисида Оллоҳнинг ўзигагина мурожаат этаман, чунки у ёрдам берувчиidir ва унинг ўзигагина тавакkal қилинади¹.

¹ Муаллифнинг “Уржуза”га ёзган бу насрый муқаддимаси фақат П ва Т нусхалардагина сақланган. Асарга шарҳ ёзган Ибн Рушд эса ҳар иккала муқаддимани тушириб қолдирган.

УРЖУЗА

1. Ягона подшоҳ, осмонларнинг эгаси улуғ ва қарамли тангрига ҳамд [мақтov]лар бўлсин!
2. У [тангри] камчиликдан пок, қадимийлик билан [сифатланувчи] танҳо бўлиб, биздаги [ду-нёдаги] борлиқларни йўқликдан чиқарувчидир.
3. У ўз нурини бизнинг ақдларимизга сочади¹, токи ақдимиз чегарасига сифадиган илмларнинг яшириnlари юзага чиқади.
4. У ўз фазли-карами билан ҳақиқатан инсонни ва [ундаги] тилни яратди. Уни сўзлаш хусусияти билан [бошқа ҳайвонлардан] ортиқ қилди².
5. [Тангри] инсонга ҳис билан билишни илҳом этади, яширин [нарсалар бошқаларга] таққослаш билан ойдинлашганидек³.
6. Ақл — ҳаёт ва тўғри шоҳидлар [назариялар] эгаси бўлган нафс-и нотиқа [инсон]га ёпишгандир.
7. [Тангри] ақлни, ҳис-сезгини ва ҳаётни маҳлукотга адолат билан бўлиб берди.

* Барча изоҳлар китоб сўнгида батафсил берилган. Айрим сўзларнинг маъносини мукаммалроқ англаш учун “Тиб қонунлари” кўп жилдлигидан фойдаланишингиз мумкин (*maҳр.*).

8. Ҳамма [борлик] табиатта боғланди — алоқадор бўлди, шу билан [тангрининг] ажойиб ҳикмати такомиллашди⁴.

9. Ўша вақтда кими ўз нафсини ёмон нарсалардан тозалаган бўлса, у қиши фазилатта эришди.

10. [Бошқа] жониворлар билан инсон орасидаги айирма икки: кўл ҳунари ва тил биландир⁵.

11. Бас, шундай экан қишиларнинг энг улуғи ҳунарда яхшироғи-ю, сўзда тили ўтқирроғидир.

12. Чунки улар ҳақиқатда зотлари билан банд қилинганлар [ўз устларида ишлаганлар] ва лаззатларнинг энг пишигини [сўз маҳоратини] зотларига бағишлигарнлар.

13. Шоир тилнинг амиридир, табиб баданинг шоҳи бўлгани каби.

14. Булар сўз маҳорати билан нафсни қайрасалар у [табиб]лар хайриҳоҳлик билан бадани даволайдилар.

15. Мана бу уржуза, бунда табобатнинг ҳаммаси — унинг ҳам назарий, ҳам амалий [қисми] такомиллашгандир.

16. Мана мен илм[лар]дан эслаб қолган насримни назм қилишга киришдим⁶.

Тибнинг тафсири⁷ ҳақида

17. Тиб соғлиқни сақлаш [ва] бирор сабабдан танада пайдо бўлган касалликнинг тузатилишидан иборатdir.

• Тибнинг тақсимланиши ҳақида

18. У биринчидан илмий [назарий] ва амалий қисмларга бўлинади: илмий [қисми] эса уч нарсани ўрганиш билан мукаммал бўлади⁸.

19. У нарсалардан [бири]: еттита табиат⁹ ва [иккинчиси] олтита заруриёт¹⁰.

20. Яна [учинчиси] учта нарсаки, улар тиб китобларида ёзилган касаллик, араз¹¹ ва сабаблардан иборатдир.

21. Тибнинг амалий қисми иккига бўлинади: бири қўл билан қилинади.

22. Ва бошқаси дори билан ҳамда белгиланган физо билан бўлади.

Тиббий нарсалар ва биринчи галда руқн¹² [унсур]лар ҳақида

23. Аммо [еттита] табиий нарсалар[дан бири] руқнлардирки, уларнинг бир-бирига аралашувидан баданлар вужудга келади.

24. Шулар ҳақида Букротнинг сўзи тўғрики, улар — сув, олов, тупроқ ва шамол [ҳаво]дан иборатдир.

25. Бу ҳақда [Букротнинг] далили шуки, қачон жисм ҳалок бўлса, у ноилож қайта ўша [тўрт руқнга] айланади.

26. Агар ўша руқнлар [ҳаммаси] бир [хил табиатли] бўлганда, бирорта жонли нарсани [инсонни] касалликлар туфайли бузилган кўрмасдинг¹³.

Табиий ишларнинг иккинчиси — мизожни¹⁴ билиш

27. Мизожни билиш уни даволаш [ишида] ёрдам беради.

28. Аммо мизожнинг қувватлари тўрттадир. Ҳаким уларни ёлғиз-ёлғиз [атайди] ёки қўшиб [атайди]¹⁵.

29. [Улар] иссиқ, совуқ, қуруқ ва юмшоқ [ҳўл]дан иборатки, у ушлаган кишининг сезги-сига етади.

30. Мизож қувватлари руқнларда, замонда, ўсадиган [нарсалар]да ва жойда ҳам бўлади¹⁶.

31. *Устуқус*¹⁷ эса оддий мизожларнинг энг ниҳоясини олувчи [эгалловчиси]дир¹⁸.

32. Иссиқлик оловда ва ҳавода, совуқлик эса тупроқда, сувда бўлади.

33. Куруқлик олов билан тупроқ ўртасида, ҳўллик эса сув билан булут [ҳаво] ўртасида¹⁹.

34. Бизга борлиқ [вужуд]ни ҳукм қилиб берадиган жавҳарлар орасида бирикмаслик ҳам, бирикишлик ҳам бор²⁰.

35. Улар битта табиатли бўлиб қолмаслик учун турлича бўлган, бир-бирига зид бўлиб кўринмаслик учун бирикишган.

36. Унсурдан бўлак мураккаб [нарсалар] мизожини таърифлашимиз аксарият юзасидандир²¹.

37. У тўрт сифатни ўзида тўплаган²², [шу-нинг учун] биз уни мўътадил деб қонун қилиб оламиз [ушлаймиз].

38. [Шу тўрт сифат] унда маълум бир миқдорда бирикишган. Шунинг учун у дастур ва ўлчовдек бир нарса бўлган.

39. [Мўътадилликдан] четланишга хос бўлган ва бир тарафга [зид томонга] мойил бўлган ҳар бир [мизож].

40. Сира қувватлардан холи бўлмайди, лекин у қувватлар унда [мизожда] баробар бўлмайди.

41. [Ўша мизож] ағлабийят йўли билан ё оловлик, ё тупроқлик ёки сувлик деб аталади²³.

42. Ва ундан [мизождан] бир хили борки, у елларга²⁴ нисбат берилади. Буларнинг ҳаммаси истилоҳда шундай дейилади.

43. Мен мизожнинг²⁵ тўққизта турини [баён қилиб] тутатдим ва бу тўғрида ўзимдан чиқариб сўзламадим.

Замон [fasl]лар мизожининг баёни

44. Замон устида [мизожларни гапирсам], тақдир билан [фаразан] гапираман, чунки бу ҳақда [фикрга] озодлик бериш учун ҳеч йўл йўқ.

45. Қиши [fasli]да балғам кучаяди, баҳорда эса қон кўзгалади.

46. Ёз [fasli]да сафро бўлса, савдо [қора ўт] куз фасли учундир.

Ўсувчи [нарсалар] қисмларининг баёни

47. Ўсувчи [нарсалар] маъдан, ўсимлик ва бадани тирик [жонивор]ларга бўлинади.

48. Улардан жисмга ғалаба қилгани дори, ўстиргани эса физо бўлади²⁶.

49. Уларнинг мизожи тотиб кўриш ва тўғри қиёс билан билинади.

50. Ширин, шўр ва аччиқ [мазалар] қуруқлик [мизожига], ўткир [маза] эса иссиқлик [мизожига] тўғри келади.

51. Ва ҳамма тахир, нордон ва буриштирувчи мазалар совуқлик ва қуруқлик [мизожига] хос бўлади.

52. Ва ҳар бир сувлик ва таъми йўқ нарсалар албатта мўътадил мижозлидир.

53. Ва ҳар бир ёғлиқ [нарсаларнинг мизожи] иссиқ ва ҳўл бўлади; bemaza ва чучук эса совуқ ва ҳўлдир.

Ёшга²⁷ [тегишли] мизожлар баёни

54. Тирик нарсалар ёшига қараб [мизожда] ҳар турли бўлади. Бизнинг гапимиз бунда инсон устида [боради].

55. Йигитлар ва болаларнинг мизожи иссиқ ва уларнинг аҳволи [кайфияти бир-бирига] яқиндир.

56. Лекин йигитлар қуруқликка, бола[лар] эса сезиларли рутубатга [яқин].

57. Ўрта ёшли кишининг [мизожи] ўлчаб кўрсанг совуқ бўлади. Қари киши ҳам шунга ўхшаш, [балки] ундан ёмонроқдир.

58. Ҳар иккаласининг мизожида қуруқлик ҳам орис бўлган. Ва қариянинг хилтларида пишиб етилмаганлик бор²⁸.

Эркак ва аёллар [мизожи] ҳақида

59. Эркакларда қуруқлик ва иссиқлик, хотинларда эса совуқлик ва ҳўллик [бўлади]²⁹.

60. Юмшоқ ва семиз баданинг мизожида совуқлик ва ҳўллик бўлади.

61. Гавда тузилиши ориқ бўлган кишилар мизожида қуруқлик бўлади.

62. Гавда тузилишида ҳар кимнинг томирлари кенг [бўлса] албатта у иссиқлик [белгисидир].

63. Томирлари [юқоридагининг] акси бўлган ҳар бир кишининг [мизожи] жуда совуқ бўлади.

64. Мўътадил тузилган гавда [мизожи] юқоридагилар орасида [ўртача] ўринни эгаллайди³⁰.

Ранглар ва биринчи навбатда тери рангига қараб мизожни аниқлаш баёни

65. [Кишиларнинг] рангига қараб [мизожига] далил ахтарма, агар унга мамлакатларнинг таъсири бўлган бўлса³¹.

66. Занжда³² иссиқлик танларни ўзгартириб юборган, ҳатто у танларнинг терисига қораликни кийим қилиб кийгизган.

67. Сақлаблар³³ ўзига оқликини олган, шу қадарки, уларнинг териси нафис-нозик бўлиб кетган.

68. Агар етти иқлиминг³⁴ чегарасини билиб олсанг, мизожнинг [ҳамма] турларига ошно бўлган бўласан.

69. Ўша иқлимлардан [мизожда] мўътадил ва текиси тўртингчисидир³⁵; ранг унда мизожга тобедир.

70. Буғдой рангли сариқ киши сафрога, гунгурт тупроқ рангли киши эса савдо [мизожига] нисбатланган — мансуб бўлади.

71. Қизил тан қон кўплигидан [нишона], фил суягига ўхшаш оқ тана балғам [мизож]лидир.

72. Қизилликка аралаш оқ [тан] мизожи ўртача миқдорли [мўътадил]дир.

Мўйининг ранглари ҳақида

73. Мўйи оқ кишида совуқ мизож бўлади ва мизожи иссиқ кишининг сочи қора бўлади³⁶.

74. Совуқлиги кам киши малла рангли мўй билан, иссиқлиги кам киши эса қизил тусли мўй билан [билинади].

75. Мизожи мўътадил киши мўйининг ранги қизғиш малла бўлади.

Кўз рангларининг баёни

76. Кўзниң қорачиғи ичидаги яхсимон тинқ рутубат³⁷ ва унинг олдиғаги тухумнинг оқига ўхшайдиган рутубатнинг³⁸ жисми кичик [ва қаттиқ] равшан бўлиб,

77. У жисмларнинг жойи кўтарилиган ва у жойда тоза, ялтироқ — мунаввар ёғду берувчи нур бўлса,

77а.. Шундай кўз кўк бўлади ва унинг акси эса сурма рангли бўлади³⁹.

78. Агар сен сурма ранглилик сабабини кўк ранглилик сабабига аралаштиrsанг, у вақтда кўз шаҳло⁴⁰ бўлади.

79. Агар [кўриш] руҳи кам бўлса, кўз шаҳло бўлади ёки кўзда руҳ кўп бўлса, у вақтда у ёниб турадиган бўлади.

Табиий нарсалардан учинчиси — хилтлар⁴¹

80. Жисм ҳар хил тус ва мизожли бўлган хилтлардан яратилғандир.

81. Улар балғам, сарик ўт, қон ва қора ўт (савдо)дан иборатдир.

82. Табиий балғам мазасиз ва мўътадил со-вукликка эга [бир] хилтдир.

83. [Балғамдан] бир хили борки, уни шиша-симон [балғам] дейилади, у қуюқ ва мизожи совуқ бўлади.

84. Унинг яна бир хили бор, унинг таъми шириндек, ўзи эса ҳароратдан холи бўлмайди.

85. Яна бир хил балғам бўладики, уни шўр деб аталади, уни ҳарорат ва қуруқликка мойил кўрасан.

86. Ундан бир хили нордонроқ бўлиб, у со-вукроқ бўлади. Меъда бузилган пайтда у балғам меъдада бўлади.

87. Ўт — сафро ҳар рангда бўлади, [ундан] бирини тутунсимон деб таърифланади.

88. Ундан бир хили зангор ва ганданога ўхшашдир, шу хилининг ёмонлиги кўпдир.

89. Ундан бошқа бир хили тухум сарифиси-
мон деб аталади ва у қувватларида ёмон эмас-
дир.

90. Ўт қопчиғида турадиган қизил рангли-
си⁴² ҳам бор. Сафронинг ҳамма ҳиллари ҳам ҳаро-
ратга нисбат берилади.

91. Қон шундай нарсаки, унинг вужудга ке-
лиши жигардандир, у жигар томирлари [орқа-
ли] жасадга ўтади.

92. [Қоннинг] бир қисмини юрак ўз ичига
олган. Қон ўз қувватларида иссиқ [ва] ҳўлдир.

93. Савдонинг турар ери талоқ [қора жигар]-
дир. Бу тушунча амримаҳол эмасдир.

94. Қоннинг лойқаси табиий савдо, лойқа-
дан бошқаси эса табиий бўлмаган [савдодир].

95. Кейингиси [табиий савдонинг бошқа
хилтларга] аралашувидан ёки бошқа хилтлар-
нинг куйишидан келиб чиқади.

Табиий нарсаларнинг тўртинчиси — аъзолар

96. Бадандаги аъзоларнинг асосийлари
тўртга⁴³, ундан бошқаси шуларнинг шохобча-
лари деб билинади.

97. Улардан бири жигардир. У, жасад учун
физо [қон] бериш вазифасини бажаради.

98. Юрак эса жисмни ҳаёт билан физоланти-
ради. Агар юрак бўлмаганда жисм ўсимлик каби
бўларди.

99. У [юрак] жонли⁴⁴ баданда унсур кабидир.
У ўтказадиган [табиий ҳароратни] *абҳар*⁴⁵ [ор-
қали баданга] ўтказади.

100. Бош мия эса орқа мия ва асаблар билан юрак оловини яллигланиб кетишдан асрайди.

101. Сўнгти иккитаси билан бўғинлар ҳаракатта келади. Икки можак эса наслланиш олатидир.

102. Уぢар бола туғдириб [жониворлар] начини сақлайди, улар йўқ бўлса, жониворлар нави узилиб қоларди.

103. Гўшт, ёғ ва турли безларни олсак, улар юқоридагилар учун қурол бўлиб хизмат қиласди.

104. Суяқ, парда ва бойлоқ[лар] бадан учун суюнчиқ ва эҳтиётдир.

105. Булар [бадан] шакли ва қомати тугал бўлсин учун [яратилган]. Шуларнинг ҳаммаси асосий аъзоларга хизматкор[лик вазифани ўтайди].

106. Оёқ, қўлдаги тирноқлар [бармоқларга] ёрдам учун, мўй эса чиқиндиларни [бадандан кетказиш] ҳамда зийнат учундир.

Табиий нарсалардан бешинчиси — руҳлар⁴⁶

107. Руҳ бўлинади: руҳи табиийга, у яхши ва тоза буғдан иборатдир.

108. Ва [хилтлардан] тоза бўлган юракдаги руҳга, у шундай [руҳки], ҳаёт у туфайли бўлиб туради.

109. Яна мияда бўладиганига ҳам бўлинади, унинг жинси [яъни у] парда ичига қуйилган⁴⁷ [яратилган].

110. Унинг турлари мия қоринчаларида тутгал — етуқ бўлади. Ҳис ва фикр қилиш шу [руҳ] билан бўлади⁴⁸.

111. Ҳар бир руҳнинг ўзига хос қуввати борки, у қувватни ўзидан бошқаси ўзлаштира олмайди.

Табиий нарсаларнинг олтинчиси — қувватлар⁴⁹ ва уларнинг табиатлари ҳақида

112. [Инсон] табиатига тегишли деб ҳисобланадиган еттита қувват навларда ва шаклда турличадир.

113. [Улардан бири бачадонда] манийни ўзгартирадиган қувват; бироқ бу пайтда [уруг] бирон нарсага ўхшамайди⁵⁰.

114. [Бошқа бир] қувват жасадларга сурат беради — уларга шакл, ҳажм ва [аъзолар] ададини беради.

115. [Яна] тортувчи, етилтирувчи [пиширувчи], тутиб турувчи ва чиқарувчи қувватлар ҳам бор.

116. Яна биттаси жисмга муносиб бўладиган — ўхшайдиган физони аъзоларга ёпиштирадиган қувватдир⁵¹.

117. [Қуввати] ҳаётий иккита, ҳар иккаласининг иши икки хилдир.

118. У икки [қувватдан] бири ҳаракатли томирларни⁵² ёзиш ва қисиш [йўли] билан томир уришини [пульсни] вужудга келтирадигандир.

119. Унинг синглиси [иккинчи қувват] таъсир этувчи ҳар бир нарсадан таъсирланади⁵³.

120. Бир нарсани севиш ёки ёмон кўриш, [руҳан] тушиш ёки кўтарилиш каби.

Нафсоний қувватлар баёни

121. Тўққизта қувватлар нафсий [қувват] ҳисобланади. Ундан бештаси ҳисга тегишилидир.
122. Эшитиш, кўриш, ҳидлаш, тотиб кўриш ва ҳамма аъзога умумий бўладиган тегиб сезиш.
123. [У нафсоний қувватлардан] бири мушакларга уланувчи [етувчи] қувват бўлиб, ўша билан йигит [киши] ўз бўғинларини ҳаракат қилдиради.
124. Улар ичидаги нарсаларни кўзгудагидек қилиб хаёлга келтириш қуввати ҳам бор.
125. Яна битта қувват борки, у билан тафаккур қилиш вужудга келади ва [бошқа] бир қувват билан хотирлаш [ҳосил] бўлади.

Табиий нарсаларнинг еттинчиси — феъл [иш]лар тўғрисида

126. Қувватлар ишининг ҳаммаси ўша қувватлар каби саноқлидир. Чунки ишлар [навда турлича бўлган] қувватлар таъсиридандир.
127. Баъзан иштирок билан, яъни талаффузи бир, тушунчаси бир нечта бўлган феълни бир феъл деб айтилаверади. Масалан, тортиш, ўзгартиш ва ушлаш-тутиш кабилар⁵⁴.
128. Ҳамда физонинг ўтиши ва [иштаҳа] каби[лар]га ҳам айтилади. Тортиш эса қувватга хос бўлган содда бир ишdir.
129. Физони исташ икки ишдан: сезиш ва тортишнинг бирлашувидан вужудга келади.

130. Сезиш ва даф қилиш [итариб ташлаш] у ўтиш [нуфуз]дир. Ўтиш шу иккаласидан иборат бўлган ишдир.

Зарурый ишлардан биринчиси ҳаводир

131. Ҳавога қўёшнинг ҳукмлари [таъсири] бор. У ҳукмлар [йил] фаслларида ва ёритқичларга тушишида аён бўлади.

132. Иқлиmlарга ҳам унинг [куёшнинг] таъсири бор, бу ҳақда айтиб ўтилди.

Куёш билан юлдуз[лар]ният ҳавога таъсири

133. Ҳаво ҳар бир чиқадиган ва ботадиган ёритқичлар [оралиғидаги масофа миқдори]га нисбатан ҳам ўзгаради.

134. Куёш қачон юлдузга яқинлашса ҳавода алангаланишни қўзғотади. [Ҳавони қиздиради].

135. Юлдуз қачон қуёшдан узоқлашса, ҳаво бир оз совиган кўринади.

136. Агар наҳс⁵⁵ [кунлари] яқинлашишда бўлса, сен кишиларга [ўз] тадорукини қилишга — чорасини кўришга ҳукм қилаверасан⁵⁶.

137. Ва агар сувуд⁵⁷ [баҳтли кунлар] бўлса, у ерда сен сиҳат-саломатликнинг ҳаммасига ҳукм қила оласан.

Шаҳар [мамлакат] ва тоғларнинг жойланишига қараб ҳавонинг ўзгариши⁵⁸

138. Қайси бир шаҳар тоғ устида жойлашган бўлса, у ер [бошқа ерга нисбатан] совуқ бўлади.

139. Агар шаҳар [тоғлар тагидаги] чуқурликда жойлашган бўйса, унинг мизожида иссиқлик бор деб ҳукм қил!

140. Агар [шаҳар тоғнинг] жанубига жойлашган бўйса, унда иссиқ шамол эсиб туришига ҳукм қилинади.

141. Агар тоғлар у шаҳарнинг жанубида бўйса, шимолий шамолнинг совуғи унга таъсир қиласди.

142. Агар [тоғлар] фарб томонда бўйса, у шаҳарнинг ҳавоси оғир бўлади, шарқ томонда бўйса, тоза бўлади.

Денгиз ва шамолларга қараб ҳавонинг ўзгариши⁵⁹

143. Денгизларда бу ҳукмнинг тескариси бор. Бу ҳақда илм аҳллари шундай дейишади⁶⁰.

144. Шамоллар ҳавода мизож ўзгариши пайдо қиласди. Ёритқичлар оралиғидаги масофа миқдорида пайдо бўлгани сингари.

145. Жануб шамолида ҳарорат ва намлик бор, шунинг учун ҳам баъзан ундан сасиш вужудга келади.

146. Совуқлик ва қуруқлик шимолдан эсадиган шамолда бўлади. Шунинг учун йўталга зарар беради [уни кучайтиради].

147. Сабо шамоли [шарқ томондан эсадиган шамол]да ҳарорат ва латифли, дабур [фарб томондан эсадиган шамол]да эса совуқлик ва зичлик бор.

Тупроқ ва сувларга қўши [яқин] бўлиш туфайли ҳавонинг ўзгариши

148. Ҳар бир ери зах ва атрофи очиқ, намлиқ бўлган.

149. ва чучук сувлик ҳовузларга эга бўлган мамлакатнинг мизожида албатта рутубат бўлади.

150. Агар бирор мамлакат қояларга ва тузлик сувга яқин бўлса, ҳавода қуруқлик пайдо бўлади.

Яшайдиган жойларга қараб [ҳавонинг] ўзгариши

151. Кўп очиб туриладиган турар жой ҳамма шамолларга очиқ дучор бўлади.

152. Қишлоғда унинг совуғи, ёзда эса иссиғи бўлади.

153. Ер остидаги даҳлиз уй [ер тўла]га юқоридаги ҳукмнинг тескариси билан ҳукм қил!

Кийим-кечакка қараб [ҳаво таъсирининг] ўзгариши

154. Ипак ва пахтадан тайёрланган кийимларда иссиқлик, сайқал берилган ва канопдан ишланганларида эса совуқлик бўлади.

155. Момиқ билан юнгда иссиқлик бўлади, шу билан бирга, уларда озгина қуруқлик ҳам бор.

**Хушбўй ўсимлик ва атири каби
ҳидланиладиган нарсаларга қараб
[ҳаво таъсирининг] ўзгариши**

156. Ҳар бир хушбўй ўсимлик ва ҳар бир гул-нинг мизожига ҳарорат билан ҳукм қиласавер.

157. Улардан ҳозир айтиладиган бешта нарсанни истисно қил: мирта, тол ва нилуфар.

158. Ўз рангида турган қизил гул ва гунафша. Албатта булар совуқлик билан ис беради [мизожи совуқ бўлади].

159. Сандал оғочи ва кофурдан бўлак хушбўй модда ва атири[лар]да иссиқлик бордир.

Рангларнинг кўзга таъсири

160. Рангларнинг кўзга фойдалироғи — қора бўлгани ёки яшил бўлганидир.

161. Оқ ва сариқ [ранглар] ёғдусини сочса зарар бўлади, чунки уларнинг ёғдуси [кўзнинг кўриш қувватини] таратиб юборади.

**Зарурый нарсалардан иккинчиси
еийиш ва ичишдир**

162. Бил, ғизо ҳақидаги ҳукм шуки, у ўсишга қобилияти бор нарсаларни ўстиради.

163. Сингиб тарқалиб кетиш сабабли бадандан камаядиган ҳар бир нарсанинг ўрнини дарҳол у [ғизо] эгаллайди.

164. Ўзидан тоза қон [пайдо] бўладиган ва тоза қонга айланадиган ғизони мақтанилади. [Яъни у фойдали ғизо ҳисобланади].

165. Буғдой унидан бўлган мулойим нон ва ёш жўжалар гўшти ҳам шундай.

166. Кўкатлардан олабута, бу ўт bemор кишига мос келади.

167. [Физонинг] баъзиси ғализ бўлади. Масалан, тоза оқ нон, учинчи ёшга қадам қўйган қўйнинг лаззатли гўшти каби.

168. Разрозий⁶¹ деб танилган балиқ, риёзатда чарчаган кишининг физосидир.

169. Ундан [физодан] яна бир хили борки, у мулойим [латиф] бўлади-ю [лекин] ўзи ёқимсиздир; горчица, пиёз ва саримсоқлар каби.

170. Мана шулар сафрони туғдиради [пайдо қилади] ва улар кўпинча дори ҳилиб олинади. [Даволанишда фойдаланилади].

171. Ундан [физодан] баъзиси борки, у савдони туғдиради, баъзи бир жисмларга касал пайдо қилади.

172. Қариган така ва қари сигир гўшти, зарарда ёмон бўлган эланмаган ундан пиширилган нон каби.

173. Ва яна ундан [физодан] баъзиси бор, уни ёмон кўрилади, балғамни туғдирувчи ғализ балиқ билан сутлар каби.

Сув ва бошқа ичимликлар ҳукми

174. Ширин анҳор сувлари аслий рутубатни сақлайди.

175. [У сувлар] чиқиндиларни [маълум] йўл орқали ҳайдайди ва физони томирларга юборади.

176. Сувларнинг афзали ёмғир сувининг холи-си; унга зарари бор ҳеч бир нарса аралашмаган.

177. Баъзан сувлар табиий [холатдан] чиқ-қан бўлади: уларнинг ҳукми бошқа нарсалар аралашган [сувлар] ҳукмидекдир.

178. Ҳар бир ичимлик баданга физо беради, масалан, шароб, набиз ва сут.

179. Ёки баданни ўз табиатига мойил қила-ди, масалан, илитилган сиканжубинга ўхшаш.

Зарурий нарсалардан учинчиси — уйқу ва уйғоқлик

180. Уйқу нафсоний ва ҳиссий қувватларнинг ҳаракатлардан дам олишидир.

181. [Уйқу] баданларнинг ичини қизитувчи-дир. Шу билан киши таомни яхши ҳазм қиласади.

182. [Уйқу] агар ҳаддан ошиб кетса, мия коринчаларини⁶² хилтлар билан тўлдириб юбо-ради.

183. [Уйқу] баданларга рутубат беради ёки уларни бўлаштиради ва уларни барҳаёт қилиб турган ҳароратни ўчиради.

184. Мўтадилликда бўлган уйғоқлик ҳисларни тетиклик томон ҳаракатлантиради.

185. Ишларда кучни қўзғотади ва баданни чиқиндилардан тозалайди.

186. Уйғоқлик узайиб кетса уйқусизлик [пайдо] бўлади-ю, нафсларга ғам ва безовталикни вўјудгага келтиради.

187. У руҳ ва баданларни оздиради, кўрк ва рангларни бузади.

188. У кўзни ич-ичига туширади; [овқат] ҳазмини бузади. Тафаккур қилишни йўқقا чиқаради ва жисмни орқолатади⁶³.

Зарурый ишлардан тўргинчиси — ҳаракат ва ҳаракатсизлик

189. Риёзатлар⁶⁴ [жисмоний ҳаракатлар]нинг бир хили мўътадиллар, ана шундайига бўйсунилиши керак.

190. Чунки у гавдаларни тўғри, мўътадил қиласиди ва улардан чиқинди⁶⁵, кирларни чиқаради.

191. Баданни гизони [яхши] қабул қилишга тайёрлайди ва ёш болани ўсиш-униши учун қобилиятли қиласиди⁶⁶.

192. [Риёзат] ортиқча бўлиб кетгандаги ҳолатни чарчаш дейилади, у рудни бўшатади ва ҳоргинлик келтиради.

193. Бегона⁶⁷ ҳароратни алангалатади ва баданни рутубатдан бўшаттиради.

194. Ортиқча оғриқ туфайли асабларни кучлизлантиради. Ҳали қариллик [пайти] келмай туриб жисмни қаритади.

195. Роҳат [жисмоний ҳаракатсизлик]нинг ортиқча бўлиши сени мағрур қиласин, чунки унинг ортиқча бўлишидан фойда йўқдир.

196. Унинг ортиқча бўлиб кетиши баъзан баданни ёмон хилт билан тўлдиради ва жисмни физо [қабул қилишга] ҳеч тайёрламайди.

Зарурий ишларнинг бешинчиси — бўшалиш ва бўшалмаслик

197. Жисмдаги ҳамма аъзоларнинг, жумладан, миянинг ҳам [ҳар хил ҳилтлардан] бўшалишга эҳтиёжи бўлади.

198. Баҳорда томирдан қон олиш ва дори [сурги] қилишнинг кишилар учун фоят манфаати бор.

199. Кустришни ёз фаслида ишлатилади, савдони эса кузда чиқарилади.

200. [Оғизга сув олиб] фарфара қил ва мисвок⁶⁸ ишлат, шундай тиш ва танглайни тозалаган бўласан.

201. Сийдикни [қистаган вақтида] бўшат, бўлмаса сариқ сув касалига⁶⁹ мубтало бўласан ва [аёллардан] ҳайз қонини ҳам бадани бузиш [ҳавфи борлиги учун] чиқар!

202. Куланж⁷⁰ касаллигига сабаб бўладиган ич тўхтатишни исҳол билан бўшат, [ични] бўшатиш билан шу касалликдан кутқарасан.

203. Кирларни кетказиш учун ҳаммомдан фойдалан ва бу хусусда сустлик қилма.

204. Баданинг сатҳидан кераксиз нарсаларни чиқариш ва терини кирдан тозалаш учун ҳам ҳаммомдан фойдалан!

205. Жинсий алоқани ёшларга қўйиб бер. Шу туфайли улар ёмон нарсалардан саломат бўлсинлар⁷¹.

206. [Жинсий алоқани] табиий озғин кишиларга, ўрта ёшлиларга ва заиф кишиларга яхши кўрсатма⁷².

207. Кимки овқатдан кейин [бевосита] жинсий алоқага ружуъ қилса, уни никрис⁷³ касаллиги ва [бошқа] дардлар юз беради деб кўрқит.

208. Жинсий алоқага кўп ружуъ қилиш баданни заифлаштиради ва жисмларга турли балоларни келтиради.

Зарурый нарсаларнинг олтинчиси — нафсоний кайфиятлар [ҳолатлар]

209. Фазабланиш [кишида] ҳароратни қўзғатади ва баъзан у жисмга зарар ҳам етказади.

210. Кўрқиши⁷⁴ эса совуқликни қўзғатади. Кўпинча у ҳаддан ошиб кетиб, ҳатто ҳалок ҳам қиласади.

211. Шодликларнинг кўп бўлиши баданнинг яйраши демакдир. Баъзан у ортиқча семиртиш билан озор беради.

212. Хафалик — қайгу баъзан ориқ кишини ўлдиради ва у озишга муҳтож кишига фойда қиласади.

Табиийликдан ташқари бўлган нарсалар, яъни иллатлар ва касалликлар. Биринчидан бўлаклари бир-бирига ўхшаган аъзолардаги⁷⁵ касалликлар

213. [Гўшт ва суяк каби] бўлаклари бир-бирига ўхшайдиган аъзоларда [ҳар хил] касалликлар топилади⁷⁶.

214. 1. [Моддаларга, хилтларга] эга бўлмаган ҳарорат туфайли бўладиган касаллик, ма-

салан, диққий [иситма] ёки сўлиш касаллиги каби.

215. 2. Хилт билан бўлган иссиқликдан келадиган касаллик, масалан, сасиб-чиришдан бўладиган иситма каби.

216. 3. Юқоридаги касалликларнинг баъзиси совуқ бўлиб, уларда моддалар [хилтлар] бўлмайди, муз ёки қор сабабидан музлаш — қотиб қолиш касаллиги каби.

217. 4. Ва баъзиси совуқ бўлиб, унда хилт бўлади. У ортиқча балғамдан вужудга келган фалаж касаллиги каби.

218. 5. Касалликларнинг бир хили ҳўл бўлиб, унда [хилт] бўлмайди, шунда [киши]-нинг гавдаси кўринишда⁷⁷ бўшашган бўлади.

219. 6. Танадаги хилтлар сабабли бўладиган ҳўл касаллик, сариқ сув бўлганда қориннинг тўлиб кетиши — шишиши каби.

220. 7. Ва ортиқча моддалари [хилтлари] бор қуруқлик касаллиги саратон шиши ва безлар каби.

221. 8. Баданларда бўладиган хилтсиз қуруқлик касаллиги, камчиликдан [бўшлиқдан] ҳосил бўладиган тиришиш касаллиги каби.

Курол аъзоларидаги касалликлар баёни

222. Яратилишда бир офат келганда, курол [аъзолар]да касаллар топилади.

223. Табиий ҳолатидан ортиқча бўлиши, масалан, катта бош ёки кам бўлиши, масалан, кичик меъдага ухшаш.

224. [Аъзонинг] шаклида бирор хато бўлиб қолган бўлиши, [масалан], бошнинг шаклинни саватга ўхшаган кўрасан.

225. Худди шунга ўхшаш [аъзонинг] ички томонида бирор касаллик воқе бўлган бўлса, [масалан] қадамнинг ичкӣ томони эт билан тўлган бўлади.

226. Агар бирор нарса [ички] йўлларда воқе бўлса, буйракларда тошмалардан тўсиқ ҳосил бўлгани каби.

227. [Табиатида] дағалликка эҳтиёжли бўлган [аъзо] силлиқлашиб қолади. Масалан, ҳаддан ортиқ рутубатли меъда каби.

228. Силлиқликка муҳтоҷ [аъзо] дағал бўлиб қолади, қуруқлик орис бўлган томоқ каби.

229. Баъзан [аъзонинг] сони [табиийликдан] чиқади, масалан, бармоқларнинг олтида ёки тўртта [бўлиб қолиши] каби.

230. Кўпинча икки бармоқ бир-бирига ёпишиб қолади ёки икки жағ бир-биридан ажралиб кетади.

Бир бутунликнинг бузилиши⁷⁸ [узилиши] ҳақида

231. Огоҳ бўлки, аъзоларнинг жуфтланганида ҳам, тоқида ҳам бутунликнинг бузилиши бўлади.

232. Юқори билакнинг чиқиши, оёқ ёки қўлнинг узилиши кабиларни чиқиш дейилади⁷⁹.

233. Бир бутунликнинг бузилиши суюкларда бўлса, уни синиш дейилади, пардада ва томирларда бўлса уни ёрилиш дейилади.

234. Асабда узунасига ёки энига кесилганни ёрилиш ёки эзилиш деб [номланади].

235. Бойлоқда ёки пайлардаги йиртилишни дарз кетиш ёки узилиш дейилади.

236. Этта еттан [бузилиш] жароҳат бўлади, агар иш [жароҳат тузалмай] чўзилиб кетса, уни яра дейилади.

237. Мушакда ориз бўлганини эт узилиш ва терини ажраттанини шилиниш дейилади.

Табиийликдан ташқари нарсалардан иккинчиси — сабаблар⁸⁰

238. Сабаблар бўлинади: 1. Ташқи сабаблар. Булар бадан сатҳига [ташқаридан] ўтади.

239. Олов, қор ва уриш каби[лар таъсири] ёхуд сакраш туфайли пайдо бўладиган ёрилишлар каби.

240. 2. Восила [боғловчи] деб аталадиган сабаблар. Булар касаллик хилларини бир-биридан ажратиб берувчидир.

241. Масалан [хилтлардаги] сасиб-чириш давом этган даврда чириш иситмаси ҳам давом этади⁸¹.

242. 3. Собиқа [олдинги] сабаблар; булар ҳар бир тўлган баданга мувофиқдир⁸².

Модданинг қўйилиш сабаблари⁸³

243. Сабаблар ҳақида умуман иш [гап] шуки, [модда] бир аъзодан иккинчисига қўйилиши билан [у аъзонинг] мизожини бузади.

244. [Масалан, моддани] ўзидан даф қилувчи [аъзо] кучли бўлиб, қабул қилувчи [аъзонинг] заиф бўлиши ва [баданни] қоллаган⁸⁴ ёмон хилтнинг кўпайиши.

245. [Даф этувчи ва қабул этувчи аъзо ораларидағи] йўлларнинг кеңгайиши ва физолантирувчи аъзонинг заифлиги; шу жумла сабаблар ҳақида кифоядир.

246. Ва қайси бир [хилт] бадандаги бирор аъзонинг кайфиятига ғолиб келиб, уни тескарисига [айлантирса — бузса] [ўша аъзонинг озор чекишига сабаб бўлади].

Иссиқ касалликларнинг сабаблари

247. Жисмда ҳарорат пайдо қиласиган ҳар бир нарса унга ўзининг [одатда] қиласиган ишини қиласеради [зарарини етказади].

248. Би-л-куват иссиқлик деб саримсоқ [каби нарсалар] емакни, амалдаги иссиқлик деб иссиқ шамолдан [таъсирланиш кабиларни айтилади].

249. Яна жаҳл чиқиши каби нафсоний ҳаракатлар, чарчашиб каби жисмоний ҳаракатлар ҳам [қизиш сабабларидандир].

250. [Хилтларнинг] чириши, физонинг қам бўлиши ва [совук] ҳаво каби тери [тешикларини] беркитадиган нарсалар пайдо бўлиши [ҳам шундай].

Совуқ касалликларнинг сабаблари

251. Баданда совуқликни пайдо қилувчи ҳар бир нарса кўпинча ундаги бир бутунликни бузади, ажратиб юборади.

252. Масалан, мингдевонани истеъмол қилиш би-л-қувват совуқлик ва қор эса амалий совуқликдир.

253. Очлик руҳларнинг физосини йўқ қилади, [натижада бадан совийди] бу чироғдаги мойнинг тугаши [ва ахири ҳарорати камайиши ёки ўчиб қолиши] каби.

254. Ортиқ даражада тўйиб кетиш табиий ҳароратни қамраб олади [ва бадан совишига сабабчи бўлади].

255. Узоқ давом этган қийин ҳаракатлар ҳам руҳни бўшаштиради-да, натижада жасад совийди.

256. Ҳаракат қилмасдан фаровонликда яшашдан ҳам [бадан] совийди, бу тутун [кўпайиши] билан аланганинг ўчгани кабидир.

257. [Бадандаги кийимнинг] ортиқ даражада қалинлиги ҳам ундаги оловни [ҳароратни] бўғади-да, бора-бора у ўчади.

258. Бадан ғовак бўлса ҳам совийди, унда ҳароратни тарқалган деб гумон қиласан⁸⁵.

Рутубатли касалликларнинг сабаби

259. Рутубатни келтириб чиқарадиган ҳамма нарса [сабаб]лар бешта, [улар] ёзилган ва ҳисоблаб чиқилгандир.

260. Би-л-феъл рутубат иссиқ ва чучук сувки уни кўп қуиб [ювиниларди].

261. Би-л-қувват рутубат эса сут, ширин [сувдаги] балиқ ва хўл пишлоқ истеъмол қилиш [каби]лар.

262. Шунингдек баданнинг роҳатланиши, тўқликтининг чегарадан ортиб кетиши ва жисмларда тўпландиган рутубатни бўғишидан [иборат].

Қуруқлик касалликларининг сабаблари

263. Куруқликни пайдо қилувчилар ақла сифадиган ва сезиларли бешта [сабабдан] иборат.

264. Би-л-феъл қуруқлик шимол [томондан эсадиган] шамол каби, би-л-қувват қуруқлик эса горчица истеъмол қилиш сингари.

265. Яна рутубат кетадиган [даражагача] оч бўлиш ва ҳаммаси қийинчиликдан [иборат бўлган] ҳаракатлар.

266. Қуруқлик баъзан [хилтларнинг] эриб тарқалиши туфайли ҳам оriz бўлади, ич кетиш каби [бўшалиш]дан оriz бўлгани каби.

Қурол аъзоларидаги касалликларининг сабаблари

267. Аъзоларда [одатдагидан кўра] катта бўлишнинг сабаби шаклни тузувчи қувватнинг кучлилиги ва физо [модда]нинг [кўплигидандир].

268. Уларда кичик бўлишни вужудга келтирувчи сабаб уларда катта бўлишни пайдо этувчи [сабаб]га зид келади.

269. [Аъзо] шаклларини бузувчи сабаб шундайларни [қабул қилувчи аъзонинг] тайёрлаб беришида вужудга келади.

270. Бачадон [мизожининг] ёмонлиги сабабидан ёки манийнинг [шаклни қабул қилишга] бўйсуниши кам бўлганлиги туфайли.

271. Ёхуд туғилиш вақтида [бола] нотўри чиқади ва бу ҳол эгри-буғри қилиб кўйиш билан ёмон шаклни вужудга келтиради.

272. Энага [болани] йўргаклашда ёки бола эмишда⁸⁶, ё уни [ерга] қўйилишида [хатоликка йўл қўйилганда].

273. Ёки энага [болага] овқатни баъзан кўп бериб қўяди, ё уни эмчакдан ажратишда ножў-ялик қиласди.

274. [Баъзан] бола [ўз ҳолига] қўйилса кам қувватлилиги туфайли йиқилиб кетади. У йиқилиш сон суягининг қуббасини⁸⁷ синдиради.

275. Ёки [боланинг] бурнини пачақлайди-да, пучук бўлиб қолади. [Шаклда] тескари бўлиб қолган аъзони тиб ўз ўрнига қайтаролмаган бўлади.

276. Бесабр [киши] ҳали тамом битмаган синиқ сукни қимиirlатса ҳам [аъзонинг шаклини бузади].

277. Мохов касаллигидаги каби хилтларнинг кўплиги ёки эски сил касаллигидаги каби [уларнинг] камлиги ҳам шаклни бузади.

278. Ёки бирорта асабнинг⁸⁸ бўшашганидан бўлган юз фалажи касаллиги ёхуд бўйинни [бир томонга] эгадиган тортишиш касалликлари ҳам шундай.

279. Шиш ва яраларнинг излари⁸⁹ ҳам баъзан [бадан] сатҳидаги шаклларни бузади.

[Бадан] йўлларининг тўсилиб қолиш сабаблари

280. Йўлларни тўсадиган нарсалар жинсини тўплашда мен фикрларимни ишлатдим.

281. Улар тутиш қувватининг кучлилиги ва ҳайдашнинг кучсизлиги, совуқ ҳам баъзан

йўлларни йиғишириш [торайтириш] орқали ҳам [тўсиш] хукмини ижро қиласди.

282. Куруқлик ҳаддан ортиқ буришириб қабз қиласди ва боғлаш эса қисиш билан бириктириб [йўлларни тўсади].

283. Шиш ва буралиб қолиш [йўлларни] сикади ва баъзан буриширувчи дори⁹⁰ уларни бириктириб қўяди.

284. Яраларнинг эт олиши ва сўгаллар ҳамда этнинг бефойда ортиб кетиши ҳам [йўлларни тўсади].

285. [Бадан йўлларига жойланиб қолган] хилт, йиринг, қон, ивиб қолган сут ва сувлар] ҳам шундай.

286. Ичакда пайдо бўладиган қурт ва бошқа қурт-кумурсқалар, майда тош ёки қаттиқ ахлат ва [йиғилиб қолган] ел [ҳам йўлни тўсади].

Йўлларнинг очилиш [кенгайиш] сабаблари

287. Йўлларнинг шиддатли очилиши даф қилишнинг кучлилиги ва тутиб турувчи [куч]-нинг заифлигидан [келиб чиқади].

288. Ҳар бир очувчи дорилар⁹¹, шунингдек зўрлик билан [ортирилган] иссиқлик — ҳарорат ва рутубатлар ҳам шундай [сабаблардир].

Ададнинг ортиқ ва кам бўлиш сабаблари

289. Ҳар бир [аъзонинг] сон жиҳатдан ортиқ бўлиши албатта, модданинг кўплигидан [келиб чиқади].

290. Агар у [модда] яхши бўлса — [ортиқча] бармоқ, ёмон бўлса “зифдаш — курбаҳа” касаллиги⁹² бўлади.

291. Саноқда бизда кам бўладиган ҳар бир [аъзо] юқорида айтганимнинг акси⁹³ дандир.

Дагаллик ва силлиқлик касалликларининг сабаблари

292. Дағалликни вужудга келтирувчи ҳар бир сабаб мулоимликни кетказади.

293. Хилтлар, тутун, чанг ҳамда овқат ва дорининг тахири каби.

294. Дағални мулоим қилувчи сабаб ёпишқоқ, хилт ва ёғли нарсалардир.

[Аъзоларда] туташганлик ва ажрашиш сабаблари

295. Агар [табиатан] иши [тузилиши] ажралиш бўлган ҳар бир [аъзода], туташиш воқе бўлиб қолса.

296. У[нинг сабаби] ўша аъзонинг ножӯя эт олиб қолишидирки, сен унда керак бўлмайдиган нарсани кўрасан.

297. [Шаклни] ўзгартирувчи қувватнинг кучлилиги ва сурат берувчи қувватнинг заифлиги ҳам [шунга сабаб бўлади].

298. Қайси бир аъзонинг иши [тузилиши] табиатан туташиш бўлиб, унда ажралиш [ҳосил] бўлган бўлса.

299. Гарчи у ажрашиш — туташишлик вазъидан ва қурол аъзоларидаги [ажрашиш] касалликлари жумласидан бўлса ҳам.

300. У албатта бўлаклари бир-бирига ўхшаган аъзоларга мансуб бўлған бир бутунликнинг ечилиши [бузилиши] сабабларидандир. Мана унинг сабабларини [қуийдаги] ҳисобда [биласан].

Бирликнинг ечилиш [бузилиши] сабаблари

301. Куйдирадиган қуввати бор хилт ёки ейдиган ё тешадиган [даражадаги] чириш [шундай сабаблардандин].

302. Ёки [аъзони] бузиб юборадиган ё йиртадиган оғирлик ёки ҳаракатланувчи [бўғин]ни бўшаштирадиган ёпишқоқ [хилт] ҳам шундай⁹⁴.

303. Ё жароҳатлайдиган ва синдириб сочиб юборадиган сакраш ёки синдирадиган, мажалайдиган тош [ҳам шу хил сабаблардан].

304. Еб тешадиган дори ва кесиб ажратиб юборадиган темир [ҳам шулар жумласидан].

305. Ел ҳам баъзан чўзиш йўли билан [бирликни] узади, олов ҳам териларга шундай таъсир қиласди.

Табиийликдан ташқаридаги нарсалардан учинчиси — юз берадиган белгилар [аразлар]дир⁹⁵

306. Белгилар [аъзолар] ишларида⁹⁶ ва баданда пайдо бўладиган ҳолларда [ўзгаришларда] юз беради.

307. [Яна] ахлат, тупук, тер ва сийдик каби [баданда] очиқ кўринадиган нарсаларда [ҳам] бўлади.

308. [Аъзонинг] иши қачон ғайритабии ҳолатга яқинлашса, унда албатта [қуидаги] учта иллат бор бўлади:

309. Улар заифлик, ботиллик [бекор бўлиб кетиш] ва ўзгаришдан иборат; ҳар бир иллатнинг [қуида] изоҳи бор.

310. Ишдаги заифликлар, [I] кўзнинг кўриши заифлашуви; [II] кўзнинг иши бекор бўлиб кўрмайдиган бўлиб қолиши каби.

311. [III] Ўзгаргандағи ишнинг иллати, у ҳам бўлса битта нарсанинг иккита бўлиб кўриниши⁹⁷.

312. Ишларда орис бўладиган [бошқа] белгиларни шу каби мисолларга қиёс қил.

Бадан ҳолатидан олинадиган белгиларнинг турлари

313. Баъзи вақтларда [табиатдан ташқари] баданларда пайдо бўладиган ҳолатлардан олинадиган белгилар [куйидагича]:

314. Уларнинг баъзисини кўриш ҳисси билан билинади, масалан, сариқ касаллиги [даги сариқлик] ва очиқ аён кўринган шиш каби.

315. Баъзисини қулоқ билан идрок этасан, масалан, истисқо касаллигида [у ёқ бу ёққа афдариғанда] қориннинг шўлқиллаши каби.

316. Баъзиси борки, уни ҳидлаб кўриб билинади, сасиган яралар каби.

317. Баъзисини мазасидан идрок этасан, масалан, оғзида нордонликни сезган кишига ўхшаш.

318. Баъзиси борки, уни ушлаб кўриб билсан, қаттиқлашган саратон [шиши] каби.

Бадандан ажралиб чиқадиган нарсалар [хилтлар]дан олинадиган белгилар

319. [Бадандан] чиқадиган нарсалардан олинадиган белгиларни ҳам бешта сезги аъзо билан билинади:

320. Қизил ва қора сийдик, қонли ва кўпикли тупук каби.

321. Уларнинг баъзиси бўшатиш билан чиқади, ел, акса уриш ва ҳиқичоқ каби.

322. Кусуқ баъзан нордон, аччиқ ва буристирувчи бўлган ҳолда учратиласди.

323. Сийдикда бадбўйлик сезилса, у қовуқда яралар [борлигига] далолат қиласди.

324. Тер чиққанда ундан совуқлик, иссиқлик, суюқлик ва ёпишқоқлик сезилиши мумкин.

325. Иллатли кишидаги шу белгилар⁹⁸ биз учун [муҳим] далиллардир.

326. Уларни мен қисқача айтиб ўтдим. Мана энди уларни батафсил айтаман.

Далилларнинг баёни

327. Далиллар ҳаммаси эслашимга кўра ё [бўлиб ўтган дардан] хабар беради, ё ҳозирги [дардни билдиради] ёки [келажакдагисидан] қўрқитади.

328. ·Бизга ўтган [дардни] эслатадиган нарса [далил] бўлиб ўтган тердан [ҳосил бўлган] намлиқ кабидир.

329. Бу далилга бизда эҳтиёж йўқ ва унга биз суюнмаймиз ҳам.

330. Ҳозир[ги касалликка] далолат этган ва келажакдаги [ҳолга] ҳам далолат этадиган ҳар бир далилга.

331. Қатъий эҳтиёж бўлади ва бизнинг тиббимиз ўшанга суюнади.

332. Далилнинг бир хили умумий бўлиб, баъзиси эса айрим-айрим ҳолга хос бўлади.

333. Аммо хос бўладиган далилни мен келажакда, тибнинг амалий қисмини ёзаётган пайтимда зикр қиласман.

Ҳозирги [ҳолга далолат этадиган] умумий далиллар баёни

334. Ҳар бир умумий далил улуғликка эга бўлган [бошқарувчи] аъзолардаги [юз беришлардан] олинади.

335. Жигар, мия ёки юракка ўхшашлар, чунки булар албатта, тўғри [хабарни] беради.

Миянинг ишларидан далил излаш

336. Ақл⁹⁹ ўз тасаввури, фикрлашида тўғри ва эслапида ҳам тузук бўлса.

337. Ва бадан ҳаракатлари ва сезгилар ҳам [соғлом бўлса], бошда саломатлик борлигига далолат қиласди.

338. Агар буларда [ёмон] аломатлар сезилса, у вақтда мияга касаллик етган бўлади.

Юрак ишларидан далил излаш

339. Юрак ўзининг уришида бир равишда юрса, у [эгаси]нинг аҳволи саломатликда эканлигига далилдир.

340. Агар томир уриши табиий одатидан чиқса, у бирон бузуқлик борлигига далолат этади.

341. Томир уриши [табиий одатга] хилоф бўлиш билан турли дард ва касалликларга далолат этади.

Томир уришининг турлари ва уларнинг биринчиси қенгайишлик миқдори¹⁰⁰ ҳақида

342. Унинг турларини санаган чоғинда ўнта-дир, уларни фақат моҳир кишиларгина ёддан санаб бера олади¹⁰¹.

343. Ўша томир уришларнинг биринчиси [томирларнинг] қенгайиш миқдорида [юз беради], у ё юқори даража ортиқликка ёки мұтадилликка далолат этади.

344. Агар катта [пульснинг учта] тарафи кўринса [кўтарилса]¹⁰², унинг миқдори қувватлигига далолат беради.

345. Унинг зиддини қувватда кичик пульс [дейилади]. Узун ва калта пульслар ҳам бўлади.

346. Унинг торайган ва қенгайган ҳамда юқори ва паст деган хиллари ҳам бордир.

Томир уришдаги ҳаракат вақти

347. Тури ҳар хил бўлган ҳаракатнинг замонга нисбат бериладиган жинси [қуидаги-ча]:

348. Томир уриши тез [ва] кўп бўлгани, у қувват ва ҳароратга далолат этади.

349. Томир уриши суст ва сийрак бўлгани эса совуклик ва заифликка далолат этади.

[Томир уришдаги] ҳаракатсизлик вақти

350. Ҳаракатсизлик вақти микдорининг жинси мумкин бўладиган [қуидаги] хилларга бўлинган:

351. Кетма-кет ва тўхтовсиз бўлган ҳаракатсизлик қувватларнинг заифлигига ва ҳароратга далолат қиласди.

352. Агар ҳаракатсизлик [юқоридагининг] аксича бўлиниб-бўлиниб турса, у [томирнинг] бўшашганлиги ва [мизожнинг] совуклигига далолат этади.

[Томир уришдаги] қувватлар микдори

353. [Томир уриши] қувватлар микдори жиҳатидан ҳам [иккига бўлинади]: кучли [пульс], унинг [бармоққа] уриши зўр бўлади.

354. [Юқоридагининг] аксича бўлгани, у заиф бўлиб, [бармоққа] уриши паст ва нозик бўлади.

Ҳаракатли томир жисмининг тузилиши

355. Ушлаб кўришда томир жисми қаттиқ бўлса, у [мизожнинг] қуруқлигидан дарак берувчи бўлади.

356. Ундан [иккинчи хили] ҳўл ва ўз жинси орасида мулоим бўлиб, мизожнинг рутубатига далолат қилади.

Ҳаракатли томир жисмининг қайфияти

357. Қон томири жисмининг [иккала] қайфияти ҳам мизожга баб-баравар далолат қилади.

358. [Жисми] совуқ [томир] бизга [мизожнинг] совуқлигидан далолат беради. Иссиқ [томир] эса бизга зиддининг хабарини беради.

Ҳаракатли томир ўз ичига олган нарсалар

359. Ҳаракатли томир ўраб турган нарса — хилтлар бўлиб, улар тўғрисида баён — изоҳ бор.

360. Тўла бўлган томир [хилтлар] ошиб-тотшиб кетганликдан ва бўш бўлгани эса хилтларнинг кам эканлигидан дарак беради.

Ҳаракат ва фатрат [узилиш]лар замони

361. [Томирдаги] ҳаракат ва [ҳаракат] узилишининг турларини сезги очиб беради.

362. Ундан бир хили текис, бир хили ўлчовли бўлиб, у маълум ёшдаги томир уришга хос [мувофиқ] бўлади¹⁰³.

363. Ҳамда у йилнинг фасллари ва мамла-катларда одатта мувофиқ бўлиб юради.

364. Яна ундан бир хили борки, у бир хил ўтчовли бўлмайди. [Юқорила] мен айтган хилининг аксича [бўлади]¹⁰⁴.

Ҳаракатли томир миқдорининг хусусияти

365. Ҳаракатли томирлар пульсда ё иътилоф, ёки ихтилоф билан юради¹⁰⁵.

366. Бир равишда борадигани мос келувчи [мұтталиф], эгриликда борувчини эса мос келмайдиган мухталиф [деб аталади].

Томир уришининг сони

367. Томир уришларининг мухталифликда-ги саноғида қандайдир фарқ бор.

368. Кўп томир уришлардаги хилма-хилликни тақсимланганда шундай икки навъи [ҳосил] бўлади:

369. Хилма-хилликда улар тартибли ва тартибсиз бўлиб, кейингисини киши тўла эгаллай олмаган.

370. Унинг тартиблилиги [мўттадил уришда] айланиб юраверади ва унга бизнинг сўзимизда изоҳ бўлади.

371. У [бармоқларга] уради-уради-да, кейин уришидан олдин бўлган ҳолига қайтади.

372. [Томир уришнинг] бир хили ўз даврларига боғланиб қолмаган, ундан бир хилини сичқон думчаси деб аталади¹⁰⁶.

373. Томир уришнинг хилма-хиллик қисмидан бир уришда бўладигани бор, уни ушлаб кўрсанг [шундай сезасан].

374. Ва шу хилидан қай бири нисбатланган¹⁰⁷ ва баъзиси эса нисбатланмаган бўлади ва бизнинг сўзимиз лақаблангани [номлангани] устидадир.

375. Ундан қай бирларини [ҳаракати] узилган ва қайсиларини узлуксиз, баъзиларини пастга қараган, баъзиларини эса баландга [қараган] деб аталади.

376. Яна бирида икки уриш ва бир хилида [ундан] кўпроқ [уриш бўлади], кейингисини икки болға уриши [митрақон] деб аталади.

377. Ундан қайсиларини куртсимон, қайсиини арасимон ва худди шунга ўхшаш чумолисимон ва тўлқинсимон [деб аталади]¹⁰⁸.

378. Ундан баъзиси титрашга ўхшаган деб лақабланса, баъзисини сил касалига ўхшаш деб тасвиранади.

379. Шулардан ҳар бир жинсининг ичида икки нав борки, уларнинг ҳар бири бир-бирига зиддир¹⁰⁹.

380. Икки зид ўргасида битта мўътадил [навий] бор, у иккаласида алоҳида ўринни эгаллайди.

381. Аммо [биз санаб ўтган] хилма-хиллик турлари бўлса, улар ортиқча, улардаги хилма-хилликда ўртачалик йўқдир.

382. Томир уришни бирон томонга оғганлиги кўрилгунча мўътадил деб билинади¹¹⁰.

383. Ўз вазифасидан [яъни мўътадилликдан] чиқсан ҳар бир томир уриши эгасининг мижозига қараб қиёс қилинади.

Ёш, фасл, мамлакат, мизож, ташқи кўриниш [ориқ-семизлик], эркак ва аёллардаги томир уришлари ҳақида

384. Турли ёшлар, йил фасллари ва мамлакатларга [қараб] томир уриши хилларини билб ол.

385. Ҳамда кишилар мизожи, ташқи кўриниши ва эркак-аёлларга қараб [ўзгаришини] ҳам.

386. Иссиқ [мизожда] томир уриши тез ва катталикка мойил [яъни катта] бўлади, худди шунингдек, йигитларда ва эркакларда ҳам.

387. Жанубий мамлакатлар, ориқ кишилар, ҳомиладор хотин ва ёз [фаслида] ҳам [шундай].

388. Совуқда [томир уриши] кичик ва суст [бўлади], қариларда қиши [фаслида] ҳам шундай.

389. Аёллар, пўк семиз [одамлар] ва шимолий мамлакатларда яшовчиларда ҳам шундай.

390. Ҳар бир қуруқ [мизожда]¹¹¹ томир уриши енгил [бўлади].

391. Ҳар бир мўътадил мизож[ли киши]нинг томир уриши етуқ баҳордаги томир уришига ўхшайди¹¹².]

392. Иқлиmlарнинг тўрtingчиси[даги мамлакатлар] ҳам ўша [мўътадил] мизожга тобедир.

393. Гўдак боланинг томир уриши тез ва “хўл” бўлиб, ўрта ёшли кишиники эса суст ва қаттиқдир.

394. [Кўп] хилтли ҳар бир баданинг томир уриши ҳаддан зиёд тўлган бўлади.

395. Хилтдан бўшаган ҳар бир бадандаги томир уриши ҳам қаттиқ бўшаган бўлади.

Тупук воситали далил тошиш

396. Кўкрак ва ўпка нафас олиш қуроллариридир, агар шулар иккиси соғлом бўлса, ҳаёт сақланишда [бўлади].

397. Агар улар ўз мўътадил ишларидан четта бурилса, унда ўша юракнинг ўти ялиғланишда бўлади.

398. Қачонки кўкракда бирор касаллик ориз бўладиган бўлса, унга тупук далилдир, чунки у белги бўлади.

399. Агар [шу касалликнинг бошида] тупук йўқолса, у [ҳол касалликнинг] бошланишидир, чунки унда [касалликнинг] етилганлиги аён бўлмаган бўлади.

400. Агар [тупук] озгина суюқ бўлса, унинг етилиши заиф эканлигига далил бўлади.

401. Бордию, у мўътадил бўлса, сенга [касалликдаги] ўртacha қўтарилишдан дарак берган бўлади.

402. Агар у кўп ва қуюқ бўлса, албатта [касалликнинг] тугагани тўғрисида айтган бўлади.

403. Тупукнинг суюқ бўлиши, дардга қандайдир суюқ бир хилт аралашганлик далилларидан биридир.

404. Ҳамда унинг [суюқ бўлиши] дарднинг тез қуришига, унинг қуюқ бўлиши эса [юқори-дагининг] аксига [далилдир]¹¹³.

405. Тупукнинг қора рангда бўлиши хилтларда қаттиқ куйиш бўлганига далолат қиласи.

406. Тупукларнинг яшил ранглиги эса сафронинг гандано тусли хилига далолат қилади.

407. Ҳар бир сариқлиги равшан-тиниқ [тупук] сафронинг тухум сарифи тусли навига далолат қилади.

408. Тупукнинг оқи балғам [борлигига] далилдир, унинг қизили [эса].қон [борлигига] далилдир.

409. Кимнингки тупуғи сассиқ бўлса, у[нинг ўпкасида] чириш-сасиш борлигидан хабар беради.

410. Сассиқ бўлмаган ҳар бир тупук кўкракда, ўпқада сасиш йўқлигини кўрсатади.

411. Агар [тупукнинг] шакли тўгарак бўлганини кўрсанг ва шу дард туфайли иситма ҳам бўлса.

412. Шу белгилар билан у кишининг *барсом*¹¹⁴ дардига дучор бўлганига ҳукм қил.

413. Агар бетоб [бадани] қизимаса, унга сўлиш [касаллиги] келган бўлади.

414. Тупук [дарднинг] тоза етилганига далолат этса, у йўталсиз келади.

415. Ҳамда у ўзи оқ, қуюқ, бир-бирига ёпишган ва аввал келганда ҳидсиз бўлади.

Жигарнинг ишларидан далил олиш

416. Хилтларнинг пайдо бўладиган ери жигардадир. Хилт ундан баданга тарқалади.

417. У [жигар] сабабли пайдо бўладиган ҳар бир аъзода ўша аъзога хос бўладиган ишлар жигар туфайли вужудга келади¹¹⁵.

418. Ундаги [жигардаги] буғдан [табиий] руҳ вужудга келади ва у [руҳ]нинг боқи қолишидан жисм соғлом [бўлади].

419. Агар хилт соғлом бўлса, бадан соғлом бўлади ва қачон жигар соғлом бўлса, хилтнинг соғлом бўлганлиги чиқади¹¹⁶.

420. Сув унга [жигарга] физони олиб боради ва у ғолиб бўлган барча хилтлар билан [аралашади].

421. Чиқариш вақтида жигар сувни [хилтлардан] кўрсатади [яъни ажратади], чунки у [сув] хилтлар билан аралашувчиdir¹¹⁷.

422. Сув [шундай] нарсаки, у рангларни ўзига олади ва унга солган ҳар бир нарсангни очиб беради.

423. Мен айтиётганларимнинг ҳаммасидан [натижа] равшан бўлди ва унинг ростлигига ақллар гувоҳлик бердики.

424. Сийдикда bemорга етган дард ҳақида албатта дарак берадиган далил бор экан.

Сийдикнинг хиллари ва аввало ранги ҳақида

425. [Сийдикнинг] оқ ранглиси ичимлик ва овқатнинг кўп бўлганлиги аломатлариданdir.

426. Ёки сассиқ меъда, балғам ғалаба қилгани, совуқ [ошганлик], қовуқ бўшашганлик¹¹⁸ ёки жигарда тўсиқлик [борлигининг аломатлариданdir].

427. Сийдик агар сариқ бўлиб келса, ўтда бирор нарса [борлигига] далолат қиласи.

428. Агар у [сийдик] олов рангида бўлса, [билки] сариқ ўт кўпайишида экан.

429. Ранги тиниқ ва қизилдан берироқ [бўлган сийдикда] сариқ ўт кўпроқdir.

430. Ранглардан қип-қизили, агар у [қизиллик] заъфарон истеъмол қилишдан келмаган бўлса.

431. Иситма¹¹⁹ ҳам, қуланж ҳам бўлмаса, у ҳол [сийдикка] қон аралашганидан [дарак беради].

432. [Сийдик] хирилиқдан кейин қора [бўлиб] келса, у шиддатли совуқлиқдан далолат қиласди.

433. Агар қаттиқ қизиллиқдан кейин [қорай-иб келса], хилтнинг куйганидан далолат беради¹²⁰.

434. Сийдикнинг ранги билан касалликка ҳукм чиқар, башарти у ранг рангли овқат [таъсиридан] бўлмаган бўлса.

435. Сабзавотлар, *хиёранбар* ва *муррийга* ўхшаш унга ранг киргизадиган нарсалар каби.

[Сийдикнинг] қуюқ-суюқлиги ҳақида

436. Сийдикларнинг суюқлиги [овқатнинг] ҳазми камлигига далолат қиласди.

437. Баъзан сийдик бўкиб қолиш кетидан, жигардаги бирор тўсиқдан ёки шишдан ҳам суйчилиб қолади.

438. Сийдикнинг қуюқлиги ҳазм қилишнинг белгисидир ёки бадандада балғамнинг кўплигидан далилларидир.

[Сийдикдаги] чўкма ҳақида

439. Агар чўкма оқ кўринса, касалликларнинг саломатлигига [тўлаетилганлигига] далолат қиласди.

440. Агар унинг ранги сарғайган ҳолда кўринса, у албатта ўтда ўткирлик борлигидан бўлади.

441. У агар *андам*¹²¹ каби қизил бўлиб кўринса, у қон касалликларининг яхши етилмагани учундир.

442. Агар бу аҳвол чўзилиб кетса ва [шиша тагида] кўтарилиб турса, у албатта жигарда шиш борлигига [нишонадир].

443. Агар у қип-қизилликдан кейин қора бўлиб кўринса, хусусан қувват тушгандан кейин [шундай бўлса].

444. Ва [чўкма шишанинг юқорисида] кўтарилишда бўлғандан кейин чукадиган бўлса, жон албатта ўмровга — ҳалқумга етган бўлади.

445. [У вақтда] дам урувчи — табибни чақиришдан фойда йўқ, [хилтларнинг] қаттиқ куйишидан келадиган ўлим [кутилади].

446. Агар [чукма] хиравликдан кейин қорайиб кўринса ва [бетоб] ўткир касалликда бўлмаган бўлса.

447. Хусусан у хиравликка яхши белги биргалишиб келса.

448. Дарднинг асли савдодан келиб чиқсан бўлса, касалликнинг тугаганига далолат қиласди.

Чўкманинг жойи ҳақида

449. Агар чўкма шиша устида чўкмасдан булатдек бўлиб кўринса, [касалликнинг] ҳали етилмаганлигига далолат қиласди.

450. Лекин унда бир оз етилганлик бўлса ҳам унинг хилтини қўзғатиб юқорига кутарадиган ел [чўкишга] қўймайди.

451. Агар ўша булутсимон чўкма ўртада кўчиб юрган бўлса, билгинки унинг ели оз экан.

452. Агар у [чўкма] сариқлиқдан кейин оқарса, силлиқ ва ёпишқоқ бўлиб.

453. Пастга томон тушса ҳамда қалқиб турса, унда етилганлик мукаммал [бўлган] деб бил!

Чўкманинг тузилиши [қивоми] баёнида

454. Агар чўкма парчаланиб кўринса, табиатларда заифлик борлигига далолат қиласди.

455. Ёки унда толқонга ўхшашлик бўлса, у томирларда [пўст] ажралиш борлигига далолат қиласди.

456. Ёки у [чўкма] кепакка ўхшаш [ва] сассиқ бўлса, қовуқда яралар борлигини кўрсатади.

457. Ёки у япроқ-япроқ бўлиб турса, [аъзоларда] қирқилиш ва йиртилиш борлигини билдиради.

458. Агар шишада йиринг кўринса, ёрилган¹²² йирингли шиш [дубайла¹²³]га далолат қиласди.

459. Агар [чўкма] узоқ вақтгача сасиган қон аралашиб чиқса, у балғамили шиш¹²⁴ [борлигига далилдир].

460. У агар манийга ўхшаб пастга чўкса, хом ва қуюқ, етилмаган балғам сабабидан бўлади.

461. Агар ундан қум ажралиб чиқса, билки, у албатта майда тош туфайли [ҳосил] бўлгандир.

Сийдикнинг ҳиди ҳақида

462. Сийдик ўз ҳидини йўқотса, етилишнинг йўқолганидан ёки етилмаган овқат ҳазмидан бўлади.

463. Чириб бузилиш юқори даражада бўлса, шу вақтда [сийдик] ҳам бадбўйликда юқори даражага чиқади.

464. Агар сассиқлик жуда бошқачароқ бўлса, билки касаллик қовуқдадир.

465. Мен сийдик [ҳақида] содда ҳолларни айтиб ўтдим. Энди шу сўзимдан унинг мураккаб ҳолларини ўзинг [қиёс қил]¹²⁵.

Ахлат [нажас]дан далил излаш ва биринчи навбатда унинг миқдори ҳақида

466. Ахлат баъзан меъда ва баъзида ичак ва жигар [аҳволига] далолат қиласи.

467. Ахлат оз бўлса, у физонинг аъзоларга қўп ўтгани сабабидандир.

468. Ёки бўлмаса чиқариш [куввати] оз-у, тортиш [куввати] бирор иллат сабабли кўп [эканига далилдир].

469. [Шу ҳолда] у бетобнинг бадани ёмон чиқиндилар билан тўла эканидан дарак беради.

470. Агар ахлат кўпайиб кўринса, бетобнинг жисмида физо билан ўсиш [уни ўзлаштириш] йўқлигига [далил].

471. Ёки бўлмаса тортиш [қуввати]да камлик ва чиқариш [қуввати]да бир иллат туфайли кўтлик борлигини [кўрсатади].

472. Агар у оқ бўлиб кўринса, ўт йўлида бирор тўсиқ ёки шиш борлигига [далилдир].

473. Сариқ касаллиги ва сийдикнинг сариқлиги ўша жинсга ҳиссий гувоҳдир.

474. Ёки шундай бўлмаса, жисм балғамдан ёки совуқ мизождан жуда бузуқ [эканига далилдир].

475. Агар у [ахлат] қизил ёки олов [рангидаги] бўлиб кўринса, сафронинг юқори даражадалигига далолат қиласи.

476. Ёки у гандано ва зангори рангли бўлса, ёмонликка ва давом этаётган касалликка далолат қиласи.

477. Агар у қора бўлиб кўринса, [бетобнинг] жисмида қаттиқ ва давомли совуқлик борлигини [билидиради].

478. Агар [қора ахлат] ўткир бир касаллик туфайли бўлган бўлса, яқин фурсатда воқе бўладиган ўлимга далолат этади.

479. Агар [ахлатда] бир неча кун қаттиқлик бўлса, тортиб ўзлаштирувчи қувватлар [нинг кучлигига] далолат этади.

480. Ёки аланталанувчи ҳароратдан, ё [ични] боғловчи физодан далолат беради. [Яъни унда ҳарорат ёки тўхталиб қолган овқат борлигига далилдир].

481. Агар у [ахлат] суюқ, рутубатли бўлиб куринса, жисмда тортиш кўп бўлмаган [деган гапдир].

482. Ёки ҳоли ёмон бўлган бадандаги совуқлик ёки ични сурувчи физо туфайли воқе бўлгандир.

483. Агар у [ахлат] кеч келадиган бўлса, таомнинг ичаклардаги ҳазми қийин бўлаётгани [маълум бўлади].

484. Ёки чиқариш [куввати] камлигидан, ёки [ҳазм аъзоларига] совуқ [фалаба қилганидан], ёки тўсилиб қолиш сабабли ушлаб қолган ичаклар туфайли [бўлгандир].

485. Агар [ахлат] тез-тез келадиган бўлса, физонинг иши қолиш эмас, [балки] тойдириб тушириш [яъни унда тойдирувчи балғам] бўлган бўлади.

486. Ёки кўп миқдорда итарилиб чиқсан хилтлардаги рутубатлардан [бўлган бўлади].

487. *Mosariiko*¹²⁶ [томири] тортувчан бўлмаган ёки ичакда нимадир ориз бўлган [бўлади].

488. Яра ёки ҳазм қилишнинг ёмон бўлиши, ёхуд бошқа касаллик хилларидан биронтаси [ориз бўлган бўлади].

489. Агар [ахлат] овоз билан чиқса, кўп ел борлигига далолат қиласди.

490. Агар у йиринг аралаш чиқса, пўконда шишлиар борлигига далолат қиласди.

491. Агар [уни] чиқариш олдида қон кўринса [ичакда], яра ва шилинишлар борлигига далолат этади.

492. Агар [ахлат] ортиқ даражада бадбўй бўлса, чириб сасишининг юқори даражада эканига далолат этади.

493. Агар [ахлатнинг] устида ёғдек [нарса] бўлса, бадандаги ёғнинг эриганига далолат этади.

494. Агар унинг ҳиди ачимсиқ бўлса, унга нордон балғам қўшилган бўлади.

Тер билан [касалликка далил излаш]

495. Рутубатли касалликларда тернинг кўп бўлиши, [дарднинг] белгиларидан — юз беришлиаридан биридир.

496. У табиатлар қувватли эканидан хабар беради. Аммо тўхтаб-тўхтаб чиқадиган тер бундай эмас¹²⁷.

497. Бетобнинг қуввати тушкунликда бўлган ҳолда ортиқча даражада кўп терлаш.

498. Табиатнинг [дарднинг оғирлигидан толиққанидан ҳосил бўлади] ва у табиатнинг тез фурсатда ўлиши[га далолат қиласди].

499. Касалликларда бўладиган озгина тер бадандаги тешикларда тўсилиб қолиш борлигига далолат қиласди.

500. Хилтнинг куюқлиги, чиқариш [қуввати]-нинг заифлиги, етилишнинг озлиги ва таъбнинг мулойимлиги ҳам шунга далолат қиласди¹²⁸.

Тернинг кайфияти ҳақида

501. Агар тер оқарган бўлиб кўринса, касалликларда балғам [борлиги]га далолат қиласди.

502. У сариқ бўлиб кўринса — сафро, қора бўлиб кўринса савдо [борлигини билдиради].

503. Агар у қизил бўлиб кўринса, демак у қондандир. Худди шунга ўхшаш [тер] ўз мазаси билан ҳам бизга [хилтлар тўғрисида] далолат беради¹²⁹.

504. Латиф [суюқ] тер хилтдаги латифликдан, унинг қуюғи эса қуюқлигидан [нишона-дир].

505. Агар тер баданнинг ҳаммасига умумий бўлса, у яхши, агар унинг бир ерига хос бўлса, у ёмондир.

506. Агар тер ўз вақтида, [яъни иситманинг] даврида ва бухрон [кунига]¹³⁰ биргалашиб келса.

507. У [тер] яхши мақталаниладиган далилдир, унинг тескарисича бўлса¹³¹, яхшилиги узоқдир.

Огоҳлантирувчи умумий далиллар баёни

508. Огоҳлантирувчи [белгилар иккига] бўли-
нади: 1. Соғлом кишида воқе бўладиган бирон
касаллик билан унинг қаттиқ озор чекишидан
[дарак берувчи].

509. 2. Бетобнинг бетоблигига иши нимага
бориб тақалишидан хабар берувчи.

510. Касалликлардан хабар берадигани — юз
берадиган аломат [араз]лар билан далолат этади:

511. Ҳамма аъзоларда ва мияда [хилтнинг]
тўлганлиги ёки [унинг камлиги] ва бўшаганли-
гига.

512. Тўлганликнинг хабарини берувчи нарса-
лар дамслиб ётиш ва овқатнинг кўп бўлишидир.

513. Ҳаммом ва риёзатнинг кам бўлиши ҳам
тўлиб қолиш касалликларини вужудга келти-
ради.

514. Бу нарсаларнинг зидди¹³² бизга [хилт-ларнинг] камлиги касаллигидан хабар беради.

Тўлиш ҳақида ва биринчидан кувватларга нисбатан тўлишни аниқлаш ҳақида

515. Тўлиш нафсоний кувватларга нисбатан жинсда бўлинади:

516. Агар у ўзгарувчи [кувват]га қиёс қилинса, овқатта иштача яхши бўлмайди.

517. Ва сийдикда аниқ етилиш бўлмайди, шу вақтда ахлат ҳам юмшоқ [бўлади].

518. Ёки ҳаракатлантирувчи [кувват]га қиёсли бўлса, [кишига] ҳаракат қийин бўлаётганини кўрасан.

519. Ёки томирни ҳаракатлантирувчи кувватга қиёсан [қарасанг], томирнинг ҳар бир уришини бўшашган кўрасан.

520. Бақувват нафслар ҳимусдан¹³³ кўтаролмайдиган юкни кўтарган бўлади.

521. Ўша бекувват нафс ҳимусни кўтаришдан танг бўлган [кўтаролмаган] ва [гарчи уни кўтариб турган аъзоларнинг] коваги — ораси тўлган бўлмаса ҳам.

[Аъзо] ковакларига нисбатан тўлиш баёни

522. Ундан бошқаси [тўлишнинг иккинчи хили] [аъзонинг] ковакларига қараб бўлади, чунки уларни [аъзо ковакларини] тўлатаётган нарса куриб-қотиб қолгандир¹³⁴.

523. [Тўлишнинг] шу жинси тоза қондан ёки сафроли ё балғамли қондан тўлган бўлади.

524. Бунда кўпинча қувватлар кучли бўлиб, уларни ҳимус оғирлаштирмайди.

Қон ғалабасининг аломатлари баёни

525. Хилтлардан бири бўлган қон агар ғала-ба қилса, уйқу ва бош оғриги юқори даражада бўлади.

526. Томирлар йўғонлашади ва қизариш [пайдо бўлади] ва кўпинча фикрлар — тафак-кур қуввати четта чиқади.

527. Бош оғирлашади, ҳислар заифлашади, ланжлик ва қўл тегизилганда ҳарорат [сезилади].

528. Курак суюклари оғирлашади, эснаш бўлади ва кўпинча оёқ-қўллар оғирлашади.

529. Бурундан қон кетади, киши керишади ва ич бир оз бўшашади.

530. Маишатда фаровонликка [интилиш], шодлик тушлар ва у тушларда кўп ранглар кўриш ва хушчақчақлик бўлади.

531. Қон олдириладиган ер қичийди, одатдан ташқари [равишда] кўз қизаради.

532. Баданда чипқон ёки тошмалар пайдо бўлади ёхуд уйқуда бирор ширин нарсани еяёт-гандек бўлади.

533. Ёки олдин ширин нарсани емаган бўлса ҳам оғизда ширинлик мазаси сезилади.

534. Ё баҳор [fasliida] ёки ёшликнинг аввалги ажойиб [даврида] араз — юз берадиган аломатлар [пайдо] бўлади.

535. [Юқоридагиларнинг ҳаммаси] дардларнинг қон мизожли эканлигидан бизга далолат

беради. [Китобнинг] амалий [қисмини] бошлаш олдида сен уларни албатта кўрасан.

Сафро ғалабасининг белгилари баёнида

536. Агар сариқ [сафро] ғалаба қилган бўлса, [бадан] терисининг рангини сарғайишда кўрасан.

537. Оғизда аччиқлик сезилиши билан таомта иштаҳа ҳам заиф бўлади.

538. Меъда ачишади¹³⁵ ва сафро қусилади ва шу сабабли ич суради.

539. Уйқу қочади¹³⁶, кўзлар ич-ичига кириб кетади. Оғиз билан тил қурийди.

540. Ва шунинг орасида сийдик сарғаяди, хушдан кетиш¹³⁷ юз беради ва тери хурпаяди.

541. [Унда] ғамгинлик ва овқат емаса ҳам ташналик ва уйқу [вақтида] оловлар кўриш [садир бўлади].

542. Томир уриш суст бўлади, бадан қизийди; иссиқ сув билан чўмилишнинг кўп бўлиши [бунга сабаб].

543. Жанубий шаҳарда ва йигитликда қийинчиликларнинг унга кетма-кет келиб туриши ҳам.

544. Ўткир мазали [емишлар]дан емакни давом эттириш ҳам хусусан ёзда [бунга сабаб бўлади].

Савдо ғалаба [қилиши]нииг белгилари баёнида

545. Агар қора ўт [савдо] жисмга ғалаба қилса, унинг сабабидан жисмнинг тузи албатта хираланган бўлади.

546. Ўйчанлик [туғилади], овқатга иштаҳа кўпаяди ва оғиз таъмида нордонлик сезилади.

547. Табиатнинг ланжлиги билан бирга жаҳлдорлик бўлади ва томир уриши сустлигига қаттиқ бўлади.

548. Меъданинг қабзияти, [терида] қора доғлар ва чидамсизлик пайдо бўлади, безовталик бўлмай туриб уйқусизлик [юз беради].

549. Сийдик оқ суюқ ва етилмаган, шунга ўхшаш ахлат ҳам етилмаган бўлади.

550. Куруқ физо, ташвиш, аҳён-аҳёнда бўладиган сабрсизлик ва қайғу[лар ҳам унга сабаб бўлади].

551. Ва уйқусида ҳалокатли жойлар ва уни кўрқитадиган нарсаларни кўради.

552. Ўрта ёшлиқ, куз фасли, шимолий мамлакат ва ориқлик ҳам савдо ғалаба [қилишининг сабаблариданdir].

Балғам ғалаба қилғанлик белгиларининг баёни

553. Бадандаги хилтларга балғам ғалаба қиласа, бош оғирлашади ва уйку кўпаяди.

554. Дангасалик, иштаҳа камлиги ва қувватлар [оғирлашиб уларга] нисбатан тўлиқлик бўлади.

555. Юриш суст, қалтафаҳмлик ва одатдан ташқари бўшашганлик пайдо бўлади.

556. Сўлак оқади, ўз салқийди¹³⁸ ва ранги хунук бўлиб оқаради.

557. Томир уриш дағал бўлиб, суст [уради], сийдик қуюқ, ҳали етилмаган [булади].

558. [Балғам галаба қылған киши] ташна бўлмайди, агар ташна бўлиб қолса, [унда] шўр балғам борлиги ёки балғам сасиганлиги маълум бўлади.

559. Ҳўл ва совуқ мизожли физо, қарилик ёши ва қиши вақтлари¹³⁹.

560. Риёзат билан шуғулланмаслик, ҳаммомга тушмаслик ва кўпинча овқат [еийиша] ортиқча қилиб юбориш [балғамни қўзғотади].

561. Анҷорлар [кўпилиги] сабабли шаҳар намли бўлиши ва уйқусида денгизларни кўриш.

562. Уйқусида босинқирашдан зорланади, ҳазм қилиш [куввати] кайлусни¹⁴⁰ яхшилолмайди.

563. Бетобликларда бўладиган зарурий доимий аломатларни.

564. Соғлом кишиларга ёпишган ҳолда кўрсанг, уларни зоил қилишга қаттиқ кириш.

Бетобликларда бўладиган огоҳлантирувчи белгилар баёни

565. Белгиларнинг бир хили ўлим билан кўрқитади, бошқаси сиҳат-саломатлик билан севинтиради.

566. Биз ўша белгиларни [ўз] сифат[и] билан таърифлаб берамиз, чунки у далиллар билиш-танишишнинг муқаддимасидир.

567. Уларни билиш билан табиб кишининг ҳалок бўлишини кўра олади-да, уни даволашда [ўзини] ушлайди, тортади.

568. Ўшаларни билиш туфайли бетоб кишининг саломат қолишини ҳам табиб кўради ва

шу билан [уни] севинтиради ва [соғайишини] очиқ айтади.

569. Ўша белгиларнинг биринчиси вақтларни ва у вақтлар ичида кўриладиган оғатларни билишдир.

570. Ҳамда дарднинг узун, қисқа, оғир ва енгилини билиш.

571. Бухронларнинг пайдо бўлишига қараб [касалликларнинг] вақти ҳақида ҳукм чиқарилади.

Бетоблик даврларини билиш баёни¹⁴¹

572. Ҳар бир бетобликнинг турли даврлари бор, уларда ўлиш ёки яшаш мумкин.

573. У даврлар касалликнинг бошланиши, кўтарилиши ва тугашидан иборат. Шу [даврларнинг] ҳаммасида ўлиш ҳам, [соғайиш ҳам] бўлиши мумкин.

574. Тўргинчи ҳам борки, уни пасайиш вақти деб аталади, бу вақтда хатоликлардан бўлак сабабдан ўлиш бўлмайди.

575. Бошланиш [даври аъзо] ишларига заар өтиши ва у ишларнинг бошқа ишларга нисбатан заиф бўлиб қолишидан иборат.

576. Сен тупук, ахлат ва сийдиклардаги чўкмаларда етилганликни кўргунингча [шу давр давом этади].

577. Кейин сен иситманинг навбатларида ва унинг таъсирларида кўтарилишни кўрасан.

578. Шу ҳолатдан кейин тугаш [даври бошланади], қачонки сен етилишни тўла — мукаммал ҳолда кўрсанг.

579. [Шу ҳолатда] касалликларнинг тушиш навбати кўпаймайди, балки юз беришлари миқдорда бир текис бўлади.

580. Ва касаллик камайишга бошлайди ва у давр кўпинча буҳрон билан тугайди.

581. Агар сен шу белгини кўрсанг, bemорни саломат [қолгани] билан севинтири.

582. Чунки ўлиш [дарднинг] тушиш-пасайиш [даврида] юз бермайди, мабодо bemор устида бирор хатога йўл кўйилган бўлмаса.

583. Ёки ҳаводаги вабога ва ташқаридан келадиган ҳар хил оғатларга¹⁴² дуч келиш бўлмаса.

584. [Дарднинг] бошланиш чегарасини [даврини] билмоғимиз овқатнинг енгил бўлмоғи учун фойда беради.

585. Сен [дарднинг] кўтарилиш [даврида физони] ўртacha енгиллаштири, чунки у албатта баҳт ва ёрдамдир.

586. Қачон у дард охирги [даврига] етса, [овқатни] енгиллатишни ниҳоятига етказишни кўзла!

Касалликларнинг узун ёки қисқалигини билишининг баёни

587. Ҳар бир касаллик [муайян] муддатда тугайди, унинг бир хили қисқа муддатли бўлиб ўткир [касаллик] деб аталади.

588. У озигина вақтда [кишини] ўлдиради ёки яхши буҳрон билан тугайди.

589. Унинг етилиши ҳам, вақтлари ҳам тез ва ўзи оғир ўтади, ҳоли хатарли [ва] серофатлидир.

590. Уни сен бошланиш [даврининг] қисқалигидан биласан-да, овқат тадбирига киришасан.

591. [Овқат] кўп бўлиб, бетобнинг қувватларига оғирлик қиласидиган ҳам, оз бўлиб физоланишни йўқотувчи ҳам бўлмаслиги керак.

592. [Шундай бўлмаганда] унинг бошланишида қувват тушиб кетади ва охирига етмасданоқ бўшашиб қолади.

593. Балки физонинг миқдори пухта белгиланиб, сафардаги кишининг овқатидек ўлчаб кўйилган [бўлсин].

594. Агар белгиларнинг оғирлиги, сифатлар¹⁴³ ва оғриқларнинг хатарлилигини кўрсанг;

595. Ва қувват тушкунлик томон ўзгарган, ақл эса камайиш ва чалкашлиқда бўлса.

596. Ҳамда [касалнинг] қувватлари дардни кўтара олмаса у кишини дард охирига бормасдан бурун ўлишини кут.

597. Бу аҳвол белгиларнинг ёмонлигидан ва касалликларнинг савдовийлигидан билинади.

598. [Касалликнинг иккинчи хили] узоқ давом этади, уни бошидан узоқ вақтни кечирувчи деб аталади. У бетоблик баданга тезлик билан келмайди.

599. Лекин у тинкани қуритиш, силга йўлиқтириш, қон кетказиш ва ориқлатиш билан ўлдиради.

600. Ёки у киши узоқ вақтдан кейин шифо топади ва касаллик етилиш ва [хилтларнинг] тарқалиши билан тугайди.

601. Сен уни юз беришларининг енгиллиги ва дардларнинг [табиати] совуқлигидан биласан.

602. Сен у кишини озгина таом билан физолантирма, у вақтда касалнинг [қувватлари] тушиб кетади.

603. Мана шу икки [хил касалликнинг] орасида ўртача бир дард ҳам бор, унинг вақтлари қисқа ҳам, узун ҳам бўлмаган.

604. [Шундай дардли кишига] физони енгиллатишда ўртача йўл тут, уни кучайтириб ҳам, жуда кучсизлатиб ҳам юборма.

Бухронни билишининг баёни

605. Билгинки, бухрон деб бир онда, тезлик билан ўзгаришга айтилади.

606. [Бу] ўзгариш оғир аломатлар ва бетоблик вақтда нафнинг [дард билан] қаттиқ курашувидан вужудга келади.

607. У озгина вақт ичида кишини ё ўлиш ёки ҳаёт томонга олиб келади.

608. Қувватлар билан унинг дарди ўргасида [жанг майдонидаги] куаш каби олишув кетади.

609. Агар қувват ғолиб чиқса, бухрон яхши бўлиб, ҳаёт ва омонлик [бўлади].

610. Ёки агар дард ғалаба қилса, у вақтда кишига ҳалокат ва ўлим тушади.

[Бухрондаги] хилма-хилликнинг турлари баёни

611. Касалликда юз берадиган хилма-хилликнинг турлари олтита¹⁴⁴: буларда иш [касалнинг аҳволи] енгиллашади ёки яхшиланади.

612. Озгина вақтда жисм яхшилик ва ҳаёт [соғайиш] томонга қараб ўзгаради.

613. Шунда олдиндан хурсанд қиласиган [аломатлар] кўринади; бу тузук [ва] яхши бухрондир.
614. [Бухроннинг] бошқа хили борки, унда [аҳвол] тез ўзгариб [кишини] ўлимга ва ёмон ҳалокатта олиб боради.
615. Ўшанда табибга йўл танг бўлиб қолади; у ҳалок қилувчи ёмон бухрондир.
616. Учинчи [хилида аҳвол] суст ўзгаради ва [беморни] соғлом ва тузагадиган ҳолга олиб боради.
617. У бухрон эмас, балки оз-оздан келадиган тарқалишdir.
618. Тўртингчисида ҳам ўзгариш суст бўлади, у бетобни ёмон эшикка киритиб қўяди.
619. У тарқалиш эмас, балки тинка қуришидир, у bemorning қувватларини бўшаштиради.
620. Бешинчиси ўртача ўзгаришдан иборат; у [бетобни] ўлимга ва ёмон ўтишга [тасодуфга] олиб боради.
621. Ва олтинчиси [беморни] ўртача вақтда ҳаёт томонга олиб боради.
622. Мана шу иккаласи мураккаб бухрон деб аталади ва улар бир-бирига зиддир¹⁴⁵.
623. Бухроннинг яхиси [касалликнинг] охира, қувватлар ортиқ ва етилиш тўлиқ бўлган вақтда юз беради.
624. Унинг зидди [касаллик] кўтарилишда бўлганда юз беради ва у бухрон яхши эмасдир.

Бухрон ҳақида билиниши лозим бўлган нарсалар баёни

625. Бухрон билан бирга сен учта нарсани билишинг лозим:

626. Огоҳлантирувчи [белгиларни], [бухрон] кунларини ва далил бўладиган аломатларни.

627. [Булар] ҳар бир дарднинг бухрони туга-ганда у қайси нави билан тугашини бизга билдиради.

Бухрон билан олдиндан огоҳлантириб қўювчи белгилар баёни

628. Ҳар бир бухроннинг келишидан хабар берадиган кучли белгилар борки, уни қуида баён қиласиз.

629. У, масалан, ақлда мушаввашлик ва се-зишда чалкашлик бўлиши, кулоқ ёки бошда оғриқ пайдо бўлиши;

630. Оқадиган кўз ёшларининг кўп бўлиши, безовталик ва уйқунинг кам бўлиши;

631. Ҳаракатларда изтироб, уйқу ўчиши, кўкракда ёки бўйинда оғриқ [пайдо бўлиши].

632. Кўзда [бежо] ҳаракат ва қизариш бўлган ҳолда сув тўлқинида [қолгандек уйқудан] чўчиб уйғониш.

633. Тишларни фижирлатиб тақиллатиш, буруннинг эса қаттиқ қичиши.

634. Лабларда баъзан тортишиш ва баъзан уларни сўриш.

635. Тез-тез нафас [олиш], совуқ ҳавони тортиб жалб қилиш ва бетоқатланиш;

636. Томир уришининг узлуксиз бўлиши билан бирга тезлашиши, [томографида] гарфара билан йўтал келиши.

637. Ҳамиша юрак ўйнаши, ўзидан кетиш, [кўрқсан кишидек] тўшагидан иргиб туриб юриб кетиш.

638. Қизилўнгач билан томоннинг оғриши ва [оғриқ] давом этса ортиқча кўнгил айниш билан ғамгинлик бўлиши.

639. Ён ва қовурғаларда санчиқ [бўлиши], алам ва оғриқларнинг қаттиқланиши.

640. Меъдада кетма-кет оғриқ [бўлади], бетоб қора талоғи ёки жигаридан нолийди.

641. Қорин ёки қовда, худди шунга ўхшаш буйраклар ва қовуқда оғриқ бўлиши.

642. Орқада, зэкарда ёки бачадонда пайдо бўладиган кучли оғриқлар.

643. Ҳамма бўғинларда ёки баъзисида ташқаридан ёки ич томондан оғриқ [бўлиши].

644. Мана шу [айтилганлар]ни яхши буҳрон кунида зўраётганини кўрадиган бўлсанг, [билинки] у яхшидир.

645. Хусусан, агар етилишлик аён бўлган бўлса, борди-ю, шундай бўлмаса, у вактда сен бу хабарни зиддида¹⁴⁶ кўрасан.

Буҳрон кунларининг баёни

646. Касалликларга ойнинг таъсири бор дейилган хабар агар тўғри бўлса, буҳроннинг сабаби [ҳам ўшадир]¹⁴⁷.

647. Чунки ой тез ҳаракат қилувчи нарсадир, у озгина фурсатда ўз фалакини босиб ўтади.

648. [Таъсири] баъзан кучли ва баъзан кучсиз бўлади, уни илми нужумда билинади.

649. [Ой]нинг таъсири суудида ҳам, нуҳусида ҳам сезилмайди.

650. Токи унинг шакли ўзига қуёш нури тушиб турган чоғда ҳисга зоҳир бўлгунча.

651. Ойнинг тўртдан бири тўрт кунда ва ярмиси эса ҳафтада нур беради¹⁴⁸.

652. Дард қатъиян [ориз] бўлмайди, [қачонки] ойдаги сууд ўрни табиатан заиф бўлса.

653. Агар ой суудда¹⁴⁹ узоқ турса, бетоб яшайди ва умри узаяди.

654. Агар у нуҳусда узоқ туриб қолса, бетоб ўлади, умри узилади ва тутгайди.

655. Агар буҳрон бир гал тўртлик кунда ва бир гал еттилик кунда келса.

656. Мана шу даврларда буҳрон яхши бўлган бўлади, [чунки олдида яхшиликдан] хабар беради[ган кунлар ўтган] ва етилганликни кўриб турган бўлади.

657. Ва шулар [муайян] даврий равишда юз беради, чунки уларнинг микдорлари [интизоми] мустаҳкамдир¹⁵⁰.

658. Улардан бошқасида даврлилик йўқдир, қандайдир бир сабаб уни яширган; у қандайдир мушкул нарса.

659. Уларда етилиш ҳам, [олдиндан яхшиликдан] огоҳлантириш ҳам йўқ бўлиб, бунинг устига уларнинг юз беришларида қанча хатарлар бўлса.

660. Улар буҳроннинг шиддатли кунлари эмас, балки ёмон қайталашдир¹⁵¹.

Бухрон нима билан тугалланишини кўрсатувчи белгилар ҳақида

661. Агар касалликни қонли [қон ғалаба қилган] қаттиқ ҳаяжонли ва ёмон эканини кўрсанг.

662. Унинг юз беришлари бошда [каллада] зоҳир бўлиб, унга бошқа сезувчи аъзолар ҳам эргашса.

663. Ва бурунларда қизариш ва қичиш бўлса, билгинки у бухрон бурундан қон келиш билан бўлади.

664. Агар у [дард]нинг юз беришлари [жисмнинг] пастки томонидан — киндикка уланган оғриқ билан бўлса.

665. Илгари унинг [хотин кишининг] ҳайз қони ёмон — бузук [тўхтаб қолган] бўлган бўлса, унинг бухрони албатта ҳайз келиш билан бўлади.

666. Ёки [баданинг] юқори [қисм] оғриқлардан саломат бўлиб, оғриқ қовурғаларнинг пастида бўлса.

667. У бетоб илгари жигардан нолиб юрган бўлса ва оғриқ орқа тешик томон тушган бўлса.

668. Сен уни [тузалишдан] огоҳлантирсанг зиён топган бўлмайсан, чунки у бавосир қони билан бўладиган бухрондир.

669. Агар касаллик сафродан бўлиб, тугаш вақтларда бўлса.

670. Унда барсом ғолиб бўлиб, бош оғрифи ва дарди кўпайса.

671. Ундан сен қўркувда бўлма, чунки у бухрон бурун қонаши билан юз беради.

672. Агар [касалликнинг] юз беришлари меъдада бўлиб, [бемор] илгари жигар [оғриғи]дан нолиб юрган бўлса.

673. Ва у беҳузурлик ва ортиқча кўнгил айнашда бўлса, унинг буҳрони албатта қайт қилиш билан [бўлади].

674. Ёки [бемор] бош оғриқдан саломат бўлиб қорин оғриқларидан шикоят қилиб юрган бўлса.

675. Унинг киндиги дўппайган ҳолда кўринса, ундан олдин ичи тўхтаб қолган бўлса.

676. Шунда сен огоҳ бўлки, у буҳрон ахлат чиқариш билан юз беради.

677. Ёхуд қорин бураб [оғришдан] саломат, касаллик ҳам оғир бўлмаса.

678. Балки у озгина беҳузурлик ва уйқусизликда бўлиб, юз беришларида тер бўлмаса.

679. Касаллик енгил бўлиб, оғриқлар қовуқ остида бўлса.

680. Бу ишда сен менинг тўғри сўзимни ол. У кишининг буҳрони сийиш билан бўлади.

681. Ёки [касал] сийдик тутилишдан саломат бўлса, у қовуқ ҳақида нолимаса,

682. Унинг бадан тешиклари очиқ бўлса, ортиқча оғриқлар ҳам бўлмаса.

683. Қаттиқ қуруқлик ва уйқусизлик ҳам бўлмаса, унинг буҳрони албагта тер билан бўлади.

684. Агар безларда оғриқлар бўлса, унинг буҳрони [бўлажак] шишлар билан юз беради¹⁵².

685. Ўлишга ёки саломатликка далолат эта-диган қуидаги белгиларга қараб тадбир — чорани ишлат!

**Ўлимдан огоҳлантирувчи белгилар
ва биринчи навбатда [аъзоларнинг]
ишларидан олинадиган белгилар ҳақида**

686. Ёргани ёқтиришлик, [кўзни] қаттиқ ҳаракатлантириш ва бир томонга буриш билан кўз ёшининг оқиши.

687. Кўзнинг биттасининг бир томонини кичиклашуви, оғизнинг эснов бўлмайин очиқ бўлиши [очилиши].

688. Киши[нинг] икки қўли ёки икки оёғи бўшашиб энсаси билан чалқанча ётадиган бўлиши.

689. У ётган еридан тушиб кетаверади[ган] ва икки оёғи, икки қўлини очаверади[ган бўлса].

690. У ўзи ёмон шаклга [аҳволга] тушиб кийимида тук ва иплар [бор деб хаёл қилиб] уларни эътибор билан юла беради[ган бўлса].

691. Ёки унинг қўл-оёқлари [дарднинг] ниҳоясида оғирлашса ва қараган нарсасига тикилиб қолади[ган бўлса].

692. Тишларини одатдан ташқари фижирлатиши, икки қўл[ининг] ёстиқقا интилавериши.

693. Кўзига қора қўл кўриниб, уни ўлдирмоқчи бўлаётгандек бўлиб хаёл қилиши.

694. Агар у ўткир касалликда бўлса, унинг шу [дард]дан ўлиши яқинидир.

695. Агар индамай ётган [касал] эзмалик бошласа ёки оғирбосиқ [касал] бесаранжомла на бошласа.

696. У кўзи кўрмаётганидан ва қулоғи эшитмаётганидан нолиса ёки оғриқдан қуввати тушиб кетса.

697. У дарднинг ниҳоятида [тушида] танаси устига қор ёға бошлаганини кўрса.

698. [Унда] баланд совуқли, ҳаяжонли нафас [олиш бўлса], албатта у ҳалок этувчи бир нарсадир [ҳолатдир].

699. Кечаси уйғоқлик-у, кундузи уйку бўладиган бўлса ёки бетоб бутунлай уйқусини йўқотса.

700. Ёки шу уйқуда [унинг] ҳоли ёмон бўлиб, уйқу [унинг] дард-аламлар[ига] сабаб бўлса.

701. Агарчи у [беморнинг] табиби [тиббий] қонунга¹⁵³ мурожаат қиласа ҳам, унинг иши [дарди] учун бирор очиқ [чорани] тополмайди.

Баданинг ҳолатларидан олинадиган ва ўлимдан дарак берувчи белгилар баёни

702. [Дарднинг аввалида бетобнинг] юзи ўликнинг юзига ўхшаса ва чакка[си] мاشаққат [дард] туфайли тиришса¹⁵⁴.

703. Ўша [касалликнинг] совуқлигидан икки кулоқ буришиб тўнтарилади ва кўзлари ич-ичига тушиб кетади.

704. Икки кўз қизаради ёки қораяди, ёки улар тутириб чиқади ёки хиралашади.

705. [Кўз] ҳаракати камаяди, бақрайиб қолади ёки совийди, ёки иккала қовоғи ағдарилиб қолади.

706. Бурун ўткирлашиб, бир томонга қийшяди, лабининг чети тортишади.

707. Кишининг қўл-оёқлари совийди, тилида яра ва қоралик пайдо бўлади.

708. Шу билан бирга, унда изтироб ва безовталиклар ҳам бўлади, булар албатта куйдирувчи иситмада ёмондир.

709. Тирноқлар қизил ва яшил рангда бўла-ди ва бадандаги [яра] излари қораяди.

710. Еттинчи [кундан] аввал сариқ қасалли-ги келади, қовурға учларида озиш зоҳир бўлади.

711. Агар тананинг сатҳида совуқлик зоҳир бўлиб, унинг ичкарисида иссиқлик яширинса.

712. Хусусан, шу [аҳвол] бошқарувчи аъзо-ларда узоқ вақт қолса.

713. [Ўткир иситмаларда] икки ҳафтадан илгари кўл-оёқлари билан юзи керикса — шишса, бу етарли аломатки.

714. У кишининг ҳалокати албатта тез бўлиб, икки ҳафтага етиши гумон.

715. Иситма ё буҳронсиз тўхтайди ёки унинг жуфт кунларда кучайгани кўринади.

Бадандан чиқадиган нарсалардан олинадиган ўлимдан дарак берувчи белгилар баёни

716. Агар ахлат қора, яшил, сассик, ёғлиқ ёки қизил бўлса.

717. Ва сувдек [суюқ], кўпикли ва оқ [бўлса], буларнинг ҳаммаси ёмон [белги].

718. Агар у ҳар хил рангда бўлиб кўринса ва бу аҳвол буҳрон [туфайли] бўлмаган бўлса, у ўлим[дан дарак демакдир].

719. Агар иштаҳани заифликда кўрсанг, {ах-лат} тоза ўтдан иборат бўлса.

720. Унда эски қон бўлаклари [бўлса], кейинидан эт булаклари ҳам келса.

721. Сафродан кейин қонли [ахлат] келса, у ҳар сафар [қон келишдан олдин] ачитиб оғритмаса.

722. Касаллик натижасида унинг бадани ориқлаб кетгандан кейин ахлати савдовий бўлиб кўринса,

723. Куйдирувчи [иситмада] ичи боғланиб [тўхтаб] қолса, у албатта мия айниганидандир¹⁵⁵.

724. Агар у уялган ҳолда [ўзидан] овоз [билин ел] чиқарса ва бундай одати бўлмаган бўлса бу ёмон [белгирир]¹⁵⁶.

725. Суюқ, қора ва озгина сийдик касал кишидан содир бўлса, бу ўлим [нишонасидир].

726. Суюқ сийдик сийиш билан [унда] алажлаш [безовталиқ] ҳам бўлса, бу унга етадиган мусибатларнинг энг каттасидир.

727. Қора ва сассиқ қусиши, бурундан ҳам шундай қон келиши [хилтларда] бузуқлик борлигидан [далолат беради].

728. Сил касаллигига кетма-кет [йўталиш] ва оз-оздан тупук ташлаш ёмонликнинг белгисидир.

729. Қийналиш ва йўталиш [билан] ҳар хил рангда тупук ташлаш ўлимдан нишона.

730. Мияга хос бўладиган ва бўшангандан [қутулгандан] кейин роҳатлантиrmайдиган терлаш ҳам [ёмон аломат].

Саломатлиқдан дарак берувчи¹⁵⁷ белгилар баёни

731. Юз агар сиҳатлик вақтда бўлганидек бўлиб кўринса, [бетобнинг] тузалиши албатта аён бўлган бўлади.

732. Агар ҳарорат ўртача ҳолда кўринса ва қовурға кемирчаклари ориқ бўлмаса.

733. Еттинчи [кундан] кейин сариқ касали зоҳир бўлса-да, зеҳни саломат бўлса, [у вақтда] ҳалокат йўқдир.

734. Ҳисда ёки ҳаракатда қувват бўлиши ҳамда баданда¹⁵⁸ умумий енгиллик бўлиши.

735. У [бемор] одатдагидек ётиб, кечаси ухлаб ором олиши.

736. Кундузниң кўпроқ [қисми]да ухламаслиги, уйқудан кейин тинчланиши.

737. Оғриқни қисман кетказган ҳар бир уйқу, дардни қисман енгиллантирган алаҳлаш.

738. Мия ва касалликларда мияга шерик бўладиган [бош пардаси ва кўкрак каби] аъзоларнинг касалида.

739. Муттасил алаҳлашдан саломат бўлинса, бу bemor албатта тузалувчи бўлади.

740. Барсом вақтида аксириш бўлса, у ҳол тузалиш белгиларининг биридир.

741. Бош қасаллигида бурун ва қулоқдан келадиган қонлар баданга шифодир.

742. Тез ҳам, секин ҳам бўлмаган нафас [олиш] жараёнларнинг энг яхписидир.

743. Унинг [нафаснинг] узилмаслиги ва тикка бўлмаслиги [ҳам яхши], чунки бетоб ўзига етган мусибат учун пулфламайди [уҳ тортмайди].

744. Унинг томир уриши кучли бўлиб, тор бўлмайди ва нафаси куйгандек [иссик] бўлмайди.

745. Иштача ва ҳазм қуввати яхши, ахлатининг қуюқ-суюқлиги ўртача.

746. Унинг тузи куйгандек қора ёки яшил бўлмай, ўртача сариқ бўлади.

747. Ёки буҳрон кунида хилт [ахлат] гижжалар билан қўшилиб чиқса у ҳаёт белгисидандир.

748. Ўша хилтдан бетоблик [пайдо] бўлган эди, ўша юз бериш кетиши билан у бетоблик ҳам кетади.

749. Агар сафро чиқса, карлик кетади ва мия касаллигидан оғриқ ҳам кетади.

750. Бавосир қони [оқиши] қора талоқ [касаллиги] ва меланхолиядан¹⁵⁹ [кутулиш ва] аҳволнинг тузалишидир.

751. Сариқ сув касаллиги [вақти]да [сариқ] сув чиқишининг кўпайиши ва унга балғамнинг аралашиб [чиқиши] у касалликнинг шифосидир.

752. Кўз оғриқ [пайти]да чиққан сафро тез муддатда тузалиш ҳақида [далил]дир.

753. Агар сийдикни лимонсимон [рангда] ва ундаги оқ қуйқумни пастга чўкувчи ҳолда кўрсанг.

754. Агар бетобдан мўътадил [бир текис] тер чиқса, бу қон иситмаси¹⁶⁰ туфайли бўлган [яҳши белгидир].

755. Агар ангинада бошнинг сиртидан шишни кўрсанг, у фойдалидир.

756. Доимий йўтал[лик киши]да икки моякнинг шиш[гани]ни курсант, у баданнинг тузалиши[га далилдир].

757. Ўпка шамоллагандага оёқнинг шишиши ва шишнинг човга тушиши [ҳам яҳши белги].

758. Кун ора тутадиган иситма [даври]да бурӯннинг кавагида ёки лабда яра [бўлиши], бу соёломлик билан огоҳлантирувчиidir.

759. “Даволи”¹⁶¹ ва “тулки касаллиги”нинг, қорин ва қора талоқдаги [дард]нинг тузалиши белгисидир.

760. Худди шунга ўхшаш ичаклардаги той-фanoқлиги [касаллиги]даги нордон кекириқ жонни сақлаб қолувчиdir.

761. Тиришиш ёки тутқаноқ [дарди] устига иситма зоҳир бўлса, у дарддан [тиришиш ва тутқаноқдан] кутқазишиdir.

762. Агар кишида [рутубат туфайли] ҳиқичоқ тутганни кўрсанг ва унга акса уриш ҳам келса, у албатта ўзига келган [тузалган] бўлади.

Далилларга асосланиб ҳукм қилиш чоғида қандай иш қилиш кераклиги ҳақида¹⁶²

763. Белгилар билан бемор ҳақида ҳукм қилишни ўйласанг, [тўғри] таққослашни ўз устингга ол!

764. Чунки далилларда кучли ва тўғрилари бўлиб, улардан бошқаси эса ёлғондир¹⁶³.

765. Хабар беришда тўғри чиқадигани, бош аъзоларда пайдо бўлувчисидир.

766. Далиллардан [саломатлик ёки ҳалокатга] тўғри гувоҳлик берувчисини ва шунга ўхшаш баданда унга қарши келадиганини ҳам кўрмоғинг [бу иккинчи хилидир].

767. Сен бир-бирига қарама-қарши кўрадиган ҳамма далиллар заиф баданда [ё саломатликка ёки касалликка бўлган] гувоҳлардандир.

768. [Тўғри далилли] маълумотларга хилоф бўладиган ҳар бир далил ўлимни тасдиқлайди, [бемор] барҳаёт қолмайди¹⁶⁴.

769. Агар белгилар заиф ҳолда сенга бир-бира га зид бўлиб [кўринса] демак, у доимий шакдан иборатдир¹⁶⁵.

770. Сен [у вақтда] ҳукм чиқаришда тўхта ва ишнинг [ҳал бўлиши]дан умидда бўл.

771. Агар белгилар [бир фикрга] келишда [икки томонга] баробар бўлса, сен тўхта. Борди-ю, бир томонга босса, шу ғолиброқ [бўлган] томонга ҳукм қил.

УРЖУЗАНИНГ ИККИНЧИ ҚИСМИ. БУ АМАЛИЙ ҚИСМ ВА УНИНГ ТАҚСИМЛАНИШИ

772. Тиб ҳақидаги назарий китобда назмдан сен эшитган [сўзларни] ипга тизганимда¹⁶⁶.

773. [Амалий қисмни] ҳам назм қилиш истагим бўлган эди. Мана ҳозир мен ўша амалий қисмни бошлайман.

774. Шу бобда айтмакка эҳтиёжим тушган нарсаларни мен бу китобнинг бошланишида айтиб ўтган эдим.

775. Тибнинг амалий қисми икки хил: бири қўл билан қилинади.

776. Ва бошқаси эса дори билан ва тайинланган физо билан қилинади.

777. [Турли] тадбирлар билан қилинадиган назарга илинмайдиган иш эмасdir.

778. У икки хилга [бўлинади]: биттасини соғлиқни сақлаш деб аталади¹⁶⁷.

779. Ва унинг охирги бўлаги¹⁶⁸ касалликнинг тузалишидир. Ўз ҳаётим билан қасам ичаманки, табибларнинг ғояси мана шудир¹⁶⁹.

Соғлиқни сақлаш ишининг бўлиниши ва у физо ва дори билан [бўладиган] ишининг аввали

780. Соғлиқни сақлаш соғлом кишиларга тегишли, бу бизнинг истисносиз ва равshan айтган сўзимиздир.

781. Соғлиғи тўлиқ бўлмаган киши учун ҳам [тегишли]; у амалий иш пайтида икки хилга ажралади:

782. [Бир хили шундай бўладики], кишининг заифлиги бутун зотига [аъзои баданига] ва бор вақтларининг ҳаммасига тааллукли бўлади.

783. Қари киши, касалдан янги турган киши ва ёш гўдак болалар каби. Уларнинг заифлиги ҳамма [ҳолатида] аралашгандир.

784. Яна шундай кишики, унинг танасида бир белги кўрасан, шу белгидан у кишининг бетоб бўлиш хавфи бўлади.

785. Ёки [иккинчи хили] бир кишининг териси, эти ва суяги каби жисмининг айрим қисмида заифликни кўрасан.

786. Масалан, бир кишининг меъдаси заиф, табиий совуқ мизожли ва юпқа бўлса.

787. Баъзиларнинг офатлари, бачадонда[лик] вақтда пайдо бўлади; олтинчи бармоқ ёки шиш [ҳосил бўлиши] каби.

788. Баъзиларнинг [нуқсони] ёшларига қараб бўлади ва бир вақт бўлиб, бир вақт бўлмайди.

789. Масалан, мизожи ҳўл киши болалик вақтида заиф бўлиб бориб, катталикда [катта бўлганда] бақувват бўлиб кетиши.

790. Ва [мизожи] қуруқ одам куз фаслида заифлашиб, баҳорда заиф бўлмаслиги каби.

**Соғлом [деб эътироф этилган] кишининг
ҳавоси ва хусусан ёз фаслидаги [ҳавосининг]
тадбири ҳақида умумий сўз**

791. Соғлиқни сақлаш учун тибнинг амалий қисми иккӣ амални ўз ичига олади.

792. [Кишининг] мизожини ўз ҳолида қолишини истасанг, унинг физосини ўз [мизожи]га мослаштир.

793. Агар сен баданни табиатидан [мизожидан] чиқариш ниятида бўлсанг унинг мизожига тескари бўлган тадбирни кўр¹⁷⁰.

794. Мутлақ соғлом кишини соғ ҳолда барқарор қолдириш учун.

795. Уни тўртингчи иқлимдаги шаҳарларда ва уларнинг соғлом буғли [ҳавоси бузилмаган] бўлган ерларда истиқомат қилдир.

796. Улардан саҳрого қараб турғанларини [танла] ва шарқ томондагисининг пайида бўл, чунки у латифроқдир.

797. Ёзда тоғ томонларга ва шимол томондан очиқ бўлган шаҳарга мойил бўл!

798. Кечаси баланд жойларда ўтири, кундузи эса паст ерларга туш¹⁷¹.

799. Жун ва пахтадан [тўқилган] кийимлардан юз ўгир ва зигирпоядан [ишланган] енгил [кийимлар] томон мойил бўл!

800. Хушбўй ўсимликлардан совуқ [мизожлисини] ва ҳидли ёғлардан эса қизил гул ёғини ишлат!

801. Икки кўзингни чангдан, тутунлардан ва буғдан эҳтиёт қил.

802. Қуёш шуъласидан, иссиқ шамолдан ва ўт алангасига қарши келишдан [ҳам сақлан].

803. Майда ёзувлар ва чаплашган таълиқ¹⁷² хатларини узоқ ўқима.

Ейиладиган нарсаларнинг ҳамма вақт ва хусусан ёз фаслидаги тадбири

804. Бир кеча-кундузда энг ками бир маротаба овқатланилсин¹⁷³.

805. Энг кўпи эса икки маротаба ейилсин, ўртачаси эса икки кунда уч маротаба.

806. Ейиш вақтини узайтириш — шунда ишни охиригача етказган бўласан. Чайналадиган нарсани [овқатни] майдала, шу билан унинг ҳазм бўлишини истаган бўласан.

807. Тиш билан чайнашни қабул қилмайдиган ҳар бир нарсани ҳазм қилиш сенга қийин бўлади.

808. Иштаҳанг тушган ҳар бир ёмон нарсани [емакни] ихтиёр қилсанг-у, у билан физоланишга [уни ҳазм қилишга] кўнглинг чопмаса.

809. Ўша нарсанинг мизожини тузатадиган зидди билан муолажа қилишга хикмат — донолик билан қасд қил!

810. Текис бир хилда бўлмаган [мўътадил] баъзи мизож[лар] борки, уларни физонинг ёмони билан тузатилади.

811. Кишининг одати — қувватта [табиатта] ўхшашдир; шунинг учун кўнглинг тусаган нарсадан юз ўтирма¹⁷⁴.

812. Заарар етказадиган ҳар бир одатнинг илдизини аста-секин, замон ўтиши билан қирқ!

813. Хўл — рутубатли [овқат]ни олдин, қобизини эса кейин истеъмол қил. Ширин мазалигига нордон мазаликни аралаштириш.

814. Куруқ [овқатни] хўл [мизожлиги] билан, совуқ [мизожлиси]ни эса иссиқ [мизожлиги] билан тузат.

815. Агар у иссиқ [мизожли] бўлса — совуқ [мизожлиси] билан, хўл [мизожли] бўлса тескариси билан аралаштириш.

816. Агар семиз [гўштнинг] таъбингта ёқмаслигидан ва ёғлиқ [овқатнинг] ҳазмни ёмонлаштиришидан қўрқсанг.

817. Уни туз ёки ўткир нарсалар билан аралаштириш; булар [овқатни] мулойим — ёқимли қилишга ёрдам беради.

Таом ейиш вақтлари

818. Овқат риёзат [жисмоний ҳаракат]дан сўнг ҳамда ўзингдан нажосат чиққандан кейин ейилсин [емак керак].

819. Емофинг учун истироҳат вақтини ва шамоллари салқин ерни талаб қўлгил!

820. Ва бунинг учун совуқ вақтни [мўлжалла] ва бу тўғрида [доимо] шу тадбирни қасд қил.

Ёз [fasli]да емакнинг тадбири

821. Ёзда физони камайтириш, ейдиган нарсангни енгил томонга бур!

822. Гўштларнинг фализидан четлан. Кўкат ва сутлар томон юзлан!

823. Янги балиқ, каттароқ бўлиб қолган эр-
как улоқ ва кўзиларга майл қил.

824. Жўжа, товуклар, каклик гўшти ва қир-
ғовуллар [тановул қил!].

825. Кузбурия, сикбож¹⁷⁵, ҳисримия¹⁷⁶ ва зир-
бож истеъмол қил.

826. Хабис¹⁷⁷ каби холвалардан ва гандано со-
линган қўймоқ ва фусуслардан¹⁷⁸ четлан.

827. Хулом¹⁷⁹ ва карисларга¹⁸⁰ майл қил, таф-
шил¹⁸¹ ва масуслардан¹⁸² егин.

Ичимликлар тадбири

828. Агар сен хом семизликдан омон бўлмо-
фингни истасанг, ичингни учга тақсим қил!

829. [Унинг] учдан бири нафас олиш учун,
яна учдан бир қисми физо учун ва қолмиши эса
сув учун жой бўлсин.

830. Совуқ сувнинг озгинаси ҳам ташнали-
гингни қондиради. [Аммо] илиқ — туриб қол-
ган [сув]нинг кўплиги сенга шифо бўлмайди.

831. Музни ичимлиқда кўп ишлатма, чунки
у асабларга зарар қиласди.

832. Музли [сувни] семиз, эти қон [мизож]-
ли, зуваласи пишиқ кишидан бошқага ичирма!

833. Инсонда [учрайдиган] овқат тиқилиш
[ҳодисаси] бўлмаса, дастурхон тепасида ҳирс
кўйиб сув ичма!

834. Овқат устига ва ҳаммомдан чиқиш би-
ланоқ сув ичма.

835. Кучли жисмоний ҳарақат ва ёки жин-
сий алоқадан кейин ҳам [сув ичма], чунки бу
бир оғатдир.

836. Агар чидаб бўлмайдиган бирор зарурат тақозо қилиб қолса, у вақтда озгина ич.

837. Қачонки овқат қориннинг пастки қисмига ҳазм бўлиш томонга бурилса.

838. Ўзингни қондиралиган сувдан ёки кифоя бўладиган шаробдан ичавер.

839. Агар [сувдан] ёки маст қиладиган ичимликдан тўйиб қонганингдан кейин.

840. Сенга яна ташналиқ келса, эҳтиёт бўл, чунки у ташналиқ ёлғончи нарса.

Набиз¹⁸³ ва шунга ўхшаш (ичимликлар) тадбири

841. *Набиздан кўп ичишга қасд қилма, унинг озига қаноат қил!*

842. Ҳар куни набиз [ичишни] давом эттирма, оч қоринга ичадиган бўлма.

843. Латиф мулойим таом устига ва ўткир аччиқ физо устидан [ҳам ичма!]

844. Ҳамма вақт маст бўлишдан ўзингни сақла, бўлмаса бир ойда бир мартаси [кифоя] қиласди.

845. [Мастликнинг] аҳён-аҳёнда бир бўладиганида манфаат бор, унинг кўпида турли зиёнлар бор¹⁸⁴.

846. Шароб кимнинг бошини оғритадиган бўлса ва унга ҳарорат, хуморлик орис бўладиган бўлса.

847. Унга сенрайхоний¹⁸⁵ шаробни и chir ва кетидан у анорнинг нордонини газак қилсин.

848. Беҳи¹⁸⁶ ва бодринг есин ва унга сен шаробни сув аралаштириб бер.

849. Кимки шароб туфайли ичида бодлар [пайдо бўлишидан] нолиса, унга шаробнинг нуқул ўзини ичир.

850. Бундай кишилар учун кучли сариқ шароб фойдали, уларга газак шўрттанг нарсалар [бўлади].

851. Ёз [fasliida] сувдек оқ ичимликларни [истеъмол қилади], чунки у латифроқдир.

852. Унга сув аралаштири ва нордон нарсалар тотин, овқат емоқчи бўлсанг, устидан қобиз нарса[ларни] егин!

Уйқунинг тадбири

853. Кўп ухлама, у вақтда сен нафсга озор берган бўласан, нафсни ухлатмаслик ҳам бўлмайди, сезгиларга озор берган бўласан.

854. Овқат ҳазм бўлмагандага ёки сассиқ кетириқ вақтида узокроқ ухла.

855. Очлик вақтда уйқуни узун қилма, бўлмаса ахлатнинг буғи бошга уради.

856. Овқатдан кейин [бирон нарсага] суюниб, ухла, токи овқат ҳазм бўлиш ерига тушсин.

Ҳаракат [бадантарбия] қилиш тадбири

857. Кучли бадантарбия қилма ва [уни] жуда ташлаб ҳам қўйма, балки ўртача ҳолатда бўл!

858. Аъзога ёмон хилт йиғилишидан қўрққанингда унга ёрдам бериш учун риёзат қилдир.

859. Истасанг [уни] нафас тезлашгунча пиёда юриш ёки кураш тушириш билан [қил].

860. Ориқ кишиларни риёзат қилдирма, токи таҳлил [бўшашиш] ортиб кетмасин.

861. Ёни кўп ва семиз одамни риёзат қилдир, агар у ҳоринли бўлса унга белбоғ боғлат!

862. Ёз [fasli]да чарчатадиган [ҳаракатларни] камайтириш, чунки сен терлаш билан бўшашиб кетасан.

863. Мен назарий қисмда бадан учун сен муҳтоҷ бўладиган нарсалар тадбирини айтиб ўтдим.

864. [Улар бадандаги] чиқиндиларни бўшатиш [чиқариш] ёки тўхтатиш ва нафснинг сен истайдиган [бошқа] ҳоҳишларидан иборатдир¹⁸⁷.

Йил фасллари ичида [қилинадиган] бошқа тадбирлар

865. Ёз [fasli] ҳақида айтганларимнинг ҳаммаси, ундаги тадбирларнинг қайси кайфиятда бўлиши ҳақида эди.

866. Уларни сен иссиқ мизожлиларга ва ёшларга ҳамда жанубий мамлакатларда кўлла.

867. Қишда эса унинг тескарисига бўйин кўй; шунда сен унинг аламли совуғига қарши кела оласан.

868. Баҳор ва куз [faslariida] эса қиши билан ёз [fasli] ўртасидагидек иш кўр.

869. Баҳорда [тадбирни] куруқ қил, кузда эса ҳўл қил, ҳатто уни қуруқликдан узоқлатгин.

870. Баҳорнинг [охири] ва кузнинг бошлинишида ёздаги ҳолдек тадбир қил!

871. Баҳорнинг аввали тадбирда кузнинг охирiga ўҳшашдир.

872. Бу иккаласида ҳам қишидаги ҳолдек, яъни [кишини] қизитадиган физо билан тадбир қил.

873. Бу тадбир бир ерда турғанларга қўлланилади. Кимки сафарда бўлса, бу тадбирни ундан тушир.

Сафарда бўлувчи ва хусусан денгиз [сафари]даги кишининг тадбири

874. Кимки денгизда [кемага] миниб юрувчи ёки кунлардан бирида қуруқликда борувчи бўлса.

875. Уни қишида денгизда юришдан, қаттиқ шамол ва бўрон [пайтида] сафар қилишдан қайтар.

876. Кимки денгизда кўп юрса, унга сувни кўпроқ [фамлаб] бер ва сув идишнинг яроқлисими танлаб бер.

877. Йўлга хўл ва ични юмшатувчи овқатлардан бер.

878. Агар боши айланишидан қўрқсанг унга сурги қил, шундан кейин уни [денгизга] тушибавер.

879. Унга нордон мева сувларини бер ва уларга қабз [қилувчи] сувларини ҳам аралаштири¹⁸⁸.

880. У кишини иссиқ сувда чўмилтириб кирдан [тозала] ва кийимларни унга тайёрлаб бер.

881. Сафардаги кишилардан кимни бит босса-ю, уларни ўлдиришга қодир бўлмаса.

882. Юнгни олиб ундан арқонча эш ва *сімоб мойи*¹⁸⁹ билан пишишиб у арқончани мойлагин:

883. У кишининг кийими орасига ўша арқончани тақиб қўй, то ундан битлар тўкилиб тушгунча.

884. Агар киши қуруқликда сафар қилса, уни совуқдан [сақлаш] иложи устида ишлагин¹⁹⁰.

Қуруқликда ва хусусан совуқ [пайти]да сафар қилувчи кишининг тадбири

885. Уни қорда қолищдан эҳтиёт қил, шунда у музлаб қолищдан қутулади.

886. Унга тўйдирадиган таомдан едир, токи у очликдан ўлимга эришмасин¹⁹¹.

887. Агар у совуқ қотса, ҳаммомга тушир, уни яна бадани яшнаган кишиларга яқин қил¹⁹².

888. Унинг кўзларини қор [ўз оқлиги билан] қопладиган бўлса, устига қора рўмол ташлаб қўй.

889. Унинг олдига қора нарсаларни кўп қўй, токи унга узоқ қарасин.

890. Кўл-оёқларини совуқдан эҳтиёт қил. [Уларни] ўрайдиган нарсаларини куст ёғига¹⁹³ ботириб бер.

891. Икки оёғига маҳси кийишдан олдин пайтавани кўп ўрат.

892. Агар у совуқ етгандан кейин [оёғида] оғриқни сезмаса билгинки, уни совуқ олган бўлади.

893. У вақтда пайтавани ечкин ва уни тўхтосиз ишқала ёки уни исит.

894. Горчица ёгини қизитиб сурт ва шундан кейин уни боелаб қўй ва эҳтиёт қил.

895. Агар [оёғи] қорайиб кетган бўлса, уни тиф билан тилгин, бузилгандан фасод бойласа, уни яхшилаб тозалагин.

896. [Бузилишдан] сочилиб кетса, уни кесиб ташла, яъни ўлган этни демоқчиман.

897. Чарчашга дучор бўлган кишини [мусофирни] мойлаш билан давола ва унга овқатдан мулойимини [едир].

898. Ҳамда уни ҳаммомда ишқала ва уқала, шундан кейин у бир неча кун дам олсин.

Иссиқда сафар қилувчи кишининг тадбири

899. Кимки иссиқда сафар қиласидан бўлса, боришида ҳам қайтишида ҳам унинг тадбирини кўр:

900. Уни самум¹⁹⁴ шамолига киришидан қайтар, токи унинг иссиғидан иситмаламасин.

901. Томиридан анчагина қон ол, шунда қон олишинг билан у киши шишдан саломат бўлади¹⁹⁵.

902. Киши агар қаттиқ сафро мизожли бўлиб, [унинг] ташна бўлишидан кўрқсанг, [ундан] сафрони чиқар.

903. Сафарга чиқишдан аввал пиширилган [совуқ мизожли] мева сувлари¹⁹⁶ [мурабболар] билан [сафросини] сўндири, чунки бу одам [сафро] ҳароратидан хатар устида бўлади.

904. Совуқ [мизожли] кўкатлардан унга озгина едир ва бир йўла сувидан ичириб қондир.

905. Қўлингдан келганча [уни] тинчликдан айирма ва имкон борича у фазабланмасин.

906. Сояда бўл ва бошингни ёп, бақириш ва гапиришни озайтири.

907. Мунозара ва жанжаллашишни ташла, куйдирадиган иссиқда узоқ турма.

908. Куннинг қизиган пайтида юришда ташна бўлсанг¹⁹⁷.

909. Кофур кулчаларидан ишланадиган кичик “Миср боқиласи”¹⁹⁸ донини оғзингга ол.

910. Семизўтнинг суви ва фўра узун шароби билан сувни қўшиб ич.

911. Агар қуёшнинг бетта таъсиридан қўрқсанг — чунки у очиқ юзга шилиш билан ёмон таъсир қиласди.

912. Унинг тадбири учун шам билан қўшиб эритилган мойни ишлат. Бу аёллар учундир.

Гўдак боланинг ва биринчидан онасининг қорнидалик вақтидаги тадбири

913. Гўдакни онасининг қорнида эҳтиёт қилиниши керак, токи унинг танасига бирор офат етмасин.

914. Ҳомиладор хотиннинг меъдасини эҳтиёт қил, токи [ножӯя нарсаларни еб] иштаҳасида бузуқлик кўринмасин¹⁹⁹.

915. Онанинг қони тузатилади, чиқиндилардан тозаланади [токи] бола ўша тоза қондан пайдо бўлсин.

916. Агар гўдакка энага овқат ёки ичадиган нарсасини берадиган бўлса, [болани] тарбият қилиш ёшининг муддатини ўзинг танла.

917. Агар онада қон ҳаяжонга келса, ундан қон олма, балки совуқлик нарсалар билан ҳаяжонини сўндири.

918. Ёки бирор хилти қўзғолса, унга сурги қилдирма, унга [хилтни] юмшатувчи нарсалар бериш билан муомала қил²⁰⁰!

[Бола туғиши] дард тутишнинг тадбири²⁰¹

919. Ҳомиладор хотиннинг туғиши вақти яқинлашса, унинг туғишини ёнгиллаштири.

920. [Масалан] ҳаммомда белларини ва болага ёндашадиган томонларини.

921. Мой билан ишқала, токи асаблар юмшасин ва туғиши пайтида қийналмасин.

922. Унинг овқатини ёғли [таомлардан] қил ва унга мойли шўрва ичир.

923. Уни бақириш, сакраш, чўчиш, додлаш ва уришдан эҳтиёт қил.

924. Туғиши қийинлашганида [яъни қаттиқ дард туттанды] ичига йўнғичқа суви солинган хурмо қайнатмасини ичир.

925. Унга бир зийрак доя хотин [тайин] қил, у аямасдан унинг икки оёғини чўзиб турсин.

926. Кейин уни бирдан ўрнидан турғазиб, усталик билан қорнини сиқсин.

927. Агар ундан ортиқча қон олса, қаҳрабо кулчаларидан бир нечтасини ичир.

928. Ёки бирор зарар [касаллик] туфайли ундан қон кетмаса, [тўхтаб қолса] муррдан бир неча кулчани ичир.

929. Агар бола турадиган парда [қоғонок] тушинаса, очиб эритадиган [даволар] билан буғла.

930. Масалан, *мурр*, *қитрон*, арча уруғи, олтингутурт ва Абу Жаҳл тарвузи каби нарсалар билан.

931. [Чақалоқ] учун ўрта ёшлик бўлган жувонлардан эмизувчи танла.

932. У этлик бўлсин, бироқ бадани бўшашган бўлмасин, мизожи мўътадилга яқин бўлсин.

933. У гавдалиқ, икки эмчаги катта, боши²⁰² ва икки кўзи тоза бўлсин.

934. Ҳар қандай ички касалликлардан соғлом, аъзолари ва бўғинлари соғ аёл [бўлсин].

935. Унинг сути суюқ ҳам, қуюқ ҳам бўлмасин.

936. [Сути] оқ рангли, мазаси ширин ва хушбўй бўлсин, сассиқ ва тўкилганда чўзиладиган — ёпишқоқ бўлмасин.

937. Унга ширин ва ёғли таом ҳамда сариёғ билан [қовурилган] янги балиқ гўштини бер.

Гўдакнинг ўзига хос тадбири

938. Уни йўргаклаш олдида қобиз буриштирувчи [мойлар] билан мойла, то унинг терисида пишиқлик кўрганингча.

939. Уни чўмилтири, шунда уни хилтлардан [кирлардан] тозалаган бўласан. Унинг йўргак боғини ўртача боғла.

940. Уни кўп эмизма, меъдаси бузилади ва эмизишни узоқ вақт тўхтатиб ҳам қўйма, иситмаланади.

941. Болани безовта қиласиган нарса билан унга муомала қилмаки, уни ухлашга кўймайди ёки уйкусини учирив юборади.

942. Сен унинг ухлашини истасанг, юмшоқ бешик [беланчак]дан айирмаки, у унга қоронгулик тушириб турсин.

943. Агар бирор бетоблик [уни] ухлашга кўймаса, таом[и]га кўкнор аралаштириб бер²⁰³.

944. Уйғоқлик вақтида ёруғлиқдан уни айирма, токи у осмон ва юлдузларни кўрсинг.

945. Болани кўришга ўргатмоқ учун кундуз куни унга ҳар хил ранг[ли нарсалар]ни кўп кўрсат.

946. Уни сўзлашга ўргатмоқ учун таълимда овоз билан унга эркалатиб гапиргин.

947. Унга асал ялат ёки уни танглайига сурва уни тилига суриб ишқала.

948. Ўша [асалга] озгина чучукмия ўтининг шираси ва кундур қўшиб боланинг оғзига кўй.

949. Бурни битишини йўқотиш ва уни тозалаш учун ўша [таркибдан] бурнига ҳам томиз.

950. Чунки бу иш унинг сезгиси ва товушни яхшилайди ҳамда нафасини очади.

951. Ундан қон олиш ёки унга сурги қилишдан сақлан, то у катта бўлиб балофатга етганга қадар²⁰⁴.

952. Унда шиш ёки тошмалар пайдо бўлса, [уларни] тортадиган дорилар билан қарши турма²⁰⁵.

Касалдан янги турган кишининг тадбири

953. Касалдан янги турган кишилар соғлом [лекин ранги] ўчган суратларга ўхшаш баданлари заифлашган кишилардир.

954. Уларнинг жонлари лиқиллаб қолган ва баданлари эса қонни йўқотган.

955. Қара, агар уларнинг баданлари узоқ вақт[ли касалликдан] ориглаб кетган бўлса,

956. Уларнинг [физосини] оз-оздан кўпайти-риб бор, [аммо] у кишилар устида шошилтиришга майл қилма.

957. Ёхуд қисқа вақтда касалликдан баданлари озиб қолса, у пайтда уни [физосини] кўп-кўпдан кўпайтир.

958. Лекин буни мулойимлик ва аста-секинлик билан бажар, то баданлари кенгайища бўлганини кўрганингга қадар.

959. Уларга қувватли ва узоқ турадиган физолардан оз-оздан бер.

960. Уларни доимо осойишталик ва ҳаракатсизликда тут, чунки уларнинг аъзоларида заифлик бор.

961. [Уларнинг] нафсини яхши, ширин сўз ва яхши ҳамсуҳбатлар билан даволашга майл қил.

962. Уларга хушбўй атиrlардан ва яхши ҳидли гуллардан²⁰⁶ бер.

963. Уларга шодлик ва куйлар эшииттир, фикр қилиш ва машаққат чекишдан қайтар.

964. Уларни ванна ва ҳаммомга тушир, [лекин] у ерда узоқ тургизма.

965. Уларни илиқ сув ичида ўтказ ва аъзолариға мой сурт.

966. Уларга жисмоний ҳаракат қилдирма ва қаттиқ ишқалама, чунки бу иш уларга иситма ҳароратини келтириб чиқаради.

Қари кишиларда соғлиқни [сақлаш] тадбири

967. Албатта қари кишиларнинг кувватлари-да орқага кетиш бор. Ҳар куни аҳволларида нуқсон бўлади.

968. Уларга кучли овқат бер, [аммо] оз бер, токи аъзоларига оғирлик қилмасин.

969. Агар уларга сурги қилинса, сафрони сурма; кўй, сафро баданларига даво бўлсин.

970. Кимки [авваидан] қон олдиришга одатланган бўлса, ундан шу одатни узма.

971. Лекин кимки олтмиш ёшга етса, [шу билан бирга] у гавдали ва [зуваласи] пишиқ бўлса.

972. Ундан бир йилда икки маротаба қон ол, бу ишда икки фаслдан ўтма²⁰⁷.

973. Уни билак томири [қифоли]²⁰⁸дан қон олдиришдан қайтар. Бу ишга аҳамият билан қара.

974. Агар у етмиш ёшга етган бўлса, ундан [йилда] бир мартаба қон ол; қон олишни шу [бир] маротабадан орттирма.

975. Уни қўлдаги *акҳал*²⁰⁹ томиридан қон олишдан [табибни] ман қил, агарчи унинг баданини [қон билан] тўлгандек кўрсанг ҳам.

976. Агар у киши [етмиш ёшдан] беш йил ошса, *бослиқ*²¹⁰ томиридан икки йилда икки марта қон ол.

977. Ўша [ёш]дан кейин ҳар қандай қон олишдан у кишини қайтар, чунки у иш қариларни ҳалокатга солувчиидир.

978. Уларнинг баданидаги щишлиарни қайтарма ва щишлиарига кучли тортувчи дориларни ишлатма.

979. Ишқалаш ва терлатиш билан уларни тозала. Мойларни уларга [бирданига эмас] та-ратиб-таратиб сўйка.

980. Таомларнинг мулойими билан уларни[нг баданини] тозала. Дори билан ҳужум қилишдан ўзингни сақла, [яъни дори берма].

Баъзи бир аъзосида ва ўқтин-ўқтинда соғлиғи камаядиган кишининг тадбири

981. Кимки вақти-вақти билан [касалликдан] шикоятланадиган бўлса, у кишини [касаллик] вақти келишидан бурун давола.

982. Ўша вақтда [пайдо бўлишидан] кўрқи-ладиган бетобликка қарши келувчи нарса билан [давола] ва унинг учун замонни замонга аралаштири²¹¹.

983. Кимки аъзоларидан бирининг заифли-гидан нолиса, унинг давосига кириш.

984. Касалликни даволаш ҳақида айтганла-рим бўйича уни [касаллик] белгиси йўқолгунча давола²¹².

Бетобликни юзага чиқишидан бурун синдириш ҳақида чора қўриш²¹³

985. Кимнинг баданида бирор бетобликнинг аломатини кўрсанг, унинг учун ўша касалликни синдириш устида ҳийла-чорасини кўр.

986. Чунки у касаллик унинг баданида яши-рингандир, у юзага чиқиб қолишидан бурун чорасини кўр.

987. Келажаги хавфли бўлган касалликка далолат этадиган юз беришларни мен айтиб ўтганман.

988. Касалликнинг ўша мен айтган сабабларни синдириш [йўли] билан уни ўз бобидан [топиб] даволаш устида ишла.

[Тибнинг] амалий қисмидан иккинчиси.

Бетоб кишиларга дори ва овқат билан соғлиқни қайтариш

989. Мен соғлиқни сақлаш бўлимими назм қилиб бўлдим, энди касалликни тузатиш [бўлимими] бошлайпман.

990. Бу амалий қисмлардан бир жинсдирки, у [касалликка] зид бўладиган нарса билан қарши келади.

991. Касаллик ҳароратдан бўлса, совуқлик [билин], совуқликдан бўлса, унинг тескариси билан [даволанади].

992. Ёхуд у [рутубатдан] бўлган бўлса, қуруқлик билан, қуруқликдан бўлса, тескариси [яъни рутубат] билан [тузатилади].

993. [Хилтларнинг] тўлиб кетишини турли аъзолардан ва миядан бўшатиш билан давола!

994. [Ҳар хил] тўсиқлар билан ёпилиб қолган ерни очиш [йўли] билан, сон-ададлардаги ортиқликни камайтириш билан [давола].

995. Тўсилган ер очилиб қолса, [уни] бекитиши [керак], токи унинг бузилганини тузалган [ҳолда] кўргунингча.

·996. Баданга озор берадиган силлиқликни дағал қил ва ундан дағаллашиб қолганини эса силлиқ қил!

Дори турлариниң баёни

997. Мана мен хилтларни исҳол билан чиқарадиган доривор нарсаларни зикр қиласман.

998. Ва хилтни чиқармаса ҳам мизожта голиб келадиганларини²¹⁴.

999. [Масалан:] тўсиқларни очадиганларини ёки юмшатувчи, куйдирувчи, ёки чиритадигани.

1000. Етилтирадигани, қотирадигани, очилган ерни бекитиладигани ёки тортиб оладиганни.

1001. Шунингдек, тозаловчиларини, ғоваклаштирувчиларини, этни ундирувчи ёки [яранни] битирувчиларини.

1002. Ва шуларга ўхшаш иккинчи [даражали бошқа] қувватлардан ва учинчи даражали қувватлардан эринмай [зикр қиласман]²¹⁵.

Сурги дорилар баёни ва аввало сафрони сурувчилари ҳақида

1003. Сариқ ўтни *сақамуниә* қаттиқ куч билан чиқаради.

1004. Уни қиротнинг учдан биридан то бир қиротгача ичилади ва унда хилтларга бараб — устунлик бордир.

1005. Меъда ва жигарга зарар қиласлик учун беҳи [истеъмол қилиб] уни тузатилади.

1006. Сабирдан бир динор ичирилади, агар эҳтиёж бўлса уни икки баробар кўпайтириш ва [бошқа] дори [лар] билан [аралаштириш].

1007. Агар унга [сабирни] кўп ичириб қўйган бўлсанг, араб елими²¹⁶, яхуд ёки Макка муқли ва катиролар билан уни тузат.

1008. Ҳалиланинг сариқ хилидан бир уқийя ичир ва гунафшадан ҳам шунча.

1009. Хиёршанбар эти ва тамариндан ҳам [ичир], лекин кўп бўлмасин.

Балғамни чиқарадиган нарсалар баёни

1010. Абу Жаҳл тарвузи этининг тозаланганидан икки дониқни муқлι билан тузатилган — аралаштирилган ҳолда ичилади.

1011. Шунга ўхшаш ёввойи бодрингдан ўшанча [ичирилади], унинг ислоҳи [аралаштирилиши], таъсири ва ўлчови ҳам юқоридагига ўхшашдир.

1012. Танакор ва туздан ярим дирҳам; мана шулар ҳаммаси балғамни чиқаради.

1013. Турбитдан икки дирҳам ичир ва пиширилган таомларга солиб икки мисқол ичир.

1014. Дараҳт пўқагини бир дирҳамдан кам ичир ва шунга ўхшаш ҳабб ан-нилдан ҳам ичир..

Сариқ сувни чиқарадиган нарсалар баёни

1015. Мозариюндан икки дониқ ва янги фарғиондан бир дониқ ичади.

1016. Сабирдаги каби қилганинг тадбир билан ишланган елимли сутўтдан бир дониқни [ичади].

1017. Луфодан ҳам бир дирҳам [миқдорида] ичир. Мана шулар [сариқ] сувни чиқарадиган дорилардир.

Савдони чиқарадиган нарсалар баёни

1018. Маккий сано, бистпоя, девпечак ва ҳалиланинг пўстидан ичир.

1019. Ҳалила [қора хилидан бўлсин], шоҳтара ва говзабондан озгина ичир, шунда улар [савдони] чиқаради;

1020. Савдодан қанча чиқаришни истасанг [юқоридаги дорилардан] баб-баробар ярим уқийядан ичиргин.

1021. Ва ярим дирҳам ложувард [ичир], чунки у савдони қувлашга хослангандир.

1022. Худди шунга ўхшашдир “арман тоши” ҳам; у савдони чиқаришда кучли бир нарсадир.

Дориларни таркиб қилиш дастуриламали²¹⁷ ва биринчи (даражадаги) кувватлар

1021. Дорини ичириш аслида танҳо ҳолда бўлиши керак, токи унинг таъсирини ҳамма касалликларда кўрасан.

1024. Мен [қуйида] айтадиган сабаблар уни таркиб этишга — қўшишга даъват этади.

1025. I. Дардларнинг мураккаблашуви; II. Бирон дорини тузатиш ва уни ширин қиласидиган физони [қўшиш].

1026. [Бирор дори баданга] ўтишдан ожиз бўлган чоғда уни ўтказишга ёрдам берадиган [дорини қўшиш].

1027. [Аччиқ, дорини] ютишга тайёрлайдиган [енгиллаштирадиган] ва ични бўшатишда ёрдам берадиганини [қўшиш].

1028. Сен бир нечта дорини таркиб қилмоқчи бўлсанг, уларни дастуриламал[га мувоқиф] таркиб қил.

1029. Масалан, турли хилтларни сурадиган ҳар бир сургидан бир ичимликни ол ва уларни сана, чунки у муҳмал қолмасин — бекор кетмасин.

1030. Унга сен истаганча ҳижобни²¹⁸ аралаштириш ва ўлчангандарни нарсаларни [дориларни] ҳисоб билан тўпла [қўш].

1031. Кейин ўша ўлчангандарни ичимларга бўл. [Ҳамма] мураккаб [дори]лар худди шундай йўл билан ишланади.

1032. Саноқдан [ҳар бир] ичимга қанча тўғри келса, уни ичир ёки уни асраб қўй!

Дориларнинг қуввати баёнида

1033. Дорилик нарсаларда бирламчи қувватлар ва шунга ўхшаш амал қилувчи иккиламчи қувватлар бўлади.

1034. [Яна] дорилик нарсаларда учламчи қувватлар ҳам бўладики, ҳодисалар юз бергандага улар содир [даркор] бўлади.

1035. Бирламчи қувватлар иссиқли, совуқлик, ҳўллик ва қуруқлиқдан иборатдир²¹⁹.

1036. Мана мен дорилик моддаларнинг совуқлик келтирадиганларидан бошлайман.

**Совуқлик келтирадиган ва керак бўлган ерда
буриштириш вазифасини ҳам ўтайдиган
дорилар баёни**

1037. Мирта дарахти, татим, балила, жумрут ва ҳалила.

1038. Араб акациясининг шираси, маржон, омила, арман лойи ва дашқол.

1039. Салиб, хуни сиёвушон, оромангиз каби омила шираси, сукк ва “ер олати”, яъни унинг мулк аралаштирилгани.

1040. Табошир билан аралаштирилган анор гули, арека пальмасининг данаги ва кашничнинг қуригани.

1041. Баргизуб билан малобатр. Мана шулар таъсир қилганда буриштиради.

1042. Мози, қўзиқулоқ, ровоч ва зирклар совуқлик ва [ични] боғловчиидир.

**Содда дорилардан қизитадиган,
[лекин] ични сурмайдиганлари**

1043. Билгинки, дориворларнинг қиздирувчиisi [куйидаги] маҳорат билан тажриба қилингандаридир.

1044. [Улар] етмак, кундур елими, мурч, ёввойи зира ва узун мурч.

1045. Маҳсар, ялпиз, қора чайир, қалампирмунчоқ пўстлоғи [қирфа], камхастак ва кон чўплар.

1046. Дармана, қичитқиёт, какликёт, ушна, майъа елими ва анбар.

1047. Уд, игир ёки қашқарбеда, зарпечак ва занжабиллар.

1048. Гентиана илдизи, оқ каррак, пион гул, лакк ва ровоч илдизи.

1049. Малобатр, ладан, лавр, жулаҳ, жувона ва тўпалок.

1050. Укроп, канакунжут, “парилар тирноғи”, гальбан елими, тоғ сунбулининг илдизи ва *мурр*.

1051. Қора беда, канавча, эрон қавраги ва рум арпабодиёни.

1052. Қора зира, зира билан газакўт, тоғ пётрушкаси.

1053. Сунбул, парсиёвушон, тоғжамбили ва дор шишаъон.

1054. Цейлон долчини, хавлинжон, асорун ҳам кончўп.

1055. Смола, зуфо, қитрон, назла ўти ва бальзам дарахти.

1056. Тоғрайҳон, болдириғон билан лолагача.

1057. Қушқўнмас, арпабодиён, хушбўй қамиш ва бобуна ҳам.

1058. Седана ёки ангуза, сақич дарахтининг меваси ёхуд олтингугурт.

1059. Қаврак елими, [горчица], нефть, саримсоқ, кабоба ва кустлар.

**Хўл [мизожни] қуруқдан ажратиб олиш
қоидаси ва содда дориларнинг даражалари**

1060. Сен кўраётган ҳар бир совуқ ёки иссиқ [мизожли дорини] ё қуруқ ёки хўл деб топасан.

· 1061. Қуруқни буриштиришидан, ҳўлни эса буриштирувчини бўшаштиришидан билинади.

1062. [Оддий дориларнинг] даражалари ҳақида табиблар орасида келишмовчилик бор, уларнинг келишмовчилигидаги иш албатта ойдинлашган.

1063. [Баданга] ўзгариш киритиши ақлга мувофиқ келадиган [яъни далилларга асосланган] ҳар бир дори биринчи даражададир.

1064. Ва қайси бир оддий [дорининг] ўзгартириши сезги [куввати билан билинса] сезилса ва ушлаб кўрилганда у кучли бўлмаса.

1065. Бу унинг даражалардан иккинчисидалигига мукаммал далилдир.

1066. Ҳар бир [садда дорининг] ўзгартириши кучли, лекин аъзони бузишдан узоқ бўлса²²⁰.

1067. Ва у аралашган нарсасини [умуман] бузувчи бўлмаса, демак, у даражаларнинг учинчисидандир.

1068. Ўзгартирадиганини бузадиган ҳар бир [садда дори] шиддат билан [иссиқ бўлганда] куйдирса ёки [совуқ бўлганда] увиштирса, [яъни сезгини йўқотса].

1069. Уни сен [иссиқлик ёки совуқлик] даражаларнинг тўртинчисида деб айтишингга ҳеч монелик йўқ.

Садда дорилардан иккиламчи²²¹ қувватлари [ва шулардан шишларни] пишириш²²² қувватига эга бўлганинг баёни

1070. Билгинки [шишларни] пиширадиган ҳар бир [садда дорида] албатта ҳарорат ва [бадан тешикларига] ёпишқоқлик, [яъни тўсиш] бўлади.

1071. Ўша дорининг ҳарорати сен пиширмоқчи бўлган аъзодаги шишнинг ҳароратига тенг бўлиши керак.

1072. Ҳайвон ёғи, смола, санавбар елими ёки шам билан аралашган ўсимлик мойи.

1073. Иссик сув билан аралаштирилган ўсимлик мойи ва ўсимлик мойи билан пиширилган буғдой каби.

Юмшатувчи дорилар баёни

1074. [Баданда орис бўлган қаттиқликни] юмшатувчи деб биладиганинг ҳар бир дорининг юмшатиладиган аъзодан ҳароратда кувватлироқ [бўлиши].

1075. Лекин латифлиги туфайли [хилтни] эритиб юбормаслиги учун у [дорининг] куввати ўртача бўлиши керак.

1076. [Масалан] гальбан елими, каврак елими, муқл, майъа елими ва тоғ эчкиси болдирининг илиги кабилар.

Маҳкам [қаттиқ] қилувчи дорилар ҳақида

1077. Совуқ ҳўл [мизожли содда дори] — [аъзони] маҳкам қилувчилардандир; масалан, итузум ёки қурбақа ўти каби.

[Йўлларни] тўсувчи дорилар ҳақида

1078. Тўсувчи деб биладиган ҳар бир дори [аъзони] қиздирувчи ҳам, совитувчи ҳам [бўлмайди].

1979. У [дорининг табиати] бирор аъзога аралашса уни ачитмайди²²³. Демак, у ё ер жинси[дан] ёки ёпишқоқ [дори бўлиши керак].

Тўсиқларни очувчи дорилар ҳақида

1980. Маълум [йўллардаги] тўсиқни очувчи ҳар бир [дори], албатта кесувчи [аччик, шўр ва ўткир] ва мулоийим қилувчи бўлади.

1081. Масалан, у таъми танакорга ёки муррга ўхшаш денгиз пиёзи ва аччиқ бодомлар каби.

1082. Гулсафсар ва наргиз илдизи, танакор, ковул ва “Миср боқиласи” каби.

1083. Агар сен қобиз очувчи [билан] муолажа қилсанг, у[ни] сиртдан эмас, [балки ички аъзоларга қўйилса тўғри бўлади].

1084. Лекин уни дорига қўшиб ичилади [ичга юборилади] — шунда у ичдаги тўсиқларни очади.

Ярақлатувчи — [яраларни тозаловчи] дорилар ҳақида

1085. Сен тозаловчи деб айтадиган ҳар бир [садда дори] латифликда [очувчи дорилардан] камроқ бўлади, масалан, боқила каби.

1086. Яна асал ва ширин бодомга ўхшаган ширинлик нарсаларда учратадиганинг каби.

Фовак қилувчи дорилар ҳақида

1087. Сен фовак қилувчи деб ҳисблайдиган ҳар бир дори қизитишда [ҳароратида] мўътадил бўлади.

1088. Канакунжит ёғи, мойчечак, турп ёғи ва арпабодиён каби.

Томирлар оғзини очувчи дорилар ҳақида

1089. Томирнинг оғзини очувчи деб билинадиган ҳар бир дори [ўткир ҳароратли], жароҳатловчى [модда] каби бўлади.

1090. У ҳароратда қаттиқлик билан [аъзога] таъсир қиласди. Саримсоқ, пиёз ва ҳайвон ўти каби.

Қобиз дорилар тўғрисида

1091. Томир [оғзи]ни тўсишда фойда берадиган ҳар бир нарса [дори] қобиз, лекин у [ҳарорат билан] ловуллатиб ачиштирумайди[ган бўлади].

Куйдирадиган дорилар

1092. Ҳар бир куйдирувчи нарса [дори]иссиқлик ва ғализликнинг ниҳоясида бўлади.

Иритиб саситувчи дорилар

1093. Сен иритиб саситувчи деб топадиган ҳар бир дори ҳароратда юқори [даражали], ўзи латиф ва қизитувчи бўлади.

[Этни] еювчи дорилар ҳақида

1094. Этни камайтирувчи [дори] уни [еидиганидан] заифроқ ва жароҳатни битирувчиси эса [уни] қуритадиганидир.

Тортувчи дорилар ҳақида

1095. Тўлган [рутубатларни ёки моддаларни] тортишга хос бўлган ҳар бир дори [тортувчилар]; у бодзаҳр²²⁴ [тоши] ва сурги дорилар кабидир.

1096. Тортиши кайфият [ҳарорат] билан бўладиган ҳар бир дори ҳароратли ва латиф бўлади.

1097. Ўз табиати билан [ҳароратли бўлгани] қаврак елими ва мукълга ўхшаш ва ҳарорати саситиш билан бўладигани эса тезак каби нарсалардир.

1098. Бодзаҳр манфаатда кучлидир, у [иссиқ, совуқ каби бирламчи] кайфияти билан ёки табиати билан [ёмон] ҳолатни [яхшига] айлантиради.

1099. [Доридан] бир хили борки, у заарали моддани сурдириш йўли билан фойда беради, ёки [ўзи заҳарли бўлиб] ўлдирувчи қувватга эга бўлади²²⁵.

1100. Уни [кейингисини] соғлиқ вақтда истеъмол қилиш зарар қиласи, шунинг учун у [табобатдан] хабарсиз кишини баъзан алдаб қўяди.

Оғриқни тўхтатадиган дорилар ҳақида

1101. Оғриқни тўхтатадиган нарса [дори] қизитувчи, очувчи, узувчи [қирқувчи] ва мулойим қилувчи бўлади.

1102. Уларнинг бир хили борки, у увиштириш [йўли] билан фойда беради, дориларга қўшиб бериладиган қорадори каби.

Содда дориларнинг учламчи кувватларининг баёни

1103. Бундан кейин ҳодисалардан [дорилар таъсиридан] нимани зикр қилсам, уни сен учламчи кувватлардан деб топасан [биласан].

1104. Масалан, сен [табиатида] ечувчи — эритувчи[лик хусусиятига эга] деб топган ҳар бир нарса [дори] у буйраклардаги майдада тошни увалатиб ташлаш каби.

1105. [У дори] узувчи — латифлаштирувчи ва юмшатувчи бўлиб унда аниқ ҳароратни учратмайсан²²⁶.

1106. Морчўба илдизи, қамиш илдизи, куйдирилган шиша ва камхастак[лар каби].

1107. Ва шунга ўхшаш ўзида озгина ҳарорат ва мулойимлиги бор [нарсалар — дорилар]ки, улар кўкракдаги [хилтларни] чиқаарди.

1108. Агар у нарса [дори] иситишда мўтадил бўлса, у албатта сут пайдо қилувчи бўлади.

1109. Балғам ташлатадиган ҳар бир нарса албатта ҳайз қонини ҳам чиқарувчи бўлади.

1110. Щу [юқоридаги]ларнинг ҳаммаси сийдикни юргизади; ҳар бир аччиқ [ўткир] нарса ҳам унга лойикроқдир.

Дориларнинг қайси сифатда булиши —
ишлатилиши тўғрисида

1111. Қачонки мен [дорилар] мизожининг қувватини таърифлаб бўлдим. Мана энди даволаш [таърифини] бошлайман.

1112. Даволаниш учун ишланадиган ҳар бир нарса, ё ичдан ёки сиртдан юборилади.

1113. У [дорилар] ўраш, ҳаб қилиш, [оғиздан] ичири ва каф оттириш каби [сифатда].

1114. Мойланадиган, ишқаланадиган, бурунга томизиладиган, баданга нина суқиб ўрнига нил²²⁷ кўйиш, ранг суринш — бўяш ва ювиладиган [дорилардир].

1115. Кўзга қуилладиган, маъжун қилинадиган, ипни пилта қилиб ковакли ярага қўйиш ва мисвок билан [оғизни тозалаш] каби [ишлатилади].

1116. [Дорини] суйкаш, малҳам қилиб кўйиш, кўзга сурма [сифатида] қўйиш, бурундан юбориш ва [уни сийдик йўли орқали] юбориш каби.

1117. Ва шунга ўхшаш курук дориларданки, уларни сен орқа томондан кўтарардинг [ичга юборардинг] ва ичирадиган сурги дориларинг каби.

1118. [Ични юмшатиш учун] орқа томондан хуқна — клизма қилиш ҳамда ичга тутун киритишинг²²⁸ каби [йўллар билан ишлатилади]²²⁹.

Ёмон мизожни даволаш ва унинг
белгилари ҳақида

1119. Бизнинг бош сочидан то оёқнинг тирноғигача зикр қиласидиган ҳамма касалликларимиз.

1120. У хоҳ баданнинг ҳаммасини қамраболган бўлсин ёки битта аъзога хос бўлсин.

1121. Ёки у [бетоблик турли] аралашма [хилт]лардан ҳоли бўлган бўлсин, сен у хилтларни чиқаришга уринма.

1122. [Балки] уни аста-секин муолажа қилишга кириш ва мизожини тескарисига ўзгартириш билан давола.

1123. Сен [моддасиз] бетобликни шишиқлаб-синчиклаб синаб кўрсанг, у [модда билан] тўлган жисм бетоблигидан фарқ қиласди.

1124. Унда бадан тўлиқлигидан келадиган дарднинг белгиси очиқ кўриниб турмайди.

1125. Агар бирон дори билан унинг заарланаётганини кўрсанг, у вақтда [билгинки] бу дорининг мизожи у дарднинг мизожи[га зид эмас, балки] ўхшаш экан.

1126. Бузилишни [дардни] келтириб чиқарувчи бирор сабаб борлиги учун [уни мизожининг] зидди билан [даволаш] фойда беради.

1127. Кўл билан ушлаб кўришда ва [аъзо] ишларининг заифлашганлигига ҳам ундаги [бетоблик ҳақида] кучли далил бордир.

1128. [Ҳамда касаллик борлигига] аҳвол ёмонлашганидан ва чиқадиган нажосатдан ҳам [далил топасан].

1129. Лекин сийдикда чўкма бўлмаса, томир уриши мұттадишликтан чиқсан бўлса.

1130. У вақтда жисмда тўлаликка эга бўлган [касалли бўлмаган], балки бундай касаллик жинсидан у холи бўлган бўлади.

1131. Агар оғриқ бир жойга хос бўлса, у албатта ўша жойда дард борлигининг далилидир.

1132. Ҳамда дарднинг [табиати ва сабаби] ёшга, бадан мизожига ва рангларга қараб ҳам белгиланади.

1133. Ва йил фасллари, замонлар, турар-жой ва шаҳарларга [қараб ҳам белгиланади].

1134. Юқорида айтиб ўтилган тадбирлар ҳам [мизожни] ўзгартиришга албатта ёрдам берувчиидир²³⁰.

Совуқ ёмон мизожли касалга далил излаш

1135. Кишининг мизожи совуқ бўлса, у албатта совуқ нарсалардан заарланади.

1136. Унга фойда етказиш ҳар бир иссиқлик [нарсалар] билан бўлади. Ушлаб кўрилганда баданида совуқлик [сезилади].

1137. Сийдиги оқ рангли бўлиб, томир уриши суст бўлади.

1138. У кишида ташналиқ ҳам уйқусизлик ҳам бўлмайди. Агар у ухламайдиган²³¹ бўлса ҳам, безовталанмайди.

1139. Ранги ганчсимон [бўлиб], бадани бўшашган бўлади; агар шимолий мамлакатларда ва кекса ёшда ҳамда.

1140. Қишида [юқорида] ўтган совутувчи сабаблар мавжуд бўлса, бу [совуқ ёмон мизожли касалга] ажойиб далилдир.

1141. Агар [уни] муолажа қилмоқчи бўлсанг, қизитиш билан давола ва уни даволашда фалажли кишини даволаш каби йўл тут!

Иссиқ ёмон мизожга далил излаш

1142. Агар киши баданида ҳарорат бўлса, унга иссиқлик [дорилар] зара беради.

1143. Унга қўл тегизилса иссиқ [сезилади] ва сийдиги қизил рангли, томир уриши тез ва узлуксиз бўлади.

1144. Яна ташналиқ, безовталиқ, уйқусизлик, озиб кетишлик ва ранг сарифлиги бўлади.

1145. Жанубий шаҳарларда, ёшлиқ [даврида], ёз [фаслида] ва ўтмиш сабаблар мавжуд [бўлса].

1146. Сен [уни] қиздирувчи [иситмани] ва безовта қилувчи бўлиб кўринган ҳар бир касалликни совутишни вужудга келтирадиган дорйлар билан давола.

1147. Унинг физосини ўз қувватига ва унда сен кўраётган иштаҳасига яраша қил!

Хўл ё қуруқ ёмон мизожли дардга далил излаш

1148. Мана шу иккита касаллик икки нарсанинг биридан ҳеч ҳоли бўлмайди.

1149. Агар [мизож] қуруқ бўлса, сен [беморни] ориқ ҳолда кўрасан. Ёки у хўл бўлса, уни бўшашган ҳолда кўрасан.

1150. Латиф ва мустаҳкам амал билан, хўл [мизожли дардга] куритишни ўгказ [қўлла!]

1151. У хоҳ иссиқда, хоҳ совуқда бўлсин, қуруқ [мизожни] эса зидди билан давола.

1152. Тўғри муолажа қилишингдан аввал ҳаммасида ҳам сабабларини уз! [Яъни уларни аниқлаб йўқот].

Тўлиб қолиш касалликларини даволаш ва бўшалишнинг шартлари

1153. Бетоблик [масалан, қон] тўлиб қолишдан пайдо бўлган бўлса, унга бўшатищдан бошқа даво йўқдир²³².

1154. Бўшатишнинг ҳамма [навида] ўнта шарти бор, агар шу шартлар бўлмаса, бўшатищдан фойда йўқ²³³.

1155. Улардан биринчиси [касалликнинг] аразлари [юз беришларига] қарашиб ва у [ҳақиқатда] тўлиб қолишдан бўлган касаллик эканини [аниқлаш].

1156. Ва йигитликдан тортиб то ўрта ёшгача [бўлишига], бетобнинг одати ва қувватига [қарашиб].

1157. Фаслнинг куз ёки баҳор эканлигига, ҳамма [томони] мўътадил бўлган шаҳарларга қарашиб.

1158. Вақтга, мизожнинг иссиқ [ва] хўллигига ва баданнинг ўзида фаровонлик зоҳир бўлиб туришига [қарашибдан иборатдир].

Бўшалишнинг турлари

1159. Сен бўшатадиган ҳар бир [аъзода] пайдо бўлган нарсани [қонни] уни ё қўзғалган ўрнига [яқин жойидан] торт!

1160. Ёки уни бошқа аъзолардан қарпсисига ёки тўппа-тўғрисига торт²³⁴.

1161. Кўпинча сен уни ўша касалликка шериклиги бўлган аъзолардан тортасан.

1162. Қортиқчининг қортигини эмчакка кўйишимизга ўхшашки [у билан] биз бачадондаги қонни тўхтатишни [кўзлардик].

1163. Тўлишлик далиллари ва [уни] бўшатадиган дорилар юқорида зикр қилиниб ўтди.

**Қон олинадиган ҳамма қонли касалликлар
ва биринчи галда жасаднинг қаерида
бўлишидан қатъи назар фалағмуни
шишдан қон олиш ҳақида**

1164. Ҳимус кўпайган [табиий нисбатидан] ошган вақтда Жолинус томирдан қон олишни тавсия қиласди.

1165. Қачонки бадандада қон белгиларини кўрса, хусусан у шиш[ли бўлса].

1166. Шундай бўлса шу шартлар билан сен ҳам қонли дардлардан қон ол, бошқа хилтли [дардлар]дан эмас²³⁵.

1167. Шу иш билан сен унинг [Жолинус-нинг] қасд қилганини қасд қил ва у қон олган касалликлардан сен ҳам қон ол.

1168. Қачон сен [унинг фалағмуни шиш эканига] равшан гувоҳлик берувчига ишонсанг, ҳамма фалағмуни шишлардан қон олишга кириш.

1169. Бошнинг сиртидан ва ташқарисидаги [фалағмунийдан] ҳамда бўғинларда бўладиган [фалағмунийдан] қон ол.

1170. Икки қулоқ остидаги шишдан ва икки кўз оғриғидан [ҳосил бўлган] шишдан ҳам.

1171. Тиш милклари [ва] тилнинг шиши, ангина²³⁶ ва лаклукдаги шишдан [ҳам қон ол].

1172. *Наронига*²³⁷ ва бодом безларда[ги шишларда] томоқдаги шиллиқ пардаларда ва назлаларда ҳам.

1173. Зотилжам ва ўпка яллигланишида, эмчак ва човдаги шишда.

1174. Жигар шишида, меъда шишида, ичаклар шишида, кейин орқа тешикдаги шишда.

1175. Талоқда, икки моякда, қовуқда ва икки буйракдаги шишларда.

1176. Бачадондаги ёки киндикдаги шишларда ва сарамас навларидан эшакемда ҳам [қон ол].

Яра ва тошмалар баданнинг қаерида бўлмасин, улар [учун] томирдан қон олиш

1177. Бош ва икки кўздаги яраларда, қасмоқ ва икки қулоқдаги яра-чақалар [учун томирдан қон олинади].

1178. Ва югурувчи [яралар], ўпкадаги ва оғиздаги яралар ва чечакда [ҳам].

1179. Ичакдаги [шишли] ярада агар у ҳақда тўғри тушунча бўлган бўлса ва ичида эт ўсаётган [ярада ҳам].

1180. Худди шунингдек, баданнинг қаерида бўлмасин тошмалардан ва кўринган [қонли] хўл кўтирдан ҳам.

1181. Оғиз ва кўзлардаги тошмалар ва икки биқинда ўсадиган [яра]лар каби.

Томирларнинг түлиши ва бурундан қолиши
чиқишида²³⁸ томирдан қон олиш

1182. Томирларнинг түлишида, бурундан қон кетишида ва бурунларнинг бавосирида [томирдан қон олинади].

1183. Қон агар тишлардан оқса ёки шунга ўхшаш қулоқлардан оқса.

1184. ва орқа тешикдаги бавосирдан ва ҳайз [вақтида] ва йиринг чиққанда.

1185. Ва оғиз ичида бўладиган ва бачадон олдида чиқадиган бавосирда ҳам [томирдан қон олинади].

Турли касалликларда қон олиш

1186. [Қон туфайли бўлган] бош оғрифи, унинг айланиши ва [хилтлар кўпайиб баданнинг ичкарисига киришидан] оғизнинг ҳидланиши ва тиш оғриғида ҳамда соч тўкилганда [томирдан қон олинади].

1187. Бирор аъзо лат еганда, бўғин оғрифи ва тумовда [ҳам шундай].

1188. Яна тутқаноқда, *сабалда*²³⁹, *тарфаза*²⁴⁰, *тутада*²⁴¹ ва иштаҳа йўқлигида.

1189. Орқа тешикдан ёрилишида, *ирқуннасада*²⁴² ва мейдадаги [шиш туфайли бўлган] оғриқда.

1190. Шунингдек, жигардаги санчиқли оғриқда ҳамда унда пайдо бўлган тўсиқларда²⁴³.

Қонли касалликларни муолажа қилиш

1191. Бу [қонли] касалликларни даволаща сунухус²⁴⁴ [иситмасини] даволаш томонга йўллан [яъни уни даволаган дори билан давола].

1192. Томирдан қон олишдан кейин сафрони сур — бўшат! Овқатлардан бўлса совуқликларига мойил бўл!

1193. Овқатларнинг иссиқликларидан ва қонни кўпайтириб юборадиганидан четлан!

1194. Физоларнинг буриштирадиган, нордончучук ва нордонларига мойил бўл!

1195. Бу дард ҳақида қоннинг ғалабаси устидаги бобдан далил изла.

1196. Мехрибон, уста табиб қилгани сингари сен ҳам совутиш ва қутиши томонга майл қил!

Сафроли касалликлар

1197. Сафродан пайдо бўладиган касалликлар, масалан, ичакларнинг тайғаноқлигидан ҳосил бўладиган яралар.

1198. Алаҳлаш, бачадоннинг бўғилиши, кунора тутадиган иситма, ирқуннасо ва ичдан қон ўтиши.

1199. Йўтал, бош оғриқ ва танада тез юрувчи бўлиб кўринадиган [намла дейиладиган] шишлар.

1200. Икки қулоқдаги қаттиқ оғриқ ва икки қовоқдаги кўтирилган [қичиманинг] кўп бўлиши.

1201. Бўғинларда яра, шишлар ва амали қаттиқ оғриқнинг [бўлиши].

1202. Бармоқнинг ёрилиши, тирноқ орасидаги чиқиқ [нохина] ва ясмиқдек бўлиб кўринадиган бошқа излар [яралар] каби.

1203. Ва кишининг тиши сарғайиши ва қовуғида оғриқнинг қаттиқ бўлиши.

1204. Беҳуш бўлиб қолиш, қон кетиши, устини парда қоплаган шиш, терининг сарғайиши ва [бошқа] тошмалар каби.

1205. Ва қора ингичка излар ҳамда жигарларда бўладиган тўсиқлар.

1206. Бачадон шиши, *шуса*²⁴⁵, ичак шилиниши ва иштаҳа кетиши.

1207. Бош айланиш, лабнинг ёрилиши, лаклунинг оғриши ёки ҳайза²⁴⁶ каби.

1208. Яра агар югурса, *дубайла*²⁴⁷ ва орқа тешикда зоҳир бўлган қаттиқлик [қалинлик] каби.

1209. Қичима ёки қизамуқ ёки *намла*²⁴⁸, сарамас ёки ўпка яралари каби.

Сафроли касалликларни даволаш

1210. Шундайларни даволашда кунора тутадиган иситмани даволашга майл қил!²⁴⁹

1211. Томирдан қон олмай [сурги билан] сафрони чиқар! Уни совутища ўргача томонни кўзла²⁵⁰

1212. Юқорида айтиб ўтилган қонли касалликларда қасд қилганингдек қасд қил! [Аммо] сафродан бўлган дардларни эса [факат] рутубатлашга хослагин!

1213. Чунки [сафровий иллатлар] ҳароратда ва киши учратадиган ҳар бир касалликда [қонли иллатга] шерик бўлади.

1214. Бу касалликларга [юқорида айтилган] сафронинг ғалабаси бобидан далил изла!

Балғамли касалликлар

1215. Балғам туфайли бўладиган ҳар бир касаллик сен кўрадиган бўшашган шишдан иборатdir.

1216. Фалаж, бўшашганлик касали совуқ [мизожли] бош оғриғи ва ҳушдан кетишлик [тутқанок] каби.

1217. Фализ қўтири, *захир*²⁵¹ ва бўйин шиши, яъни қулғуна²⁵².

1218: Бошнинг қасмоқланиши, унутиш ва қулоқларда [пайдо бўладиган] совуқ оғриқлар каби.

1219. Песлик, сепкил [намаш], сакта касаллиги, юмшоқ йўтал ва *лақва* [юз фалажи].

1220. Фил касаллиги²⁵³, иштача кесилиши, битлаш ва орқа тешикнинг фализлашуви каби.

1221. Катаракта²⁵⁴, кўз қорачигининг кенгайиши ва икки қўлтиқда пайдо бўладиган ҳид каби.

1222. Қоринда бўладиган оғат [касаллик]-ларки, улар ичакларнинг тайфандоқлиги ва гижжа²⁵⁵ қуртлари кабидир.

1223. Туғиши вақтида пайдо бўладиган қийинчилик ва шунинг оқибатида [боланинг] пардада ушланиб қолиши каби.

1224. Буйрак оғриғи, иситма тутиши²⁵⁶, қора талоқ ёки жигарда совуқ [пайдо бўлиши];

1225. Кинжалнинг туртиб чиқиши, балғамнинг турлилигидан келиб чиқадиган касалликлар.

1226. Бўғинларнинг оғриғи ёки қорайиб кетиши ва уларнинг устида бўладиган кўкариш ва гунгуртлик.

1227. Истисқо²⁵⁷нинг зиққий, лаҳмий ва таблий деб аталағиган турларига ўхшаган сариқ сув касали каби.

Балғамли касалликларни муолажа қилиш

1228. Шу хил [дардда] ҳўл ва совуқ мизожни даволашга ўт!
1229. Уни билишда балғамнинг ғалаба қилган[ига далолат этувчи] аломатларини далил қилиб ишлат.
1230. [Юқорида] айтганим дори билан [хилтни] бўшат, шунда у дарддаги балғамни бўшатган бўласан.
1231. Шундан кейин ўша баданга қиздирувчи [дориларни] кирит!
1232. Қизитиш билан бирга қуритишта ва қиздирувчи мулоим овқатта ҳам мойил бўл!
1233. Мана [гап шу], умуман ҳоҳ ичдан, ҳоҳ сиртдан бўлсин, қиздирувчи [моддалар] билан муолажа қил!
1234. Ва фалаж кишида қўлланиладиган сассиқ ҳаблар ва *нажотижни*²⁵⁸ ишлат.

Савдоға тегишли касалликлар

1235. Баданда қора ўтдан пайдо бўлган ҳамма дардлар [қўйидагилардир].
1236. Сўтал, кунора туталиган иситма, бавосир ва тутқаноқ касаллиги.
1237. Бурун учида бўладиган бистпоя²⁵⁹, сўгаллар ва баданнинг тиришиши.
1238. Юракбуриғ, саратон, [қора] баҳақ, сепкил, бош оғриғи ва уйқусизлик.
1239. Қаттиқ шиш, мохов ва қоринда бузилиб қолган овқат²⁶⁰.

1240. Куруқ йўтал, бод [ёки ел] ва талоқда [пайдо бўладиган] қаттиқлик — дағаллик.

1241. Бошда [юз берадиган] меланхолия касаллиги ва сийдикка орис бўладиган тутилиш.

1242. Қуланж касаллиги, “тулки касаллиги”²⁶¹ ва кутурган итнинг тишлишидан бўлган касаллик.

1243. *Кувабо*²⁶² ичда ивиб қолган сут ва жигардаги совуқлик²⁶³.

1244. “Ит иштаҳаси”²⁶⁴ касаллиги ва орқа тешикда бўлган ёрилиш.

1245. Буйрак ва қовуқ[қа келган] тош ва қовуқ тепасини оғритадиган дамлик²⁶⁵.

1246. Қоринда, икки биқинда, бош ва икки кулоқдаги дамлик.

1247. Икки қовоқда²⁶⁶ пайдо бўладиган шатар²⁶⁷ ва икки оёқда²⁶⁸ бўладиган никрис [кабилар].

Савдо касалликларининг муолажаси

1248. Дардларнинг бу хилини даволашда мохов касаллигини даволашдаги дорилар томонга мойил бўл!

1249. Бу касалликка савдо ғалаба қилиши деган бобдан далил ахтар!

1250. Девпечак ёки бистпоя билан [уни] бўшат ва [юқорида] айтган [дориларим] билан муолажа қил.

1251. [Унга қарши] қизитиш ва ҳўллаш [тадбирини] ишлат, шундай қилсанг тўғри қилган бўласан.

**[ТИББИЙ] АМАЛИЁТНИНГ ИККИНЧИ БЎЛАГИ, У
ҲАМ БЎЛСА ҚЎЛ БИЛАН ҚИЛИНАДИГАН
АМАЛЛАР, БУЛАР УЧ ҚИСМДАН ИБОРАТ**

1252. Мен фойдали тартибни [айтишдан] бўшагач, энди қўл амалларидан бошлайман.

1253. Биринчиси томирларда — уларнинг каттаси — йўғони ингичкасида ҳам бу иш қилинади.

1254. Ва иккинчиси гўштда қилинади, учинчиси эса суяқда ишланади.

**Шу учтадан биринчиси томирлар устида
қилинадигани ҳамда томирдан қон олишнинг
манфаатлари тўғрисида**

1255. Томирлар жинсидан шундайлари борки, уларни сен ёрасан [қон оласан], баъзисини тортиб оласан ва таги билан кесасан²⁶⁹.

1256. Шишга ўхшаган, бош ва кўкракдаги ҳар бир оғриқда қўлдаги акҳал томиридан қон олинади.

1257. Қаттиқ бош оғриғи ва бурундан қон кетишида қийфол томиридан аста-секин қон олинади.

1258. Кўкракни ва ўпкада пайдо бўлган оғриқни даволашда [қўлтиқдаги] бослиқ томиридан [қон олинади].

1259. Жигар ва талоқ дардларидан аҳволи ёмонлашган кишида мозиён²⁷⁰ деган иккита томирдан [қон олинади].

1260. Агар бослиқ томирининг жисмини топмасак, ҳаби уз зироғ²⁷¹ томиридан қон оламиз.

1261. Ҳамма вақт бўлиб турадиган мия оғриғида чаккадаги томирлардан қон оламиз.
1262. Шақиқа²⁷² ва бошдаги эски ярада кулоқ орқасидаги томирдан [қон олинади].
1263. Икки кўздаги касалликда кўз бурчагидаги икки томиридан қон оламиз.
1264. Ёфух [бош тепаси]даги яралар ва бош сатҳида пайдо бўладиган шишда ундаги [ёфухдаги] томирдан [қон олинади].
1265. [Турли] оғриқларда хусусан мохов касаллигида бўйин томири [вадаж]дан қон оламиз.
1266. Кўзни даволашда, доимий бош оғриқда ва бош-юзларга тошадиган яралар [саъфа]да пешона томиридан [қон оламиз].
1267. Ҳамма вақт бўлиб турадиган бош оғриғи ва кўз тинишда бошнинг орқа томонидаги томирдан [қон оламиз].
1268. Юзнинг юқори томонида кўринадиган тошмаларда бурун учидаги томирдан [қон оламиз].
1269. Тилнинг тагидаги шишда ва томоқ оғриқда тилнинг тагидаги томирни қасд қиласан-да, ундан қон оласан.
1270. Киндик остида жойлашган ички аъзолар касаллигида тиззадаги томирдан қон оламиз.
1271. Икки сондаги касалликда икки почадаги соғин [томиридан] қон оласан.
1272. Насо томиридан ирқуннасо касаллигида ва оёқ панжасидаги томирдан эса ундаги юз беришлар [оғриқлар]да қон олинади.

Уриб турадиган томирлар [артериялар] устида

1273. Бош оғриғида ва кўзда сезиладиган оғриқларда артерияларни кесилади.

1274. Қачонки бу дарднинг шиддатидан, кўзга сув тушишидан кўрқсак.

1275. Бир шишининг пайдо бўлиши артериянинг очилиб қолгани ва сатҳи [атрофи]дан қон оқмаслигидан бўлса.

1276. Уни ёр, уни кес ёки суфуриб ташла, истасанг ундан қон ол²⁷³ ёки ҳаммасини кесиб ташла!

1277. Атрофини боғлаш ёки доғлаш билан қонларни оқишдан тўхтат.

1278. Уни жароҳатни даволагандек давола, токи унинг эгаси [бемор] тинчигунча.

Кўл билан қилинадиган амалнинг иккинчиси гўшт устида бўлади

Биринчи навбатда тилиш ҳақида

1279. Гўштнинг амали тилиш, кесиш, доғлаш ва ёришдан [иборат].

1280. Тилишдан бир хили [бевосита] қонни юргизади [оқизади], яна бир хилида, тилингандан кейин, қонни қортиқ билани сўрилади.

1281. Шунда ҳар хил чиқиқ ва яралик бағданнинг сатҳидан қон оқади.

1282. Баъзан хилт [қон]ни боғқа ерга [аъзога] кўчирмоқчи бўлганимизда тилмасдан қортиқ соламиз.

1283. Баъзан [қортиқни] бўшлигича ёпиштирамиз, баъзан куйдирилган пахта билан [ёпиштирамиз].

1284. [Бундай тадбирни] бирон ердан [ичак ва меъда қаттиқ оғриқни пайдо қилувчи] елни чиқариш учун ва қизитиш йўли билан аъзоларни тузатиш учун [қўллаймиз].

Гўштни кесиш билан [қилинадиган] амал

1285. Кесилиши [лозим] бўладиган ҳар бир эт, улар: *масомир*²⁷⁴, сўтгал ва *шатоир*²⁷⁵лар кабидир.

1286. Чекка аъзолардаги сасиган [этлар], масалан, [зараарлангани] ва бурунларнинг бистояси — чилпояси.

1287. Ортиқча ёки ёпишиб [ўсадиган] бармоқ ва кўзнинг [бир-биридан] ажralмай қоладиган қовоғи.

1288. Туртиб чикқан *инабийя*²⁷⁶, сийдик йўлиниг ёпилиб-бекилиб қолган сиртқи териси.

1289. Бирон яранинг бузилган эти ва эзилиш натижасида пайдо бўлиб бузилган яра.

1290. Тил ҳамда кулокларда бўладиган ортиқча эт кесилади.

1291. Шиша, ўқ ва найза учларини чиқариш учун уларнинг устидаги [эт] кесилади.

1292. Эркакларда[ги аёлларникига ўхшаб ўсган]²⁷⁷ эмчакни ва почада [ёмон хилтлар сабабли] кенгайган томирларни кесилади.

1293. Бавосирларнинг ҳамма [хилларини] ва сасиган устини, парда қоплаган шишларни ҳам [кесилади].

1294. Қорайиб кетган яра устидаги ёғни, чириган этларни ҳам.

1295. Узайиб қолган лақлукни ва тишнинг милкида — ошиб үсіб кетган ерини ҳам [кесилади].

1296. Ришта [касаллигіда] ва қулоқни бекитиб қўйган тўсиқлар туфайли ҳам этни кесилади.

1297. Кўзнинг устида ортиқча бўлган ҳар бир этни ва кўз ичида кўринадиган парда [нохуна]²⁷⁸-ни ҳам [кесилади].

1298. Қовоқ ичида пайдо бўладиган *tuma*, шатра²⁷⁹ *ва зафарани*²⁸⁰, хунаса²⁸¹, кишининг эрлик олати ва киндакдаги даббани [кесилади].

1299. Бизнинг эркакларнинг жинсий олатимиз пардасидан қорайиб кетганини ва орқа тешикнинг тўсилиб қолганини [ҳам кесилади].

1300. Манфаат етказиш учун сен кесадиган ҳар бир [аъзо] ва шунга ўхшаш четдан воқе бўлган [кесилишда].

1301. Ёрилганининг иложи тикиш билан, шилинган²⁸² аъзоникини эса эт битириш билан бўлади.

Этни доғлаб куйдириш [йўли] билан [бўладиган] амал

1302. Баданларда бўладиган ҳар қандай доғлашиб ҳаракатли томирдан қонни тўхтатиш учундир.

1303. Ва кесилган катта томирлардан ҳамки, улардан оқаётган қон [дори билан тийилмай] табибни ожиз қиласади.

1304. Рутубатли баданларни қуритиш ва бўш этларни қаттиқлатиш учун [ҳам доғланади].

1305. Доғлаш совуган баданларни иситади ва намли [баданларда] қанча давом этган бўлмасин уни қайтаради.

**Этда қўл билан қилинадиган ишлардан
бири ёришдир**

1306. Сенинг ёришдан иборат бўлган ҳар бир ишинг хилтларни чиқариш учундир.

1307. Масалан, шишдан йириングни чиқариш ва тўпланиб, сасиб қолган қонни чиқариш учун.

1308. Икки кўздаги сув [катаректани чиқариш] ёки *барада*²⁸³, сув [рутубат] ва тутунчакларни [ёриш] каби.

1309. Ва [ичдан чиқариладиган] тошлар, *салъа*²⁸⁴, *ширён*²⁸⁵ ва безлар;

1310. Сариқ сув касаллиги, сувлик ва этлик қила касаллиги [каби]²⁸⁶.

**Қўл билан [қилинадиган] амалларнинг
учинчи қисми сужак устида қилинадигани
Аввало сужакни ўз ўрнига қўйиш**

1311. Сужак синганда ёки чиққанда сен қила-диган ҳар бир иш.

1312. Ва сен даволайдиган ҳар бир синик-нинг иложи ўз жойига солиш билан бўлади:

1313. Яъни ундаги синик парчаларини ўз таъбига мувофиқ жой-жойига тушириш, тешиб чиққанини арралаб ташлаш.

1314. Уни мустаҳкам — тиббий ҳунар билан сиқмай ва бўш ҳам қилмай боғланади.

1315. Латталарни²⁸⁷ урашни ўртадан бошланади,
кейин то ўралиб бўлгунча маҳкамлай берилади.

1316. Унинг устидан бойлоқлар ва унинг устидан таҳтакачларни териб боғланади.

1317. Аввал [беморнинг] овқатини енгилаштири ва тўлишсин [семирсин] учун охирида уни қуюқ қил!

1318. Аввало уни қон оқиб келиши сабабли иссиқ шиш пайдо бўлишидан эҳтиёт қил.

1319. Ўша шишнинг олдини олиш учун қўлингдан келганча ҳар бир совуқ[ли нарса] билан уни манъ қил!

1320. То битиб тузалгунча [беморни] ҳаракат қилишдан манъ қил, узоқ [вақт] сабр этмакка уни мажбур қил!

Суяқ чиққанини даволаш

1321. Чиққан [суяқ] ўз ерига тушгунча уни тортасан.

1322. Уни ўз ерига қайтарганингдан кейин боғлайсан ва ўзинг белгилайдиган вақтгача қўйиб қўясан.

1323. [Беморга] доимо буриштирадиган – қобиз дорилар [ичириб] нордон овқат едирасан.

1324. То у, шишдан саломат қолганини ва қоннинг йигилиб қолиш хавфи кетганини кўрүнингча [шундай қил].

1325. Уни тузатишинг учун камида бир ой ва баъзан ўн [кун] ҳам кифоя қиласди.

1326. Мен амалларнинг ҳаммасидан бўшадим, энди мукаммал сўзни тугаллайман.

ИЗОХЛАР

“УРЖУЗА” ТАРЖИМАСИГА ИЗОХЛАР

¹ Т.(Тошкент нусхаси қўлёзмаси)да: “сочувчи”.

² 5-байтта қаранг.

³ Т.да: “кўрсатганингдек”.

⁴ Т.да 8—16 байтлар куйидагича фарқланади:

Танқидий матнда бўлмаган, лекин Т.да бор қўшимчалар:

1. Улуғлик эгаси бўлган тантрининг раҳматлари ростгўй хабарчы [шайғамбар]га бўлсин.

2. [Унинг номи] Муҳаммад, тангри унга элчилик [вазифасини] бердида, у ҳалқни йўлдан адапищдан қутқазди.

3. Тангри унинг табиий ақлига эшитилган [нақлий] ҳужжатли ҳақ [сўзини] тухфа қилди.

4. Кейин у[нинг ақли] тўлин ой ёки қуёшга туташган сезги қўзининг нури каби [равшан] бўлди.

5. Шунинг учун у узоқни ҳам, яқинни ҳам идрок эта олади ва фикрида гумонсировчи бўлмади.

6. Унинг яхши фикри ёмонини тарқатади. Унинг сўзида тўғрилик аён бўлиб туради.

7. У кипи ақли нафсиning ҳоҳишига ғолиб келади, у, дунёдан охиратни афзал кўради.

8. У порлоқ нур [яъни, Қуръон] ва асосли, қатъий ҳужжат-далиллар билан ҳақиқатни гуллатади.

⁵ Абу Али ибн Синонинг бу жумладаги фикридан инсон ҳайвондан факат меҳнат қилиш қобилияти билан ҳам ажралади деган маъно англашилади.

⁶ Юқорида Ибн Сино “Уржуз”ни Эронга келганидан кейин ёзганлигига ишора қилган бўлса, бу 15 ва 16 байтларда олим “Уржуз”да такомиллашган назарий ва амалий тиббий масалалар баён қилинганинги ва нарсада қўлга киритилган билимларини эндиликда назмда баён қилаётганлитикинайтади. Бу иккиси байтдан, гарчи аниқ айтилмаган бўлса ҳам, “Уржуз” Ибн Синонинг “Тиб конунлари” номли нарсада ёзилган тиббий асаридан кейин ёзилганлиги англашилади.

⁷ Т.да “Тибнинг таърифи ҳақида”.

⁸ Яъни, қўйидаги уч нарсани ўз ичига олади.

⁹ Еттига табият дейилганда қўйидагилар тушунилади:

1. Руҳн (“Уржуза”нинг 23 ва ундан кейинги байтларига қаранг); 2. Мизож (ва ундан кейинги байтларга қаранг); 3. Хилтлар (саксон ва ундан кейинги байтларга қаранг); 4. Аъзолар (туқсон олти ва ундан кейинги байтларга қаранг); 5. Руҳлар (бир юз етти ва ундан сўнгти байтларга қаранг); 6. Кувватлар (бир юз ўн иккинчи байтта қаранг); 7. Ишлар (бир юз йигирма олти ва ундан кейинги байтларга қаранг).

¹⁰ Олтига зарурият дейилганда қўйидагилар англашилади: 1. Ҳаво (“Уржуза”нинг 131 ва ундан кейинги байтларига қаранг); 2. Ейиш ва ичиш (162 ва ундан кейинги байтларга қаранг); 3. Уйку ва уйгоқлик (180 ва ундан кейинги байтларга қаранг); 4. Ҳаракат ва ҳаракатсизлик (189 ва ундан кейинги байтларга қаранг); 5. Бўшаниш ва бўшанмаслик (197 ва ундан кейинги байтларга қаранг); 6. Нафсоний кайфиятлар (209 ва удан кейинги байтларга қаранг).

¹¹ Араз деб касаллиknинг ташки аломатига айтилади.

¹² Руҳн турли жисмларни пайдо қилувчи туртга асосий унсур (ср, сув, ҳаво, олов)дир (Қаранг: “Қонун”, “Фан”, 1978—1983, VI-к; 437-бет).

¹³ Яъни бадан бир хил табиятли руҳнлардан эмас, балки иссиқ, ҳўл ва куруқликда бир-бирига зид бўлган тўрт руҳн таркибидан пайдо бўлгандир. Бир нарсанинг бузилиши унга зид бўлган бошқа бир нарсанинг борлигидан далолат беради. Агар шундай зиддият бўлмаса, ҳеч вақтда тирик жоида касаллик юз бермас эди.

¹⁴ Ибн Синонинг ёзишибча, “унсурларнинг ниҳоятда майда бўлакларидан, қарама-қарши кайфиятларнинг бир-бирига таъсиридан пайдо бўладиган кайфиятга мизож дейилади. Унсурлар ўз кувватлари билан бир-бирига таъсир қилишлари натижасида бир кайфият вужудга келади. Ана шу кайфият мизождир. Унсурлардаги дастлабки кувват тўртга: иссиқлик, совуқлик, ҳўллик, куруқлик” (“Қонун”, I, 11-бет).

¹⁵ Масалан, фалончининг мизожига иссиқлик ёки совуқлик ғалаба қилган деса, бу ёлғиз-ёлғиз айтгани бўлади. Унга иссиқлик ва куруқлик ёки совуқ ва ҳўллик ғалаба қилган деганда икки хил мизожни бирга қўшиб айтган бўлади.

¹⁶ Бу ерда замонга йилнинг тўрт фасли, ўсадиган нарсаларга ҳамма жониворлар ва жойга эса ер юзидағи яшаш мумкин бўлган ҳамма жойлар киради.

¹⁷ Устуқус — юонон тилидан олинган сўз бўлиб, унсур ёки бадан таркибий қисмининг дастлабки асоси демақдир.

¹⁸ Масалан, оловни иссиқ, сувни совуқ десак, демак, оловдан иссиқроқ ва сувдан совуқроқ нарса йўқдир ва улар бошқа кайфият аралашган иссиқ ёки совуқ нарсаларнинг ҳаммасидан иссиқроқ ёки совуқроқ деган бўламиз.

¹⁹ Бу ерда булут деб ҳавони, тупроқ деб ерни айтмоқчи. Қадимги ва ўрта аср олимларининг таълимотича, устуқслардан бири бўлган олов [ўт]дан мурод бу бизга маълум оловимиз эмас, чунки у вужудга эмас, фасодга сабабдир. Аммо вужудга сабаб ва устуқслардан бири ҳисобланадиган олов фалак қаърида ва ҳаводан тепада турадиган оловдир. Бу оловда ранг бўлмайди, чунки ранг араз [кейин пайдо бўлган нарса], устуқусга ҳеч нарса ориз бўлмайди (Ибн Рушд, 86—9а ва рақлар).

²⁰ Тўрт кайфият бир жиҳатдан мухталиф [келишмовчи], иккинчи томондан муттафиқ бўлган жавҳар [модда]-лар орасида тақсимланган. Шу жиҳатдан улар бизга кавн [ҳаёт]ни баҳш этади. Жавҳарларнинг мухталифлиги бир-бирига қарама-қаршилигидан, муттафиқлиги эса бир кайфиятда иккитасининг иштирок этишидан келиб чиқади. Масалан, олов билан ҳавонинг иссиқликда, сув билан ернинг эса совуқликда иштирок этгани каби.

²¹ Масалан, фалон нарсанинг мизожи иссиқ дейилса, унда бошқа кайфиятлар ҳам бор лекин иссиқлик ғолиброқ деган маъно англашилади.

²² Яъни тўрт кайфиятни баб-баробар ўзига олган мўътадил мизожни биз қонун [ўлчов бирлиги] қилиб оламиз. Қайси нарсанинг кайфиятини таърифласак ўша мўътадилга нисбатан олган бўламиз.

²³ Оловлиқдан мурод иссиқ-куруқ, тупроқликдан совуқ-куруқ, сувликдан эса совуқ-хўлдир.

²⁴ Елдан мурод ҳаводир.

²⁵ Мизожлар умуман тўққизта, шундан биттаси мўътадил, қолгани икки хил кайфиятга эга бўлган мураккаб ва бир хил кайфиятга эга бўлган оддий содда мизожлардир.

²⁶ Яъни бадан табиатини ўзгартиб унга ўз таъсирини ўтказалиган нарса дори, бадан унга ғолиб келиб у билан физоланса — ўсса, физо бўлади.

²⁷ “Ешлар, — дейди Ибн Сино, — умуман тўрт қисмидир: 1. “Ўсиш ёши”, бунга “ўсмирлик” деб ҳам исм берилади. Бу ўттиз йилча давом этади. 2. “Ўсишдан тўхташ ёши” ёки “ёшлик даври”. Бу ўттиздан ўттиз беш ёки қирқ ёшгача бўлган давр. 3. Қисман қувват бўла туриб, чўкиш, бу уртacha ёшдаги кишиларга мансуб бўлиб, олтмиш ёшгача давом этади. 4. Кучсизлик билан бирга “чўкиш ёши”, бу умр охиритача чўзилиб, қариларнинг ёшидир” (“Қонун”, V, 18-бет).

²⁸ Чунки кексаларда аразий рутубат бор.

²⁹ Бу ҳақда Ибн Сино “Қонун”да муфассалроқ гапирган (“Қонун”, I, 21-бет).

³⁰ Уртacha, яъни ортиқча семиз ҳам, ориқ ҳам бўлмаган гавда юқоридаги икки даражага нисбатан мўътадил ҳисобланади.

³¹ Яъни киши рангининг ўзгаришига об-ҳавонинг таъсири бўлган бўлса.

³² Занж [ёки Зинж] Африканинг шарқий соҳили ва ўша ернинг ахолиси.

³³ Сақлаб жами сақолиба — славия.

³⁴ Етти иқлим. Бу ҳақда қаранг: Ҳ. Ҳасанов. Ўртаосиёлик географ ва сайдёнлар. Тошкент, 1964, 110—111-бетлар.

³⁵ Жолинус мўътадил иқлим деб гўргинчисини зас, бешинчисини қабул қилган.

³⁶ Ибн Синонинг ёзишича, “қон ёғлик, қуюқ ва ёпишқоқ бўлар экан, мўй қора бўлади, агар қон сувсимон бўлиб қолса, мўй оқара бошлайди” (“Қонун”, I, 534-бет).

³⁷ ал-Жалидия.

³⁸ ал-Байзия.

³⁹ Асос қилиб олинган матнда бўлмаса ҳам Т., С. — П. қўллэзмаларида ва Ибн Рӯйида бор бўлмаганили учун бу байт қўшилди.

⁴⁰ Шаҳло кўз деб, кўклиги озроқ ва кўркамроқ ёки унга қизиллик аралашган кўзга айтилади. Ўзбекчадаги кўйкўзга тўғри келади.

⁴¹ Ўрга аср Шарқ табобатида, шу жумладан, Ибн Сино асарларида физиология билан патологиянинг негизи тўртта бадан суюқлиги — хилтлар ҳақидаги таълимотта асосла-

нилган эди. Юнонлар, хусусан, Гиппократдан қабул қилинган бу таълимотта мувофиқ, одамнинг баланида тўрт хил хилт, чунончи: қон, балғам, сафро ва савдо бордир. Қон артерия ва веналарда, балғам мияда, сафро жигарда ва савдо талоқда бўлади. Бу хиллар маълум миқдорда аралашганида ва уларнинг ўзлари мўътадил [нормал] бўлганларида кинси соғ бўлади. (“Қонун”, И. Кириш, 1-бет).

⁴² Бу хили табиий сафрордир (“Комил ас-Синоат ат-тибия”, И, 46-бет).

⁴³ Асосий, (яъни бошқарувчи) аъзоларга бош мия, юрак, жигар ва икки мояқ киради (“Уржуза”, 97, 88, 100 ва 101-бетлар).

“Т.да: “баданин тиргазали”; Ибн Рӯшдда: “бадандаги ҳароратта”.

⁴⁴ Катта артерия.

⁴⁵ Рұх юнонча “пневма”дан олинган бўлиб, инсон гавасида юрувчи эфирсимон бир жисмни ифода қиласди. Ибн Сино рұхга файласуфлар берган “жон” маъносини бермайди (“Қонун”, И, 107 ва 437-бетлар). Ибн Синодаги рұх таъбири эски юнончадаги “Рпешмасолук” таъбирининг эквиваленти бўлиб, бу таъбиридан кўзда тутилган маъно Европада XVIII асрда (*force vitale*) — “жон қуввати” номи билан такрор майдонга чиқди. Ибн Синонинг фикрича, рұх унсур [элементлар]нинг аралашувидан вужудга келган ва осмон жисмларига ўхшаш бир ҳолга эга бўлган жисмоний модда — жисмдир. У юракдан бошқарувчи аъзоларга ўтиб тарқалади. Ибн Синонинг рұх билан нафсни бир-биридан фарқлаиди. Нафс нафсоний ҳаётнинг моддий бўлмаган бошланиши, сезув, ирода ва актний қувватларнинг жамидир. Рұх эса бошланишида моддий бўлиб, инсон ва ҳайвонлардаги ҳаётний қувватни ташувчилир. Рұх ва нафс орасидаги бундай фарқни биз Платонда ҳам, Аристотелда ҳам учратмаймиз, бу ўринда Ибн Сино фикри оригиналдир (“Психология Ибн Сины”, стр.15).

⁴⁶ Яъни, мия ичиди, парда остида бўладиган рұх. Унга нафсоний рұх дейилади.

⁴⁷ Мана шу нафсоний рұх уч хил бўлиб, улар мия қоринчаларида етилади. Олд қоринчада сезиш ва ҳаёл қилиш, ўрта қоринчада тафаккур қилиш, орка қоринчада эслаш ва ёдда сақлаш моддалари мавжуддир (Ибн Рушд, 32а—32б).

⁴⁸ Қувватлар — гавадаги турли жараёнларни юзага чиқарувчи кучлардир. Қувватлар турларининг сони ўнталир:

1. Нафсоний қувват; 2. Тортувчи қувват; 3. Озиқлантирувчи қувват; 4. Шакл берувчи қувват; 5. Ўзгағтирувчи қувват; 6. Ўстирувчи қувват; 7. Ҳазм қуввати; 8. Ҳайдовчи қувват, яни организмда пайдо бўлган чиқиндиларни ташқарига чиқарувчи қувват; 9. Ҳайвоний [ёки ҳаётий] қувват, яни аъзолардаги сезиш, ҳаракат ва фаолиятни юзага чиқарувчи қувват; 10. Ҳаракатлантирувчи қувват (“Қонун”, I, 441-бет).

⁵⁰ Яъни, унга ҳали бирон шакл берилмайди-ю, лекин шаклга сурат беришга тайёрлади.

⁵¹ Т.да бу байтдан сўнг “Ҳаётий қувватлар ҳақида” деб алоҳида сарлавҳа қўйилган.

⁵² Яъни, артерияларни.

⁵³ Ҳаётий қувватнинг иккӣнчиси шаҳвоний қувват бўлиб, у таъсир этадиган ҳар бир нарсадан, яни яхши нарсаларни севиш ва ёмонларини ёмон кўриш билан таъсирланади (Ибн Рушд, 336—34-а-вараклар).

⁵⁴ Иштирок билан, яни иборати битта-ю, тушунчаси бир неча бўлган феъл сифатида ишлатилади. Феъл оддий ва мураккаб деган икки қисмга бўлинади. Масалан, “тортиш”, “ўзгартириш” ва “тутиш-ушлаш” оддий феъллар. Аммо “ғизонинг ўтиши”, “овқат талаб бўлиш” кабилар эса мураккаб феъллар. Табиблар сўзига кўра иштадани очадиган аъзо ошқозон оғзидир. Бадан аъзоларига ғизо етишмай қолса, ошқозон оғзидаги ғизони тортади-да, месъда оғзи ўша ғизосини йўқотганини сезади ва ўрнига бошқа ғизо талаб қиласи. Ана шу ҳолатни оч қолиш дейилади. Демак, аъзоларнинг месъда оғзидан ғизоларни тортиши ва ўша тортиб олинган ғизони йўқотганини месъда сезишидан мураккаб бўлган феъллардан иштаҳа ҳосил бўлади. (Ибн Рушд, 346—356-вараклар).

⁵⁵ “Уржуз”нинг барча нусхаларида: “ва ин так” шаклида ёзилган. Араб тили грамматикаси қоидасига мувофиқ “ва ин такун” шаклида ёзилиши керак эди. Бу ерда вазн тақозоси билан “такун”даги “нун” тушириб қолдирилган.

⁵⁶ Мунажжимлар раъйига кўра юлдузларнинг баъзисида нуҳус [бехосиятлик], баъзисида эса суъуд [хосиятлик] бўлади.

⁵⁷ Барча нусхаларда “ва ин так” шаклида ёзилган. Аслида “ва ин такун” деб ёзилиши керак эдй. Бу жойда ҳам шеър, вазн бузилмаслиги учун кейинги “нун” тушириб қолдирилган.

⁵⁸ Т.да булар қуйидаги айрим-айрим иккита сарлавҳа остига олинган: “Шаҳарларга қараб ҳавонинг ўзгариши”; “Тоғларга қараб ҳавонинг ўзгариши” (Т. 379б-варак).

⁵⁹ Т.да булар қуйидагича айрим-айрим иккита сарлавҳа остида берилган: “Денгизларга қараб ҳавонинг ўзгариши”; “Шамолларга қараб ҳавонинг ўзгариши” (Т. 379б-варак).

⁶⁰ Т.да: “Бу ҳақда илм аҳлиларининг айтишича”.

⁶¹ Разрозий-тошлар устида оқиб келадиган сувда яшайдиган балиқ.

⁶² Ибн Сино “Қонун” китобида ёзишича, “миянинг узунасига учта қоринчаси бўлиб, ҳар бир қоринча энiga икки бўлимга бўлинади. Бироқ мия олдинги қоринчаси-нингтина ўнг ва чап [қисм]ларга ажralиб туриши [яққол] сезиларлидир” (“Қонун”, III, I-жилд, 14-бет). Ҳозирда бу қоринчалар иккита “ён қоринчалар” деб аталади. Бундан ташқари Ибн Сино мияни “орқа қоринча” (ҳозирги кунда “тўргинчи қоринча” деб аталади) ва “ўрта қоринча” (ҳозирги вақтда “учинчи қоринча” деб аталади) ган бўлган. “Ўрта қоринча”ни олдинги қисмидан орқа қисмга ўтадиган йўл каби ва иккисининг ўртасидаги “йўлак” каби дейди (“Қонун”, III, I-жилд, 14, 675–676-бетлар).

⁶³ “Жисмни ориқлатади” урнида Ибн Рушд шарҳида “жисмда совуқлик пайдо қиласди”.

⁶⁴ Мўътадил бадантарбия табиий ҳароратни кучайтириш билан бирга баданини ҳам мўътадил қиласди. Кишининг ҳаракати ва ўша табиий ҳарорат ёрдами билан бадандаги хилт ва кирларни чиқаради, чунки табиий ҳарорат кучайса чиқарувчи ва бошқа қувватлар ҳам кучаяди (Ибн Рушд, 46а-варак).

⁶⁵ Т.да оғирлик.

⁶⁶ Яъни, мўътадил риёзат ўсиш давридаги болаларнинг ўсувчи қувватларига қувват қўшади. Риёзат билан шугула-ниш, дейди Ибн Рушд, сўнги ҳазм қилиш иши тутагандан кейин бўлиши керак; ҳазм қилиш тутал тамом бўлмай туриб риёзатта киришиш заарлидир. Ҳазм қилиш меъдада, жигарда ва аъзоларнинг ўзида бўлади (Ибн Рушд, 46а-варак).

⁶⁷ Бегона, яъни табиий бўлмаган.

⁶⁸ Misvok — тиш тозалагич, уни арок номли дараҳтнинг новдасидан тайёрланади.

⁶⁹ Сариқ сув касаллиги — водянкани Ибн Рушд ўз шарҳида “истисқо зиккий” деб шарҳлайди.

⁷⁰ Қуланж — [колит, колика] — йўғон ичак шиллиқ ҳабатининг яллигланиши (“Қонун”, III, 2-жилд, 199-бет).

⁷¹ Чунки манийнинг баданда йиғилиб қолиши ҳар хил ёмон дардлар пайдо қилишига сабаб бўлади.

⁷² Яъни, жинсий алоқага кўп ружу қилишдан уларни қайтар.

⁷³ Никрис — подагра.

⁷⁴ Кўрқиши [фазъ ан-нафс], П.да: фарах ан-нафс [шодлик] шаклида ёзилиб, босма хатога йўл кўйилган.

⁷⁵ Бўлаклари бир-бирига ўхшаган аъзолар деб ҳаммасининг ҳам, бир бўлагининг ҳам номи бир хил бўлган аъзоларга айтилади, гўшт ва суяк каби. Гўштнинг кўпини ҳам, озини ҳам гўшт дейилади. Аммо бўлаклари бир бутуни бир номга эга бўлмаган аъзоларни курол аъзолари дейилади. Бунга кўл ва бошни мисол қила оламиз, чунки қўлнинг бир бўлагини қўл дейилмайди, ҳар қайси бўлагининг номи бошқа-бошқа. Бони ҳам шунга ўхшаш (Ибн Рушд, 496—51а-варажлар).

⁷⁶ Бу касалликлар 8 хил бўлиб, иссиқлик, совуқлик, ҳўллик ва қуруқликдан келиб чиқади. Уларнинг ҳар қайсиси ё модда [хилт]лик ё модласиз бўлади. Буларни Ибн Сино 213—221 байтларда баён қитган.

⁷⁷ П.да: ас-саҳна; ўқилиши керак ас-саҳна.

⁷⁸ Бир бутунликнинг бузилиши бўлаклари бир-бирига ўхшаш аъзоларда ҳам, курол аъзоларда ҳам бўлиши мумкин, чунки бузилиш-ажралиш курол аъзоларида, бир аъзонинг иккинчи аъзога ёпишганлигида, бўлаклари бир-бирига ўхшаш аъзоларда эса бир аъзонинг ўзида бўлади; суяк синиши ва эт узилиши каби (Ибн Рушд, 53а-вараж). Куйида 231—237-байтларда Ибн Сино араб тилида маъноси бир-бирига яқин бўлган, лекин табиблар ўргасида маҳсус термин сифатида ишлатиладиган сўзларни изоҳлайди. Шу қоидани биз унинг “Тиб қонунлари”да ва Али ибн Аббос ал-Мажусийнинг “Комил ас-синоат”ида ҳам учратамиз.

⁷⁹ Т.да ва А.да: “жуфтланган”.

⁸⁰ Сабаблар бадан сиртидан ва бадан ичидан келувчи деган икки турга бўлинади. Биринчисини “бодия” деб аталади. Бадан ичидан келувчи сабаблар яна икки хилга ажралади: бири яқин сабаблар, уларни “восита” — боғловчи сабаблар, иккинчиси узоқ сабаблар, уларни “собиқа” — олдинги сабаблар дейилади. Яқин сабаблар деб бир ка-

саликка хос бўлган, орада бошқа сабаблар аралашмаган сабабларни айтилади. Узоқ сабабларга тўлишликни мисол келтирилади, чунки тўлишлик тўсиқларга, тўсиқликлар сасиширишга ва сасишириш эса иситмага сабаб бўлади (Ибн Рушд, 54а—54б-вараклар).

⁸¹ Қачон сасишириш кетса, сасишириш иситмаси ҳам кетади. Чунки бу иситмага ўша сасишириш бевосита боғланган сабаб бўлган эди.

⁸² Тўлганлик тўсиқларга, тўсиқлар чириш-сасишига, сасишириш эса иситмага сабаб бўлади. Шунинг учун ҳам “узоқ сабаб” деб аталади.

⁸³ Т.да бу сарлавҳа йўқ.

⁸⁴ Т.да “суюқ”.

⁸⁵ Ҳаммом ва пеккаларда туйнук-тепниклар бўлса, иссифи кетиб қолганидек бадан ғовак бўлса, ундан иссифи кетиб қолади.

⁸⁶ Т.да “ёки юқорига чиқишида”.

⁸⁷ Ифриз ал-варик.

⁸⁸ Бу ерда Ибн Сино “асаб” сўзини шеър учун “асаба” шаклида берган. Араб тилида нерв маъносидаги “асаб” сўзи бу шаклда келмаган.

⁸⁹ А.да: “шишларнинг кўпи”.

⁹⁰ Бунда ҳам “ад-даво ал-қобиз” жумласи ўрнида “ал-қобиз ад-даво” дейиши араб тили қоидасига хилофдир, чунки араб тилида аввал сифатланмиш, кейин сифат келиши керак. Ибн Сино вазн тақозоси билан аксинча қилган ва наҳвий хатога йўл қўйган.

⁹¹ “Ақкор” кўплиги “ақоқир” — дори ёки доривор ўсимликлар.

⁹² Курбақа касаллиги — тил остида бўладиган лапша касаллиги (“Қонун”, III, 347—348-бетлар).

⁹³ Яъни саноқда кам бўладиган ҳар бир аъзо модданинг камлигидан келиб чиқади.

⁹⁴ Ибн Рушдда “оғирлик” ўрнида “чиқинди-ахлат” деб шарҳланган.

⁹⁵ Юз берадиган белги — “араз”лар уч хил бўлади:

1. Аъзоларга етадиган аразлар, яъни уларга етишадиган зарарлар. 2. Жисм ҳолларига етадиган аразлар, сарғайиш ва бўшашиш каби. Яъни, касалликдан кейин бадандга юз берадиган ўзгаришлар. 3. Бадандан чиқадиган [ахлат, сийдик ва тер] нарсаларга етадиган аразлар (Ибн Рушд, 62а-варак).

⁹⁶ Яъни, аъзоларнинг функцияларида.

⁹⁷ Яъни, битта нарса унга иккита бўлиб кўриниши (Иbn Рушд, 26-варак).

⁹⁸ “Далиллардир” ўрнида Иbn Рушдда “дардлардир” дейилган.

⁹⁹ Г.да “Феъл”.

¹⁰⁰ Яъни, амплитудаси.

¹⁰¹ Шунда айтилган ўн хил кенгайиш миқдорини 343—395 байтларда зикр қилинади. Шу рақамлар орасидаги сарлавҳаларга қарант.

¹⁰² Урадиган томирларнинг учта тарафи, яъни узунлик, кенглик ва чукурлиги ниҳоясигача ёйилса, кенгайса.

¹⁰³ Табий томир уришининг нисбати ёшга, йил фаслларига ва жойларга қараб турлича бўлади. Тенг — бир хил ўлчовли томир уриши деб мўътадил мизож, мўътадил ёш, мўътадил жой ва мўътадил вақтда бўладиганига айтилади (Иbn Рушд, 70a-варак).

¹⁰⁴ Яъни ёш, йил фасллари ва жойлар тақозоси мос бўлмайди.

¹⁰⁵ Вазн, ҳаракат ва ҳаракатсизлик вақтида, қувват ва заифликда мўътадил бўлган томир уришини “эътилофти” томир уриш, бунинг аксини “ихтилофли” томир уриш деб аталади (Иbn Рушд, 70a—70б-вараклар).

¹⁰⁶ Яъни муайян бир давра қилгандан кейин бошқа давра қилмайди. “Сичқон думчаси” деб сичқон думига ўхшаб аввал катта бўлиб, кейин кичиклашиб борадиган хилига айтилади.

¹⁰⁷ Яъни, номланган.

¹⁰⁸ Қуввати заиф бўлган пайтда қуртга ўхшаб ҳаракат қилиши учун “куртсимон”, ундан кўра қаттироқ бўлганини “чумолисимон”, тўлқинланадиганини “тўлқинсимон” ва бўлаклари арра тишига ўхшаган ўткирини “аррасимон” деб номланган (Иbn Рушд, 72a-варак).

¹⁰⁹ Яъни бирида ортиқлик, иккинчисида камлик мавжуд бўлади.

¹¹⁰ Томир уришини мўътадил мизожли кишининг томир уриши билан ўлчанади. Бирор томонга мойил бўлганини аниқланса, у мўътадилликдан чиқсан бўлади.

¹¹¹ Иbn Синонинг ёзишича, унсурларнинг ниҳоят даражада майдо бўлакларидан, қарама-қарши кайфиятларнинг бир-бирига таъсиридан пайдо бўлган кайфиятта мизож

дейилади. Унсурлар ўз қувватлари билан бир-бирларига таъ сир қалишлари натижасида бир кайфият вужудга келади Ана шу кайфият мизождир. Унсурлардаги дастлабки қувва тұртта: иссиқлик, совуқлик, ҳұллик, қуруқлик. Бузилиб в мавжуд бўлиб турган жисмлардаги мизожлар дастлабки құватлардан вужудга келади. Умуман қараңда мизож, акла тақсим эътибори билан иккига бўлинади. Биринчиси, ми зожнинг ҳақиқий мұғтадил бўлмоғи шу асосдаки, мизо: эгасидаги қарама-қарши кайфиятларнинг миқдори төң бўлади. Ана шу миқдор ораларидаги ўрга кайфият ҳақиқи мұғтадил мизождир. Иккинчиси, қарама-қарши кайфият лар орасидаги мизож муглақо баробар бўлмай, иккى тө моннинг бирига, яъни совуқлик ёки иссиқликнинг бири ёки ҳар иккисига мойилроқ бўлишидир (“Юрак дорилари рисоласи, биринчи нашри, 138-бет)

¹¹³ Яъни, иккаласи ҳам мұғтадил бўлади.

¹¹⁴ Яъни, ташланган балғамнинг қуюқ бўлиши ғализ хил борлигига ва дарднинг қуриши суст бўлишига далилдир.

¹¹⁵ Барсом — зотилжамнинг бир хили (“Қонун”, II 1-жилд, 467-бет).

¹¹⁶ Жигар табиий қувватларнинг келиб чиқиш жой бўлгани учун улар шу жигардан ёрдам олади. Ҳаётий құватлар юракдан, сезиш қувватлари миядан ёрдам олганы дек (Ибн Рушд, 76а—76б-варақлар).

¹¹⁷ Кабид — жигар сүзини Ибн Сино баъзан музаккар, баъзан муанисас сийғасида бераяпти. Ҳақиқатан, у ҳа иккала сийғада ҳам келаверади. Бу Ибн Синонинг ара тилини яхши билганига далолатдир.

¹¹⁸ Яъни жигар ўзига борган сувни хилтлардан айирғ буйракка, буйрак эса уни сийдик йўлига — қовуқча узатади

¹¹⁹ Ёки сийдик тута олмаслик.

¹²⁰ “Иситма” сўзи ўрнида Ибн Рушдда “хина” деб тағ сир қилинган.

¹²¹ Гда бу байт ғүй,

¹²² “Андам”ни хуни сиёвушон, бақам дарахти елим ҳам дейилади (“Қонун”, II, № 186).

¹²³ “Ёрилган” сўзи ўрнида Ибн Рушдда “отилиб чиқкан” дейилган.

¹²⁴ “Дубайла” ички аъзоларда бўладиган етилиши қийи бўлган йирингли шиши. Агар у аъзоларнинг ташқарисиг бўлса, “салъя” дейилади (Ибн Рушд, 80б—81а-варақлар

¹²⁴ “Фалагмуний” ёки флегмона шиши ички аъзоларда юз берадиган касаллик номи. Ибн Сино “Қонун”да ба-чадон ва мияда бўладиган флегмона ҳақида тўхтаган (“Қонун”, III, 1-жилд, 97-бет; 2-жилд, 440-бет). Фарагмуний шиши табиблар тажрибасига кўра, қон ғалаба қилганидан бўлади. Шунинг учун шу касалликка мубтало бўлган киши сассиқ қон сияди (Ибн Рушд, 81а-варап).

¹²⁵ Яъни, унинг ранги, чўкмаси, суюқ-куюқлиги ва ҳиди ҳақида.

¹²⁶ “Мосориқо” — ингичка қаттиқ томирлар бўлиб, ичакларнинг ҳаммаси билан боғлангандир. Каймуснинг суюқ қисми мосориқога тушиб, жигар дарвозаси номли томирга борали, шунда жигарга, жигар дарвозасининг жигарга кирган жуда кичик қил каби ингичка бўлакларига ўтади. Ўша қил томирларнинг оғизлари жигар дўнгидан чиқсан томир илдизлари бўлакларининг оғизлари билан учрашган бўлади (“Қонун”, I, 30—31-бетлар).

¹²⁷ Яъни у тер — “бухрон” вақтида чиқадиган фойдали тер каби эмасдир.

¹²⁸ Шуларнинг ҳаммаси тернинг оз бўлишига сабабдир.

¹²⁹ Яъни у чучук бўлса қон, аччиқ бўлса сафро, нор-дон бўлса савдо ва шўр бўлса балғамдан дарак беради.

¹³⁰ “Бухрон”нинг маъноси “ажрим қилиш” бўлиб, гибда соғайиш ёки касалликка томон дафъатан ўзгариш демакдир (Мукаммал маълумот олиш учун қаранг: “Қонун”, IV. 159—168-бетлар; “Уржуза”, “Бухронни билишининг баёни” номли фасли, 605—610-байтлар).

¹³¹ Яъни тер ўз вақтида — иситма даврларида ва буҳрон кунига биргалашиб келмаса.

¹³² Яъни дам олиб ётмаслик, овқатнинг озлиги, ҳаммом ва риёзатларнинг кам бўлмаслиги.

¹³³ “Химус” ёки “каймус”, яъни меъдада, ичакларда ва жигарда овқатларнинг ферментлар билан аралашиши натижасида пайдо бўлган ва ҳазмга тайёрланган модда.

¹³⁴ Бу ерда “қуриб-қотиб қолган” сўзи ўрнида Ибн Рушд “махфий эмасдир” деб шарҳлаган (Ибн Рушд, 87б-варап).

¹³⁵ Жигилдон қайнази маъносида бўлса керак.

¹³⁶ С.П.да: “тер”.

¹³⁷ Т.да: Ибн Рушдда ҳам “кўнгил айнаш”.

¹³⁸ С.П.да: “тиришиш” ҳосил бўлади”.

¹³⁹ Шулар балгамни келтириб чиқарадиган сабаблар дандир.

¹⁴⁰ “Кайлус” — меъдада биринчи ҳазмидан ўтган таом ларнинг сутга ўхшаш шираси.

¹⁴¹ “Билгинки, — дейди Ибн Сино, — касалликларни кўпчиллигида тўрт давр бўлади. Бошланиш даври, зўрайи даври, ниҳоятта етиш даври ва пасайиш даври. Бу даврлардан ташкари вақт — соғлиқ давридир (“Қонун”, I, 148-бет

¹⁴² С.П да “зарб”.

¹⁴³ Т. ва С.П.да: “дард ва оғриқлар”.

¹⁴⁴ Буҳрондаги хилма-хилликнинг олтига даври тур куйидагилардан иборат: 1. Озгина вақтда жисм яхшили ва ҳаёт томонга қараб ўзгаради — бу тузук ва яхши буҳрондир; 2. Аҳвол тез ўзгариб, кишини ўлимга ва ёмон ҳолатта олиб боради — бу ҳалок қилувчи ёмон буҳрондиц; 3. Аҳвол суст ўзгаради ва касални соғлом ҳолга олиб боради — буни тарқалиш ҳам дейилади; 4. Ўзгариш сус бўлади, бунда бетобнинг қувватлари бўшашиб, ёмон аҳвол га тушиб қолади — буни сўлиш ҳам дейилади; 5. Ўртач ўзгаришда бўлиб, касални ўлимгача олиб боради; 6. Ўртач ўзгаришда беморни ҳаётта қайтаради.

¹⁴⁵ Чунки бу бешинчи ва олтинчи хил буҳроннинг ҳабири юқоридаги тўрт буҳроннинг иккитасидан, яъни яхшиси яхшисидан ва ёмони ёмонидан таркиб топганди (Ибн Рушд, 976-варақ).

¹⁴⁶ Яъни, ёмон буҳрон кунида ва етилиш бўлмаганда

¹⁴⁷ Ибн Сино “Тиб қонун”ларида касалликлардаги буҳрон кунларига ой ва қўёшнинг тальсири ҳақида бирмунч муфассал тўхталади. Ибн Сино буҳрон кунларини ой в қўёшга қараб белгилашда бир қанча шак-шубҳалар ва тортишувлар борлигини айтгач, бу масала билан шугула ниш табиатшунос олимнинг иши эканлитини, табиб эс кўп тажриба орқали ҳосил бўладиган натижани билиш лозимлигини таъкидлайди (“Қонун”, IV, 216—217-бетлар)

¹⁴⁸ Яъни, бетобликнинг тўртингчи ва еттинчи кунлари да буҳрон бўлишининг сабаби ойнинг тўртдан бири ўш кунларда ва ярми еттинчи кунларда нур беришидир.

¹⁴⁹ “Суъуд” — ёки “Саъуд” — ой манзилларидан 24-си

¹⁵⁰ Тўрт кунликлардаги буҳронлар.

¹⁵¹ Булар аслида буҳронлик кунлар эмас, фақат қайтала ниши ёмон бўлгани учун буҳрон кунлари деб ҳисобланади

¹³³ Бу ишлар қулоқ орқасида буйинда, қўлтиқ остида, бўғинларда ва бъязан ҳамма аъзоларда юз беради (Ибн Рушд, 104^a-варак).

¹³⁴ Конунга деган сўзидан икки хил маъно англапшилади: бири, муаллиф ўзининг “Тиб қонунлари” номли асарини кўзда тутади. Шунга кўра, “Уржуз” мазкур асардан кейин назм қилинган бўлади. Ёки ундан муроди табобат қонуни, йўл-йўриқлари демоқчи. Ибн Рушд шу кейинги фикрдан бошқасини айтмаган (Қарант: Ибн Рушд, 106^a-варак).

¹³⁵ Яъни чаккасининг эти суюгига ёпишиб кетса.

¹³⁶ Хилтлар мияга чиқиб, унга таъсир қилганидандир.

¹³⁷ Яъни ўзи уятчан одам бўла туриб кишилар олдида овоз билан ел чиқариб юбориш ёмон дард белгисидир, чунки у ўзини тута олмай елни чиқаришидан бўлак илож топмаган ёки бу ҳол унинг ақлига ҳалал етганидан нишонадир.

¹³⁸ Т.да “севинтирувчи”.

¹³⁹ Т., С.П. ва Ибн Рушдда: “ва енгиллик ҳам бўлса ҳаммаси унинг тузалишига бирлашувчи”.

¹⁴⁰ Меланхолия сўзи юонча (“melan chole”) бўлиб, “савдо” хилтига айтилади. Киши аъзосида савдо хилгининг ошиб кетиши натижасида юз берадиган касалликка “савдойи” ёки “меланхолия” деб аталади (“Қонун”, III, 1-жилд, 126-бет; “Юрак дорилари” рисоласи, биринчи нашри, 160-бет).

¹⁴¹ “Хуммо мутбиқа”.

¹⁴² Веналарнинг кенгайиши — қўпинча тананинг пастки қисмларида — оёқларида учраб, веналар ичидаги тазийк-нинг кўпайиши, клапанлар ишининг бузилиши ва вена томири деворининг кенгайиб халтланиши натижасидир.

¹⁴³ Т.да: “далилларга асосан ҳукм қилиш йуллари баёни”.

¹⁴⁴ Далиллар икки хил: бири туғри далил, бунда узига қарши келадиган бошқа далил баданда бўлмайди. Иккинчиси, ўзига қарши бошқа далиллар ҳам бўладиган далиллар.

¹⁴⁵ Т.да қўшимча бир байт бор: Ҳар бир аломат — белгиларни, у [ёмон] аломатга зид бўладиган бўлса, у саломатлик билан шифо топишга дуч келади.

¹⁴⁶ Яъни у табибни боши берк кўчага киритиб қуяди.

¹⁴⁷ С.П.да: “сўзлаб бўлган чогимда”.

¹⁴⁸ Бунда физо ва боқа нарсалар билан соғлиқни қандай сақлаш кераклиги билинади.

¹⁴⁹ С.П.да: “бошқа бириси”.

¹⁶⁹ Яъни дардни қандай қилиб кетказиши ва қандай дори билан тузатиш чорасини кўришдан иборат.

¹⁷⁰ Агар у киши иссиқ мизожли булса, совуқ мизожли дори ва овқатлар билан, аксинча булса, иссиқли нарсалар билан даволаш чорасини кўр.

¹⁷¹ Бу ерда Ибн Рушд “даҳолис” сузини ер остидаги уй — ергутла деб шарҳлаган (Ибн Рушд, 1166-варак).

¹⁷² “Таълиқ” хати деб Темур давригача ёзилиб келган ва шу даврдаги машқур ихтирочи хаттот Мир Али Табризий томонидан ўзгартирилиб, “настъалиқ” хатига алмаштирилган хатта айтилади. Ҳозиргача баъзи саводхон кишиларимиз ўргасида шу хат қўлланиб келади.

¹⁷³ Қадимий табиблар фикрича, ҳазм аъзолари учта бўлиб, овқат уларнинг ҳаммасида ўн саккиз соат ичида тўлиқ ҳазм бўлади. Икки кунда уч марта овқат ейилса, унинг тўлиқ ҳазм бўлиш вақтига яқин ейилган бўлади. Яъни ҳар ўн олти соатда бир бор ейишга тўғри келади. Яхписи, дейди Ибн Рушд, овқатнинг яхши ҳазм бўлиши ҳар кимнинг ўз ҳолига боғлиқ, шунга риоя қилиш кифоя (Ибн Рушд, 117a—117б-вараклар).

¹⁷⁴ Яъни кишининг одатланган гизоси гарчи ёмон бўлса ҳам унга кўп зарар қилмайди. Шунинг учун кўнгил тусаган овқатдан торгинмаслик керак. Кўнгил тусаган овқатнинг фойдаси оз бўлса ҳам, кўнгил севмаган фойдали овқатдан яхшироқдир, дейилган (Ибн Рушд, 118a-варак).

¹⁷⁵ “Сикбож” — гўшт ва сиркадан тайёрланган шўрва; агар унга зальфарон қўшилса “сариқ сикбож” дейилади.

¹⁷⁶ “Ҳисримия” — узум ғурасидан тайёрланган овқат (“Қонун”, III, 1-жилд, 733-бет).

¹⁷⁷ “Халис” ёки “хабиса” — ёғ ва хурмодан тайёрлана-диган ҳолва.

¹⁷⁸ “Фусус” — саримсоқ солинган қўймоқ.

¹⁷⁹ Мол гўшти ва шунга ўхшаш гўштларни туз билан қайнатиб пиширилгандан кейин суви сиқилгунча бир жойга қўйилади; кейин эҳтиёжга қараб иссиқлик ва со-вуқлик сабзавотларни сиркада пишириб, мазкур гўштни ўша сиркага солинади; шуни “хулом” ёки “хуломия” дейилади (“Қонун”, III, 1-жилд, 737-бет).

¹⁸⁰ Балиқ ва эчки боласининг гўшти каби енгил гўштлардан сирка, нордон нарсалар, ҳўл ва қуруқ мевалар ва хушбўй

дориворлар билан тайёрланадиган овқатга “қарис” ёки “қарисия” дейилади (“Қонун”, III, 1-жилд, 737-бет).

¹⁸¹ “Тафшил” — шўрванинг бир хили.

¹⁸² “Масус” — ғализ ва енгил гўштлардан тайёрланадиган овқат номи. Масус ич кетишни даволашда ҳам қўлланилади (“Қонун”, III, 2-жилд, 184—185-бетлар). Масуснинг бир хили шундай: иссиқлик дорилардан газакут, зира ва петрушка қушиб қовурилган товуқ гўшти сирка билан стилгирилади.

¹⁸³ Хурмо ва бошқа мевалардан тайёрланадиган спиртли ичимлик.

¹⁸⁴ Ибн Синонинг май ва мастилик ҳақида бу фикри унинг май ҳақида ёзган форс-тожикча тўртлигида ҳам такрорланган.

¹⁸⁵ Аъло сифатли хушбуй шароб..

¹⁸⁶ С.П.да: нордон-чучук беҳи.

¹⁸⁷ Яъни нафсоний юз беришларда ўз соғлигини сақлаб қолишини истаган киши нима қилмоғи кераклиги ҳақида “Уржуза”ни назарий қисмининг “Зарурий ишлар” бобида айтиб ўтилган эди.

¹⁸⁸ Чунки улар қусишни даф қиласиди ва меъдани бақувват қиласиди.

¹⁸⁹ С.П.да: “ясмин мойи билан”.

¹⁹⁰ Бу байтда Т. ва С.П.да кейинги фасл сарлавҳасидан кейин берилган.

¹⁹¹ Бу ерда арабча жумла тескари тушган:

ўлим туфайли очликка эришмасин эмас, балки очлик туфайли ўлимга эришмасин, демоқчи..

¹⁹² Яъни бадани юмшоқ ва илиқ бўлган киши уни ўз кучогига олсин, шунда унинг иссиғидан фойдаланиб бадани жонланади.

¹⁹³ Т.да: — нефть мойи билан.

¹⁹⁴ “Самум” — иссиқ шамол, бу кўпинча кундуз кунлари бўлади.

¹⁹⁵ Чунки ҳаракатдан қон қизийди ва кўпаяди-да, томирларга сифмай бошқа аъзоларга тушиб уларни шишириши мумкин. Қон олиш шундай ҳолатдан кутқазади. Шунинг учун кишининг қони кўпайганда ёз фасли бошланиши билан ундан қон олиш кераклигини Жолинус ҳам таъкидлайди (Ибн Рушд, 126а-варап).

¹⁹⁶ Узум гўраси беҳи ва аччиқ анор каби совуқ мизожли мева сувлари шулар жумласидандир.

¹⁹⁷ Ибн Синонинг бу ерда араб тили балофатига қўлланиладиган “Хитобдан ғайбатга ва ғайбатдан хитобга ўтиш” деган қасидасини ишлатаятти. У юқорида 889—905 байтларда табибга ёки сафарга чикувчининг кузатувчисига хитоб қилиб келиб, кейинги 906—912 байтларда тұғридан-тұғри ўша сафарга чикувчининг узига хитоб қила бошлади.

¹⁹⁸ Чунки кофур мизожни совитади ва ташналиктин кетказади.

¹⁹⁹ Яъни ҳомиладор аёллар баъзан гайритабиий — еб бўлмайдиган ва ҳатто меъдага зиён қиласидиган нарсаларга бошқоронги бўлади. Бинобарин, унинг меъдани бақувват қиласидиган ва ёмон — зарарли нарсаларга иштача қўйишдан қайтарадиган нарсалар бериш билан меъдасини эҳтиёт қилиш керак (Ибн Рушд, 127a-127б-варажлар).

²⁰⁰ Чунки унга сурги дори беришда қориндаги болани тушириб қўйиш хавфи бўлади.

²⁰¹ Бу сарлавҳа фақат лотинча таржимадагина бор.

²⁰² С.П.да: “тиши ва икки кўзи тоза бўлсин”.

²⁰³ Ибн Рушдининг мулоҳазасига кўра, гўдакнинг тиши чиқмагунча унга сутдан бўлак овқат берилмагани яхши, чунки уни чайнамасдан ичига ютиши оқибатида баъзи қасалликка чалиниб қолиши эҳтимолдан узоқ эмас (Ибн Рушд. 129б-варак).

²⁰⁴ Яъни ўн тўрт, ўн беш ёшга.

²⁰⁵ Чунки боланинг мизожи рутубатли бўлгани учун улар зарар келтириши мумкин.

²⁰⁶ Гул хушбўй ҳиди билан руҳ жавҳарига ёқимлидир; хусусан [руҳнинг] мизожи иссиқ бўлса, шундай бўлади. Чунки кейинги ҳолда у ўзидағи совуклиги билан руҳга фойда қиласиди. Буриштириш билан руҳни мустаҳкамлайди. Шунинг учун гул сувини оз-оз хўплаб ичириса, иссиқдан бўлган бехушликка ва иссиқдан бўлган хафақонга жуда фойда қиласиди.

²⁰⁷ Яъни баҳор ва кузда.

²⁰⁸ “Қифол” — қўлнинг елка қисмидан ташқи тарафда тери остида жойлашган вена.

²⁰⁹ “Ақжал” — тирсак бўгинининг олдинги сатҳида ташқи ва ички тери ости веналарини бириктирувчи вена.

²¹⁰ “Бослиқ” — тери ости венаси.

²¹⁴ Яъни бетоблик ориз бўладиган вақтдаги муолажани унинг ориз бўлишидан илгари бажар.

²¹⁵ Бу ҳақда 985—988 байтларга қаранг.

²¹⁶ Бу сарлавҳа фақат лотинча таржимада бор.

²¹⁷ Яъни хилтларни чиқармаса ҳам бузуқ мизожга ғалаба қилиб, уни яхшита айлантирувчи дориларни ҳам зикр қиласман демоқчи.

²¹⁸ Кувватлар бирламчи, иккиламчи ва учламчи деб уч хилга ажралади. Бирламчи кувватларга тўрт кайфият — мизожлар (иссиқ, совуқ, ҳўл, куруқ) ва шуларнинг таркиб топганлари киради. Иккиламчи кувватлар деб мазкур кайфиятларга тобе бўладиган таъсирларни айтилади. Улар: ярани пиширувчи, юмшатувчи, қотиравчи ва тўсиқларни очувчи, уларни торайтирувчи, куйдирувчи, этни камайтирувчи ва уни ўстирувчи, битиравчи ва оғриқни тўхтатувчи каби сифатларга эга бўлади. Буларнинг таъсири ҳамма аъзоларда бўлади. Аммо учламчисига эга маҳсус аъзоларга бўладиган маҳсус таъсирлар киради. Улар: бадандаги тошларни майдалаб — йўқотувчи, сийдик ва ҳайз қонларининг келишини осонлантирувчи, кўкрак ва ўпкадаги хилтларни чиқаришга ёрдам берувчи, сут ва манийнинг келишини осонлаштириб кўпайтирувчилардан иборат (Қаранг: Ибн Рушд, 135а-варақ; “Комил ас-синоа ат-тиббия”, II, 92—98-бетлар).

²¹⁹ Гуммиарабик.

²²⁰ “Қонун”, V, 10—13-бетларидаги “Мураккаб дориларнинг кераклиги” ҳақидаги “Назарий мақолага” қаранг.

²²¹ Шу байтдаги “ҳижоб” сўзи тушунарли эмас, лугатларда унга берилган маъно яшириш — пардалаш мазмунидан нарига ўтмаган.

²²² Унсурлардаги дастлабки кувват тўртта: иссиқлик, совуқлик, ҳўллик, куруқлик. Бузилиб ва мавжуд бўлиб турган жисмлардаги мизожлар шу дастлабки қувватлардан вужудга келади (“Қонун”, I, 11-бет).

²²³ Яъни ўзгартиришнинг кучлилиги ҳис қилувчи аъзо билан сезилса-ю, лекин унда ўша ўзгартирилган аъзони бузиш, ёмон таъсир қилиш бўлмаса.

²²⁴ Содда дориларнинг умумий таъсирига келганда, уларни Ибн Сино “Тиб қонунлари”да ҳам иккига бўлган. Бирламчилари — совитиш, қиздириш, ҳўллаш ва куришидан иборат тўрт таъсирдир. Иккиламчиларига келсак,

улар мазкур бирламчи таъсирларнинг ўзларидек бўлсалар ҳам, лекин ортиқлик ёки озлик чегаралари билан улчанганд, солишириб аниқланган бўладилар. Буларга куйдириш, саситиш, чиритиш, қотириш ва оқищдан тўхтатиш кабилар киради (“Қонун”, II, 25-бет). Ибн Сино “Тиб қонунлари”да дориларнинг ўзларида бўлган сифатларига кура яна бир қанча табакаларга бўлади. Биринчи табақа таъсирларга куйидагилар киради: қиздирувчи, шимдирувчи, эритувчи, тозаловчи, елларни ҳайдовчи, дагал қилувчи, очувчи, бўшаштирувчи, етилтирувчи (ёки пиширувчи), ҳазм қилувчи, парчаловчи, елни синдирувчи, тортувчи, ачиштирувчи, қиздирувчи, қичитувчи, яра қилувчи, сювчи, куйдирувчи, майдаловчи, саситувчи, доғловичи, шилувчи каби (“Қонун”, II, 27-бет).

²² Пиширувчи ёки етилтирувчи дори шундайки, у хилтни етилтиради, чунки у хилтни мўътадиллик билан қиздирали (“Қонун”, II, 28-бет).

²²³ Т.да “ чақмайди ”.

²²⁴ “Бодзаҳр”, “фодзаҳр”, “бозаҳр” ва “подзаҳр” шакллари ҳам учрайди. Умуман, заҳарларга қарши ишлатилидиган ва уларни тортиб оладиган дори.

²²⁵ Яъни ўзи заҳарли бўлиб, заҳарланган баданга ўз хусусиятини акси билан фойда беради; заҳарланган бадандаги заҳарни кесади (Ибн Рушд, 145а-варақ).

²²⁶ Яъни булар ҳам буйраклардаги майда тошни увалатиб ташлаш хусусиятга эга.

²²⁷ “Вашм”.

²²⁸ Т.да: “ва биз тутатадиган тутатқилар каби”.

²²⁹ С.П.да 1118 байтдан сунг қушимча бир байт киристилган; “Латта билан боғлаш, буғлаш, пахтадоғ қилиш ва оғизни гарфара қилиш каби”.

²³⁰ Ибн Рушдда “ўзгартиришга” сўзи ўрнида “таъбир этиш”, “тушунтиришга” дейилган. Яъни, булар ҳаммаси бетобнинг дарди нимадан иборат эканлигини тушуниш учун табибга ёрдам берувчидир.

²³¹ С.П.да “бесаранжомланмасдан”.

²³² Яъни, қон олдиришдан бошқа.

²³³ Бўшатища шу ўнта шартларнинг ҳаммаси мавжуд бўлиши ва бўлмаслигига эътибор бериш керак бўлади. Мабодо улардан биттаси ёки бир нечтаси мавжуд бўлмай

қолса, шунга қараб бўшатиш миқдорини камайтириш лозим бўлади. Акс ҳолда, бетоб заарланиши мумкин.

²⁴³ Олинмоқчи бўлган қонни у йигилган аъзонинг ўзидан эмас, қандайдир бир сабаблар билан бошқа аъзодан олишга тўғри келса, у вақтда ўша қон йигилган аъзонинг рўпарасидаги аъзога томири улашган аъзодан олинади. Масалан: ҳайз қони кўп оққанда табиблар эмчакка, буруннинг ўнг кавагидан қон оққани учун жигарга ва чап кавагидан оққанда қора талоққа қортиқ қўйишлари каби (Ибн Рушд, 152а—152б-вараклар).

²⁴⁴ Яъни юқорида айтиб ўтилган ўнта шарт ёки қон фалаба қилганлик белгиларини кўриш шарти билан.

²⁴⁵ Томоқдаги бодом безларининг яллигланиши.

²⁴⁶ Лаклук ва ҳиқилдоқ орасидаги жой.

²⁴⁷ П. (Париж нусхаси) таржимасида “бавосир” дейилган.

²⁴⁸ Кўзнинг ички томирларининг шишидан пайдо бўладиган юпқа парда ёки сиртқи томирларнинг шишидан вужудга келадиган тутунга ўхшаш хиралик.

²⁴⁹ Зарб ёки бирон бошқа ҳодиса орқали қўзда қон йигилиб қолицдан пайдо бўладиган қизил нуқта.

²⁵⁰ “Тут шаклидаги ўсма”. “Дам-бадам қонаб турувчи — усти яраланган полип ва папиллома бўлса керак” (“Қонун”, III, 1-жилд, 254—698-бетлар).

²⁵¹ Қуймуч [үтиргич] асаби Nervus Ischiadicus бу асабнинг яллигланиши “ишиас” деб аталади. Ибн Сино бу асабнинг ўзи ҳам, унинг яллигланишини ҳам бир термин билан атайди.

²⁵² Бу байтда Ибн Сино араб тили қоидасига хилоф бўлса ҳам сийфаси музаккар бўлган “важъ” [օғриқ] сўзи га сифат қилиб, зарурати шеър учун муаннас сийғада “нахисат” [санчиқли] шаклида қилиб беришга мажбур бўлган. Қоидага кўра, у сўз “то” сиз бўлиши керак эди.

²⁵³ Юонча сўз бўлиб, иситма хилларидан “мугбиқа” деб аталадиган қон [мизожли] иситма (Ибн Рушд, 165а-варак).

²⁵⁴ Зотилжамнинг бир хили.

²⁵⁵ Ичбуруғ.

²⁵⁶ Совуқ ғализ моддадан пайдо бўладиган думалоқ шаклдаги шиш. Унинг ранги тери рангига ўхшайди ва оғриғи бўлмайди.

²⁴⁸ Иситма билан баданга чиқадиган чиқиқ, унинг ўрни бир оз шишади. У ўз жойидан бошқа жойга чумолига ўхшаб ўрмалаб ўтади.

²⁴⁹ Кунаро тутадиган иситмани қандай дорилар билан даволасанг, шуларни ҳам шундай дори билан даволагин.

²⁵⁰ Қон мизожли дардларга ишлатиладиган совуқ мизожли дори ва гизоларни ишилат.

²⁵¹ Ичбуруг.

²⁵² Кулгуна [ёғли ўсмага ўхшайди], лекин у ёғли ўсмадек этдан ажралиб турмай, балки этга ёпишиб туриши билан ундан фарқ қиласди. Кулгуна юмшоқ ғовак этда пайдо бўлади. Бунинг ҳам асабли пардаси бўлади. Кулгунанинг жуда каттаси ҳам бўлади. Баъзан унинг биттасидан бир қанча кулгуна туғилади, бу хусусда у сўгалга ўхшайди. Баъзан улар маржондек тизилишиб узум бошига ўхшаб кетади. Кулгуна, кўпинча, бўйин ва қўлтиқ тагида пайдо бўлади. Уни “хинзир” [чўчқа] ёки “ханозир” [чўчқалар] деб аталиши чўчқаларда кўп учраши сабабли бўлса керак. Ёки бундай аташга сабаб қулгунага учраган киши гардананинг кўриниши чўчқа гарданига ўхшаб қолишидан бўлса керак (“Конун”, IV, 264—265-бетлар).

²⁵³ “Фил касаллиги” деб қадам ва почаларнинг табиий ҳолатдан ортиқча йўғонлашиб кетишига айтилади. Бу ғализ моддаларнинг, яъни кўпинча савдовий хилт ва баъзан балғамнинг уларга қуйилишидан келиб чиқади (Ибн Рушд, 157а-варак).

²⁵⁴ Кўз гавҳарининг хираланиши.

²⁵⁵ С.П.да ва Ибн Рушдда: “ва иситмалар”.

²⁵⁶ Матъум бир вақтда балғам туфайли келадиган иситма.

²⁵⁷ “Сариқ сув касаллиги”. 1. Қоринда сув йигилиши — жигарнинг цирроз касаллигига, оғирлашган юрак нуқсони касаллигига, баъзан буйрак касалликларида учровчи қорин бўшлигига зардоб йигилиши (асцит); 2. Гўштда сув йигилиши (лаҳмий) — турли патологик жараёнлар натижасида келиб чиқадиган мушаклар орасида сув йигилиши (кисталар); 3. “Ноғорасимон истисқо” (таблий) — бунга қорин бўшлигига ва унинг ён-верига ёйилувчи ел моддаси сабаб бўлади. Шунинг учун бўлса керак “ноғорасимон” истисқоны ел истисқоси ҳам дейилади. “Ноғорасимон” истисқо билан оғриган кишининг қорнига қўл билан урилса, пуф-

ланган мешникideк товуш эшитилади. Бу истисқода оёқ бошқа истисқоларда бўлгани каби шишмайди (“Қонун”, I, 435-бет; III, 2-жилд, 76—85-бетлар).

²³⁹ Балғамни сурувчи ичиладиган мураккаб дори (Ибн Рушд, 147а—159б-варажлар).

²⁴⁰ Бу ўринда бурун катақларини қопловчи касаллик кўзда тутилади. Чунки бу эт шаклан чилпоя [мишгоёқ] овқилаётган вақтида бурун катақларини ётган ҳолига ўхшайди (“Комили ас-синоа”, 1-жилд, 347-бет).

²⁴¹ Эски табибларнинг фикрича, қориндаги овқатнинг қаттиқ ачиб бузилиши ҳам савдонинг ғалаба қилганидан келиб чиқади.

²⁴² “Тулки касаллиги” — мўй тўкилици касаллиги, жумладан, киприк тўкилиши (“Қонун”, III, 1-жилд, 257-бет).

²⁴³ “Кувабо” — қасмоқ ёки темиратки; бу касалликни “ҳазоз” ҳам дейилади.

²⁴⁴ Жигарда совуклик пайдо бўлиши ҳам савдонинг натижасидир.

²⁴⁵ Ютақиши: “...меъда оғзи доимо очиқканга ўхшаб турди; бу нарса кўпинча ташна қиласи, баъзан эса, агар тарқатилиши жуда кўпайса, очиқтиради” (“Қонун”, III, 1-жилд, 613-бет).

²⁴⁶ Ёки “кўпчиш”.

²⁴⁷ С.П.да: “икки биқинда”.

²⁴⁸ “Шатар” — қовоқ афдарилиши.

²⁴⁹ С.П.да: “икки биқинда”.

²⁵⁰ Уларнинг урмайдиган хилидан [венадан] қон олинади.

²⁵¹ Билак буқланадиган ерда ва қўлтиқ босилиқининг юқорисидаги иккита тери ости венасининг номи. Буларни бадан томири деб ҳам айтилади (Ибн Рушд, 160а-вараж).

²⁵² “Қифол” томири — тирсак бўгини яқинида уч қисмга бўлинади. Улардан бири — ҳабл уз-зироъ “билак “ар-қони”дир (“Қонун”, I, 118-бет).

²⁵³ “Шақиқа” — бошнинг бир томонида бўладиган оғриқ (мигренъ).

²⁵⁴ С.П.да иккинчи мисра: “Истасанг уни ажрат ёки ҳаммасини кес”.

²⁵⁵ “Михчалар” — михнинг қалпоғига ўхшаш оқ тугунчалар (Тўлароқ маълумот олиш учун қаранг: “Қонун”, IV, 271-бет).

²⁸ Юқори ва пастки қовоқнинг ағдарилиши, ёрилиши; пастки қовоқнинг осилиб тушиши.

²⁹ Яра ёки зарба натижасида мугуз қавати йиртилса, ўқ-ёй парда кўриниб қолади. Унинг кўриниб турган бўлаги узум уруғидек бўлиб кўринса, уни “узум уруғсимон” [инабия] деб аталади (“Қонун”, III, 1-жилд, 230-бет).

³⁰ Эркакларнинг эмчаги хотинларникига ухшаб осилиб кетган бўлса, қирқилади (Ибн Рушд, 1626-варақ).

³¹ Шиллиқ парданинг ёки кўз фўлагини ўраб турган парданинг ўсишидир. Бу кўпинча кўзнинг ички [бурун томон] бурчагидан бошланиб, шиллиқ қатламга қараб ёйлади, бальзан мугуз қаватини қоплаб, унинг устига ўтади, ҳатто кўриш тешитини бекитади (“Қонун”, III, 1-жилд, 239-бет).

²⁷ “Шатра” кўплиги “шатоир”.

³² Ибн Рушднинг шарҳида “зафара” эмас, “туфра” деб ёзилган.

³³ Эрлик аъзоси ҳам, хотинлик аъзоси ҳам бўлмаган кишиидир. Буларнинг бальзиларида иккала аъзо ҳам бўлиб, лекин бири яширинроқ ва кучсизроқ, икинчиси унинг асича бўлади. Бальзиларда иккала аъзо баробар бўлади. Кўпинча, улардаги икки аъзодан яширинргонини кесиб жароҳатни тузатиш билан даволанади (“Қонун”, III, 2-жилд, 383-бет).

³⁴ С.П. ва Т.да: “шилинган”.

³⁵ “Дўл донаси” — бу қовоқ ичкарисида қўйилиб қаттиқлашган рутубат бўлиб, тузи дўлга ўхшаш оқ бўлади (“Қонун”, III, 1-жилд, 252-бет).

³⁶ Ёғли ўсма.

³⁷ Артерия — ҳаракатли томир (Тўлароқ маълумот олиш учун қаранг: “Қонун”, I, 433-бет).

³⁸ Ибн Рушднинг шарҳида “қийла” [дабба] сувлик ва этлик деган икки хилга бўлинади ва шуларнинг ҳар икказасини ҳам ёрилади (Ибн Рушд, 164a-варақ).

³⁹ Бинтлар.

**“Буюк табиблар маслаҳати”
туркумидан**

Илмий-оммабон нашр

АБУ АЛИ ИБН СИНО

**УРЖУЗА
ёки
1326 БАЙТ ТИББИЙ ЎГИТ**

Тошкент, 700129, Абу Али ибн Сино номидаги тиббиёт
нашириёти, Навоий кӯчаси, 30.

Нашрға тайёрловчи *Б. Омон*
Таҳририят мудири *Б. Мансуров*
Рассом *А. Кива*
Расмлар мұхаррири *М. Эргашева*
Техн. мұхаррир *Н. Халитова*
Мусағылқ *С. Абдунабиева*

ИБ № 2829

Босишга 01.04.99да рухсат этилди. Бичими $70 \times 90^{1/2}$, Газета қорози.
Офсет босма. Адабий гарнитура. Шартли босма табоқ 5,85. Шартли бўёқ
оттиски 6,1. Нашр. босма табоқ 5,82. 4—99-рақамли шартнома.
Жами 10000 нусха. 213-рақамли буюртма. Нархи шартнома асосида.

Ўзбекистон Республикаси Давлат матбуот қўмитаси ҳузуридаги Тошкент
китоб-журнал фабрикасида босилди. Тошкент 700194,
Юнусобод даҳаси, Муродов кӯчаси, 1.